





31. C. 35

14. Bot.

RAPSODIA
 IO. PETRI
 CERMENATI DE RÈ-
 CTA REGNORVM AC RÈ-
 RVMPVBLICARVM AD-
 ministracione, deque princì-
 pum moribus:

*Ex optimis quibusque cum sacris, tum
 profanis authoribus collecta.*



LVGDVNI.

*Ad Salamandra, Apud Ludouicum
 Carolum Penot, fratres.*



1561

CVM PRIVILEGIO REGIO.

14 B. 1. 6. 36.

Capuccinorum

Romæ.





PRECLARIS-
SIMO VIRO DOMINO IO. IA-
COBO RUPIO CAMBRAIO GALLORVM

*Regis à libellis supplicibus consiliario: Eiusq̃
nomine nunc inter Rhatos lega-
tum agenti, Ioannes Pe-
trus Cermenatus
Felicitatem.*



*VI studiorũ suo-
rum lucubrationes
in lucẽ edituri sunt
præstâtissime Do-
mine, eas pluri-
mũ singulari vir-
tute præditis viris dicare solẽt, vt ipso-
rum auspicijs aduersus inuidos tutio-
res esse valeant. Horum consuetudinẽ
mibi quoque nunc sequendam duxi.
Nam quum ex varijs tã sacris, quàm
profanis authoribus rapsodiam quã-
dam de recta regnorum ac rerumpu-*

blicarū administratiōe: Dēque Prin-
 cipū moribus magno labore, summoque
 studio collegissem, hanc ipsam tibi dono
 dare constitui, vt obtreſſatorum (ſi qui
 forte fuerint) morſus tuo ſub patricinio
 facilius vitare poſſit. Et quis obſecro, me-
 lius illā tueri queat, quā Io. Iacobus
 Ruppſius Cambraiſus? Cuius authoritas
 ea eſt, ſiue generis eximiam nobilitatem,
 ſiue diſciplinarum omniū eruditionem,
 ſiue regiorum munerum traditam fur-
 ctionem ſpectes, vt iure merito vene-
 āda ſit omnibus & excolenda. Huc acceſſit
 ingens tuorum in me cumulus meritorū,
 quibus proſectō deberi mea omnia mihi
 perſuaſiſſimum eſt. Vix videbar homi-
 nis ingrati ſuſpicionem euitare poſſe, ni-
 ſi munuſculum hoc tibi, qualecunque
 tandem id ſit, obtuliſſem. Præterea duo
 buſ potiſſimum nominibus tibi conueni-
 re libellum ipſum exiſtimaui, & quod
 ipſe quoque ſis animi tui Princeps, &
 quod Regibus tuis fideliter & amanter
 iuſeruias. Quæ ſanè munia quo pacto
 ſint exactè præſtanda, vel pro parte ſal-
 tem

tem hinc (vt arbitror) animaduertere licebit. Et si etiam aliunde tibi eadem esse nota non verear. Talibus enim & naturā insitis, & institutione partis exuberans dotibus, vt horum munerum administrationis formam possis ab alio nemine melius, quā à teipso exquirere: ita natus, ita educatus, ita in exequēdis tui Regis imperijs versatus, vt & prudentissimi ducis, & strenui militis (de togata dico militia) parteis omneis huiusmodi in officijs obire procul dubio valeas. Id quod ipsa negotia, quibus assiduam operam nauandis adhibes, manifestissimè indicant. Atque illud vnum præ omnibus maximè, quod ad varios Reges, ac Principes tractandarum summi momenti rerum gratia frequenter legaris. Et quæ regio in terris, vestri non plena laboris. Quibus omnino laboribus legationibûsque obitis quanta sis cura diligentiaque perfunctus, hodièque apud Rhætos trium fœderum Dominos idem munus exercēs perfungaris, ita per se ipsa res loquitur: vt longiore mihi ser-

mone ad id explanandum non esse hîc
 opus existimem. Nam quod seorsum ad
 Rheticâ hanc legationem attinet, Quis
 est, qui nesciat quanta dexteritate istius-
 modi populorum animos tuo Regi con-
 cilies? quanta prudentia, si qui forte tu-
 multus excitentur, ut in liberis rebus pu-
 blicis nonnunquam fieri consuevit, eos
 & componas, & mitiges? quanta deni-
 que liberalitate tibi omneis deuincias?
 Quæ quidem omnia tuiste Regibus &
 Principibus ita faciunt & acceptum,
 & gratum, ut nemini dubium sit, inde
 tibi facilitere ad sublimiores gradus iam
 patere conscensum. Nos autem eisdem
 Regibus maximopere gratulamur, quod
 tales habeant oratores, quales & inter
 ipsos Rhætos te, & inter Heluetios præ-
 stantissimum virum D. Cugnetum esse nunc
 cernimus: Quorum sapienti consilio, se-
 dulaque sit opera, ut utraque tam Hel-
 uetiorum quam Rhætorum gens fœdus
 cum Gallis initum, & contractam so-
 cietatem ex animo seruent: & in suis ex-
 peditionibus Rex ad manum semper ha-
 beat

beatissimas copias. Ut nihil inter-
rim de alijs compluribus compendijs,
quæ Regibus ipsis inde proueniunt, hic
loquamur. Verùm ut ad bellum reuer-
tar, hoc vnum vehementer te oro, beni-
gnissime Domine, ut Cermenati veteris
tui clientis has tametsi tenuis vigilas
non dedigneris accipere. Nam mihi sa-
tis abundè factum arbitror, si eas tibi
non displicuisse cognouero. Vale.



DE VNICO VEROQVE

Deo rerum omnium motore primo, cui soli Regibus & rerum publicarum Principibus viris innitendum sit. Deque multis falsis que Dijs quos debent iidem Principes reijcere.

CAPVT I.



EX varia tam sacrorum quam prophanorum Authorum, præsertimque ex Plutarchi lectione iam comperi, bonum Principem esse Dei veluti simulacrum quoddam. Quamobrem tam qui regendis principatibus, quam qui rebus publicis administrandis præsent, scire debet, quemadmodum in gubernandorum populorum mole sese veluti digniores effectus à prima causa

causa dependēteis haberi volunt, ita si
 bijpsis non solum cum Platone, Aristo
 tele, ac Boëtio Seuerino, verumetiam
 cum Dauide, Iosaphato, ac Iosia Regi-
 bus confitendum esse, vnum aliquod
 numen sempiternum, primariūque
 motorem existere, qui stabilis per se-
 ipse manens det cuncta moueri, quē
 que perfectioribus ab suis effectibus
 tanquam perfectissimā causam agno-
 sci, amplecti, amari, ac venerari par sit,
 vt spiritu Dei se principes duci mini-
 mē dubitent: quin sibi potius persua-
 deant, ipsum Deum solum esse, cui ex
 animo fidere debeāt, cuique nihil aliud
 æquare possint: dicāntque cum Dau-
 de: Deus meus fortitudo mea, sperabo
 in eo, scutum meum, et cornu salutis
 meæ: & cum apostolo Paulo, etiamsi
 sint, qui dicantur dii, nobis tamen vnus
 est Deus, qui operatur omnia in omni-
 bus. In primis caueat Princeps ne pra-
 uis de Deo imbuat animum opinionib-
 us: nam illi magis necessarium est be-
 nē sentire de ipso Deo, quā cibo ve-

*Plato in
 Parmenid.
 Arist. 1. 11.
 metaph. &
 in 8. Mo-
 ral. Boët. De
 Consol. phi-
 losoph.*

*Psal. 17. 82
 134.
 1 Cor. 8. et 12*

sci quotidiano: cibus enim tantummodo corpus alit, at vera Dei cognitio nutrit animum, sine qua cognitione regna ipsa neque rectè gubernari, neque diu consistere valent. Quòcirca quum nosset optimus Deus, quàm perniciosum sit & principibus, & populis aliquam de seipso sinistram habere intètionem, aut plureis sibi Deos confingere, Mo-
Deu. 3. 6. 10 sem fidum ducem, suumque peculiare populū admonuit dicens, Audi Israel Dominus Deus noster, Dominus vnus est. Et paulo post idem inculcat, inquit: Videte quòd ego sim solus, & non sit alius Deus præter me: Ego occid & viuifico, percutio, & sano, neque quisquam subterfugit manum meam. Exodi quoque. 20. ait. Ego sum Dominus Deus tuus, qui eduxi te de terra Aegypti non habebis Deos alios præter me. Quæ omnia non cò tantum Dominus dixit, vt principes, ac populi Deū ipsū pro suo haberent, sed vt etiam cauerēt ne sub aliquo prætextu quicquam aliud sibi proponerent ad adorandum & in

inuocandum. Populorum igitur moderatoribus expedit intelligere non solū,
 & vnum, & suum esse Deum, verum
 etiam quo cultu ritè sit honorandus,
 vt ipsius voluntati conformes hac in
 parte facti, euadant & ipsi sancti, iusti
 atque immaculati, quemadmodum
 idem Dominus est: ab illo vno pende-
 ant, illi vni fidant, illum vnum operibus
 ab ipso iussis, non ab se inuentis colāt.
 Quid enim magis ridiculum est, quàm
 vana principum, ac populorum Ethni-
 corum superstitio? Namque hæc Iouē
 tempestatibus, Iunonem Lucinam par-
 tubus, Carerem frugibus, Neptunum
 aquis, Sapientiæ Mineruā, Amoribus
 Venerem, Morbis Aesculapium præ-
 fecerunt. Sed quid opus est peculiare
 hos recensere, quum Hesiodus Vates
 asserat, triginta Deorū millia sua tem-
 pestate fuisse à mortalibus culta: vt præ-
 tereā interim quorundam eorum apud
 Romanos etiam tum inania, tum vitu-
 perosa, vt Cloacini & Priapi, atque alia
 eiusdem generis nomina. Quid ve-

*Lactan:
lib. 2. ca. 14*

ro dicendum est de ijs quos in suarum gratiam vxorum et concubinarum Solomon adorauit? Nonne de illo sic habent sacræ literæ? Mùlieres inclinauerunt cor eius post deos alios, ita vt nō esset syncerum cum domino Deo suo, sicut cor Dauidis eius patris. Nam abiit Solomon post Asthoret Deum Sidoniorum, & post Milcom abominationem Ammonitarum, designauitque quod displicuit domino. Non videtur alienum ab hoc instituto id etiam inferre, quod quarto Regum libro legitur, nimirum singulas genteis fecisse sibi suos Deos, ac reposuisse in fanis excelsorum, quæ fecerant Samaritæ. Qui ex Babel erant, fecerunt Nergal. Viri ex Hemat fecerunt Asima, Auitæ fecerūt Hibbaz & Thartac. et Sepharitæ combusserunt filios suos igne ipsi Adramalech, & Anamelech Dijs Sepharnaim. Et quāquā sub hominū plurimorumque aliorum animantium imaginibus ipsum se Deum colere prætenderent, nihilominus in reprobum sensum

3. Reg. 11.

Cap. 17.

sensum traditi grauitè illum offende-
 bant: qui quum sit spiritus, vult & spi-
 ritu & veritate adorari: suique ho-
 noris Zelotypiam præ se fert maximâ:
 Denique per Esaiam exclamat: Respi-
 cite ad me, vt saluemini, omnes fines
 terræ: quoniam ego sum Deus, & non
 est alius. Hunc Plato etiam mentem
 quandam æternam esse asserit: vnum-
 que qui à seipso sit, quem in Spensippo
 sic finit, videlicet Essentiam (vt hac vo-
 ce nunc vtar) quandam esse per se viuē-
 tem & immortalem, ad beatitudinem
 sibi ipsi sufficientem, ipsius boni cau-
 sam, incorpoream, optimam, nulla re in-
 digentem, cunctâque conferentem. De
 quo Chrysostomus quoque sic ait. Nā
 Si Deus est, (quemadmodum est) nihil
 eo superius: Si omnium conditor: pri-
 mus: Si Dominus est: Princeps omniū:
 omnia post ipsum & creaturæ, et secu-
 la. Quandoquidem igitur hæc de vero
 Deo vera opinio sacra illa est anchora,
 cui quum Principi, tum populo inni-
 tendum est, eaque diuinis è scriptis hau-

Lib. 1. ca. 2.

ritur, debent ijs tantum principēs ipsi
fidem integram adhibere, omissis &
somnia, & visionibus, alijsque rebus
omnibus, quæ scriptis ipsis aliquid aut
addant, aut imminuant. Augustini ver-
ba ad Paulinam, De videndo Deo huc
faciunt, qui ait: Nolo authoritatem me-
am sequaris, vt ideo putes tibi aliquid
necessē esse credere, quoniam à me dici-
tur, sed vt scripturis canonicis credas.
Quod autem non sic ostendero, vt aut
corporis, aut animi sensu visum perce-
ptumque teneatur, & tamen dixerō
aliquid, quod aut verum quidem, aut
falsum esse necesse sit, sed nullum illo-
rum duū generum videatur, restat vt
tantummodo credatur, vel non creda-
tur. Sed si diuinarum scripturarum, ea-
rum scilicet, quæ canonicę ab Ecclesia
nominantur, perspicua firmetur auto-
ritate, sine vlla dubitatione credendum
Act. 17. est. Videant itaque Principes, ac rerū-
publ. Gubernatores ne per Apostolum
Paulum à spiritu sancto supersticiosi
cultus accusentur: Qui sanè Apostolus
quum

DE RECTA REG. ADMIN. 15
quum constitisset in medio Martij vicib
ait: Viri Athenienses per omnia ferè su
perstitiosiores vos video : præteriens
enim & contemplans culturas vestras
inueni & Aram, in qua scriptum erat,
IGNOTO DEO : Quem ergo ignorantes
colitis, hunc ego annuntio vobis. Deus
qui fecit mundum & omnia quæ in eo
sunt, quum sit cœli, terræque dominus,
non in manufactis templis habitat, nec
hominū manibus colitur, quasi ullius
egenus, quum ipse omnibus vitam
flatum, omnia denique conferat : fecit-
que ex vno sanguine omne genus ho-
minum, vt inhabitarent per vniuer-
sam superficiem terræ, definitis tem-
porum opportunitatibus, quæ præ-
stituit, & positis finibus habitationis
eorum, vt quærerent Deum, si fortè pal-
pando eum inuenirent, quanuis profe-
cto non longe sit ab vnoquoque nostrū:
per ipsum enim viuimus, & mouemur,
& sumus: Sicut & quidam vestratium *Aram.*
poëtarum dixerunt: Nam huius Proge

Esaïas cap.

40.

nies etiam sumus. Progenies ergo Dei cum simus, non debemus existimare auro, aut argento aut lapidi sculpturæ artis, aut cogitationis hominis numen esse simile. Esaïas quoque ait, Cui assimilabitis Deum? & quam similitudinem disponetis ei? nonne sculptile conflatur faber, & aurifaber ex auro expandit illud, catenasque argenteas aurifex? nonne pauper oblationi lignum quod non putrescat, eligit? artificem peritum quærit sibi ad præparandum sculptile ne loco moueatur? an non scitis? an non audistis? an non vobis annunciatum est à principio? an non intellexistis fundamenta terræ? Is sedet super Sphæram terræ, & habitatores eius ut locustæ sunt: Qui extendit velut telam cœlos, & expandit eos tanquam tabernaculum ad inhabitandum: Qui redigit potentes in nihilum: Iudices terræ velut inane facit. Etiam non sunt plantati, neque sati sunt, neque etiam radices egit in terra trûcus eorum, & etiam flat in eos

arescunt , turboque velut stipulam
 aufert eos. Cui, inquam, assimilabitis
 me, & æquabor illi, dicit Sanctus ? Ca-
 ueant ergo Principes ac Rerumpub.
 Rectores, ne sibi nouum aliquem De-
 um, nouumue illi cultum aliquem cō-
 stituant, ne contra se verum atque
 vnicum Deum & prouo-
 cent, & irritent.

N A T V R A D E V M
*incomprehensibilem esse, Eo-
 que magis vero cultu vene-
 randum. Cap. II.*



V M Princeps Deū
 ipsum pro solo, suo-
 que Deo habere de-
 beat, vt diuina testā-
 tur oracula, necesse
 est etiā eū-scire Deū
 eundem naturam quandam esse, quæ
 perfectionem atque excellentiam o-
 mnē sine principio, & sine fine in se cō-
 tineat : quamquidem naturam neque

angeli , neque homines, vt in seipſa
 eſt, poſſunt agnoſcere , nam ſi capi
 ab vlla creatura valeret , iam non
 eſſet incomprehenſibilis , neque ſen-
 ſum omnem atque intellectum eius
 euinceret ſapientia . Quamobrem
 etiam Paulus Apoſtolus Eſaiæ ſen-
 tentiæ adſtipulans ait , O profun-
 das diuitias tum ſapientiæ tum co-
 gnitionis Dei : quàm inſcrutabilia
 ſunt iudicia eius , & imperueſtiga-
 biles viæ eius . Quis enim cogno-
 uit mentem Domini ? aut quis ei
 fuit à conſilijs ? Ergo ſi Dei iudi-
 cia, quæ ipſius naturæ ſolum modo
 ſunt effectus , incomprehenſibila
 ſunt , quanto magis eadem ipſa na-
 tura in ſe erit incomprehenſibilis,
 Etenim quod ab alio capi poteſt, ipſo
 capiente minus eſſe necceſſe eſt. Igi-
 tur ab ſeſe tantum non ab vlla re
 alia compræhenditur Deus . Ne-
 que obſtat quod Paulus inquit, tunc
 facie ad faciem contemplantur
 cum

1. Rom. 1
 Eſa. 40.

1. Cor. 13.

31. Eſt. cap.

cum, non enim dicit, comprehendemus. Eodem modo cum Ioannes ait, videbimus eum sicuti est, non asserit nos ipsius naturam comprehensuros, nam si id fieri posset, haud esset incomprehensibilis Deus. Quapropter Moses allocuturus Israëliticum populum Dei nomine, in quiebat: Si me interrogauerint, quod est nomen eius? quid illis respondebo? tunc dixit Mosi Deus. Sum qui sum: Sic dices filijs Israel: *S v m Exod.ca.3;* misit me ad vos. Aliud est rem aliquam videre, aliud ipsius rei naturam penitus comprehendere, ac definire, verbi causa poterit quis videre Smaragdum, qui tamen eius vim & naturam comprehendere ac definire minimè poterit: Quod & Augustinus affirmat ad Paulinam, de videndo Deo ita scribens: Aliud *Lib.1.ca.8;* est enim videre, Aliud est totum vi-
dendo comprehendere: quandoquidem *& 9.*

id videtur, quod præsens utcumque sentitur: totum autē comprehenditur vidēdo, quod sic videtur, ut nihil lateat vidētē & paulo post, Fincis, inquit, circūspicere potes annuli tui: non sic par est cōprehendere, quid sit natura Dei. Complureis commemorant sacræ literæ, qui se Deum hac in vita vidisse testati sunt, nempe Abrahamum, Isaacum, Iacobum, Iobum, Mosem, Micheam, & Esaiam. De Mose nanque sic habetur: quod loquebatur cum Deo facie ad faciem, quemadmodum quis loquitur ad amicum suum: Si inveni gratiam apud te, ostēde mihi temetipsum. Quid ergo? Ille non erat ipse? Si non esset ipse, non ei diceret, ostende mihi temetipsum, sed ostende mihi Deum: & tamen si eius naturam substantiamque conspiceret, multo minus diceret, ostende mihi temetipsum. Ipse ergo erat in ea specie, quam apparere voluerat: non autem ipse apparerat in natura propria, quam Moses videre cupiebat. Hæc Augustinus.

Ambrosius

Exod. 33.

Ambrosius quoque, vt idem Augustinus annotauit, ita dicit plenitudinem diuinitatis eius nemo conspexit, nemo mente aut oculis comprehendit. Iosephus itidem contra Appionem atque illius fautores hoc modo scribit: Deus habet omnia perfectus, beatissimus, ipse sibi cunctis que sufficiens, principiū, & medium, & terminus. Inter omnia siquidem operibus & muneribus clarus, & totius rei manifestus. Forma verò & magnitudine nobis inenarrabilis. Præterea Chrysostomus super Ioannē ait: Quod si hæc satis nō sunt ad omnia ostendenda, nulla te admiratio teneat: de Deo enim nobis est sermo, quē neque dicere, neque intelligere pro ipsius magnitudine quisquam potest. Ideò Ioannes substantiæ nomen nequaquam affert, quippe quum dici nequeat, quænam Dei sit substantia vbique autem cū nobis ex operibus manifestat Dei filius, qui dixit, ego & pater vnū sumus: ego in patre, & pater in me est: illum comprehendit, ac reuelare potuit: Nam

*De Antiq.
Lib. 2. Cap.
ps. 6.*

*Cap. 1.
Hom. 5.*



Deus, inquit, Spiritus est: Et Ioannes, Deus lux est: Moses itē, Deus ignis est ardēs, vt ex naturæ ipsius effectibus, varijs nominibus appelletur, de quibus nobis nunc non est dicendum. Simonides ab Hierone interrogatus quid esset Deus, ad respōdendum sibi diem vnum postulauit. Quum idem postridie eius dici quæreret, biduum petiuit. Quum sæpius duplicaret numerū dierum, admirānsque Hiero quæreret, cur itā faceret: quia, inquit, quantò diutius considero, tantò mihi res videtur obscurior. Ad hæc Plato quum de Deo loqui vellet, dicere quid sit, non est ausus: hoc vnum de illo sciēs, quod sciri, qualis sit, ab homine non possit. Quantò itaque magis à Deo cū Principes tū populi extolluntur: eò magis hunc & suum Deum, & actorum suorum moderatorem vnicum agnoscere debent: cuius maiestas nunquā non sit sibi ipsis præsens: quemadmodum Augustinus Hieremiæ prophetæ verbis vtens ait: Nusquā enim absens est, qui cœlum, ac
terram

terrâ implet, nec spatij includitur par
 uis, magnîsue diffunditur: sed ubiq; to-
 tus est, & nullo cōtinetur loco. Recto-
 res igitur populorum sanctè perpendē-
 tes, hac in parte peculiarem quandam
 in sese habere imaginem Dei, quocun-
 que tēpore, quauis in re adhærere huic
 vni debēt, ne vsquā impingere, aut erra-
 re cōtingat: huius fauorē suis & thesau-
 ris, & regnis præponāt, quē non modò
 suorū dominatuū, sed cœli ac terræ o-
 mniūque elementorum imperiū ha-
 bere pro cōperto habēt. Stabilius ergo
 in suo regno est Princeps, qui causæ,
 quæ immobilis est, innittitur: Quod
 etiā theologi omnes affirmāt, quum in-
 quiūt: vnūquodque quātò propinquius
 est eternitati, tātò est firmitus: vel omnis
 effectus quātò magis causæ motum
 sequitur, tanto fit perfectior. Principes
 itaque nobiliorem se esse Dei quēdam
 effectū agnoscentes, eò meliores erunt
 quo suæ causæ viciniore existent. Si
 bi-ipsis persuadeant, oculos domini
 contemplari vniuersam terram: ne-

2. Paral.

Cap. 16.

Psal. 60.

Hab. 4.

que vllam esse creaturam non manifestam illi , quum ante conspectum eius omnia sint & nuda , & resupinata. Id erit in causa , ne sua malefacta posse Deum latere existiment. Qui veluti anima est quæ (vt Pythagoræ voluit) per sui , orporis parteis omneis discurrit. Nam hîc Orphei, Lini, Homerî, Hesiodi, Aarti, multorûmque aliorum opinionem de Deo recensabo , sed solum quid Milesius Thales hîc senserit, indicabo: de quo Valerius Maximus ita refert: Mirificè etiam Thales , nam interrogatus, an facta hominum Deos fallerent: nec cogitata, inquit, vt non solum manus, sed etiam mētēis puras habere vellemus , quum secretis cogitationibus nostris cœleste numen adesse credidissemus. Ideò principi cauendum, vt neque clām, neque palām aliquid perpetret , quod immensam hanc magnitudinē Dei cuncta videntis & comprehendentis offēdat , ne velut inutilis effectus causæ suæ priuetur influxu.

De admi-

*uidentia Dei quam rebus omnibus
præsertim verò Principibus regendis
ostendit: per quos etiam maximi mo-
menti negotia exequitur, absoluit.*

CAP. III.



VANDOQVI-
dē Maximus Opti-
mūsq; Deus pri-
maria atque vniuer-
salis est causa, parti-
cularis quoque ad
illam reuocari æquum est: Mundūmq;
ipsum tanquam exercitum ad suū du-
cem reduci. Nam quum is effectus Dei
sit, à sua causa, quæ rebus omnibus præ-
sens adest, regi, administrariq; necesse *Iere. 23.*
est. Deum autem esse rerū causam &
formalem, & efficientem, & finalem vi-
demus: formalem quidem, quia res o-
mnes & visibiles & inuisibiles ab hac
ipsa formam atque esse recipiunt: nam
causa formalis est illa, que dat esse rei, *Arista.*
& cam *Phys.*

& eam conseruat in esse, vt non homines tantum, sed reliquas etiam omneis creaturas ad finem ab se destinatum perducatur: peritum enim artificem non instrumēta modo exercere, sed in quē finem etiam exerceatur oportet agnoscere. Quamobrē Deus quum rerum omnium causa sit, easdem quoque ad eum conducit finem, ad quem per se ipsum deputatæ iuxta propriam naturam sunt. Etenim vt in sua sapientia creauit omnia, sic sapienter omnia mouet, & gubernat, in seque ipso regimen continens vnicuique rei, siue magna siue parua sit, prouidet. Hoc stulti hac in parte incredulique philosophi minimè perceperunt: Qua de causa etiam multos in errores incurrere, mundum casu consistere, ex atomisque esse compositū, & quodlibet in quolibet esse (vt Anaxagoras putauit) asseuerantes. Alij verò quum naturam ordinatè procedere conspicerent, Dei circa res humanas prouidentiam negabant: vt Iuuenalis etiam dixerit.

Sunt

*Sunt qui fortuna iam casibus omnia
ponunt:*

*Et nullo credunt mundum rectore mo-
ueri.*

Natura voluente viceis, & lucis, & anni.

Porrò quum nihil aliud sit prouidē-
tia, quàm ratio ordinis rerū in finem
atque hæc propriè in vno tantum Deo
reperiatur, huic soli competet non ne-
ceisitate naturæ, sed intelligētia, & vo-
luntate, ac sapientia, quæ summa in il-
lo est, omnia rectè disponere, omnibus
providere, atque in finem suum cūcta
dirigere. Mosi David non absimilis in- *Psalm 62.*
quit, Verbo domini cœli facti sunt, &
spiritu oris eius omnis virtus eorum.
Qui extendit terrā super aquas, quo-
niam benignitas eius sempiterna est.
Qui fecit cœlum & terram, & cætera,
quæ sequuntur. Hic præterea conside-
randus est cœlorum, stellarum, vento-
rum, ac nubium motus: niuium, roris,
ac tempestatum defluxus: necnon quē-
admodum Deus Austrum flare iubet,
vt liquefactis niuibus, terræque calefa-

*Psalm. 145.
& 146.*

eta vbique excrescant herbæ. Quamquam his de rebus & in veteri: & in nouo testamento frequens est mētio. Regius enim Psalter ait: Qui stellas innumero habet, & vniuersa vocat nominibus suis. Magnus Dominus & laudabilis valdè, & magnitudinis eius non est inuestigatio. Qui operit cælum nubi-
bus, & parat pluuiam terræ, & producit fœnum in mōtibus: Qui dat niuem tanquam lanam, & pluuiam spargit vt cinerem. Et proijcit glaciem suā vt laminas: Quis frigus ipsius sustinebit? missoque verbo suo liquefacit hæc, & vento suo afflat, vt aquæ fluant. Tuus est dies, tua etiam nox, tu lucem ac solem præparasti, tu cunctos fines orbis constituisti: Estatem & hyemem tu finxisti. Et alibi: Qui facit Cynosuram & Bootem & cætera. Ostendunt insuper Dei prouidentiam sacræ literæ in hoc, quod ipse Deus mirabiliter præparat & victum & vestitum brutis etiam animantibus, sic enim habet: Oculi omniū in te sperant, & tu das illis escam suam

in tempore suo. Tu aperis manū tuam,
 & saturas desiderium omnium animā-
 tium. Qui dat pecori suum pastum, &
 pullis coruorum, qui eū inuocant. Item *Iob. 37.*
Matt. 6.
 cōsiderate aucis cœli, & lilia agri, quo-
 modo crescant: non laborant, neque
 nent, & Deus tamen sic pascit & sic ve-
 stit illas. Hoc idem etiam in negatiuis
 ac sensitiuis rebus obseruandum est.
 Nec minus cœlorum ac stellarum tam
 mobilium quàm immobilium pulcher-
 rimum ordinem, solisque, ac lunæ sta-
 tas viceis intuebimur: Quæ omnia
 ipsius Dei gloriam & prouidentiam a-
 pertissimè prædicant. In sole peculiari-
 ter contemplandum erit, quàm firmo
 totius anni circulum pererret ordine,
 atque hyeme decliuis Capricornum,
 æstate verò sublimis Cancrum petens,
 varias, vtileis, ac iucundas temporum
 vicissitudines efficiat. Similiter & ven-
 torum natura conspicienda est: & quæ
 admodum inter sese nonnunquam ob- *Comment.*
 luctantur: varijs temporibus fluant: *in Meta.*
lib. 2. ca. 7.
 diuersis qualitatibus afficiuntur adeò,

*Lib. 3. Astro-
n. ca. 11.*

vt is humidus, alter siccus, ille calidus, frigidus alius habeatur. Mirum verò quod seorsum de Cæcia refertur, vt ad se vapores ac nubeis trahat, ità vt sit prouerbio locus datus: Attrahit ad se mala, vt Cæcias nubeis. Atque hi quidem venti ex diuina prouidentia signis cœlestibus subiiciuntur: vt astrologi, præsertimque Iulius Firmicus, de ipsorū vnoquóque doceret: per seriem insuper indicantes quid efficacitatis hæc ipsa signa, sic eadem diuina prouidentia disponente, in singulas res sibi subiectas habeant, & in qua cœli atque aëris parte magis vigeant. Quid? quod iidem mathematici quum ætati tum membris humani corporis planetas etiam, reliquaque Zodiaci signa præesse voluerunt? Extat Manlij poëta de duodecim eiusmodi signis carmen ad Augustum Cæsarem in hæc verba.

Accipe

*Accipe diuifas hominis per fydera
parteis,*

*Singulaque in proprijs parentia figna
figuris:*

*In queis præcipuas toto de corpore vi-
reis*

*Exercent. Aries caput eft ante omnia
princeps*

Sortitur. cēfusque fui pulcherrima colla

*Taurus: fed Geminis æquali brachia
forte*

*Scribuntur: connexa humeris, pectus-
que locatum*

*Sub Cancro eft, laterum, renum, fcapu-
leque Leonis:*

*Virginis in propriam descendunt ilia
sortem:*

*Libra regit Cluneis: ♎ Scorpius ingui-
negaudet.*

*Centauro femora accedunt: Capricor-
nus vtrifque*

*Imperat in genibus: crurum fundentis
Aguari,*

*Arbitrium eft: Piſcēsque pedum ſibi in-
ra repoſcunt.*

An non

Annon & Cometæ, qui casus varios portendunt, prouidentiam nobis diuinam ob oculos ponunt? vt qui etiam in Aristotelis Meteororû opere commentarios edidit, appositis carminibus indicauit.

*Tu sterileis agros & inania vota colonis
Siccus, & efferuës sæue Cometa facis.
Quum crinem ostentas, tunc ventorum
impetus vrget*

*Oppida: Tu bella & sanguinolenta
moues.*

*Principibus letum tu seditiosa minaris:
Sic varijs mundus ducitur auspicijs.*

Quid hîc de animalium natura, deque arborum, florum, herbarum, radicum, liquorum, vnguentorum, aromaticum, medicinaliumque misturarum vi proprietatêque dicemus? quę omnia non minus humanis necessitatibus, quàm aut cibus, aut elementa conducunt: frequentius enim morbi medicaminibus quàm pæstu curantur: id quod in causa est, vt medici sint ab omnibus honorandi, vt pote qui rebus in huiusmo

modi & consilio, & auxilio mortalibus
 esse possint. Hoc igitur quoque Dei pro
 uidentia euidēter ostēdit: q̄ creatis ab se
 rebus virtutē ad homines iuandos cō-
 tribuit: eatenus nāque res habentur bo-
 nā, quatenus iuuant: nisi aliquod hīc pe-
 culiare Dei iudicium adsit, quod vetet
 id efficere, quemadmodum olim Israēli-
 tico populo interminatus est, dicens:
 Comedetis, & non saturabimini. Verū
 quoad nihil aliud nobis constat, quā,
 ē sacris literis institutus viuendi ordo,
 non debemus ea, quæ nobis iuandis
 parauit, contemnere: nimirum sic exi-
 stimantes omnipotentem esse Deum,
 qui sua quadam recondita virtute no-
 bis auxiliari valeat. Nam id esset omni-
 no Deum ipsum tentare, vt phrenetici
 quidam audent asserere nullam pesti
 grassanti medicinam adhibendam esse.
 Forsitan ijdem vrgebunt aliquando
 neque bibendum neque comedendum
 in tali morbo, quum pascere nos per se
 Deus, & possit, & velit. Potest quidem,
 sed non vult Deus nisi per interiecta

media cum pascere, tum mederi, quæ ad
modum etiam in alijs ab se creatis re-
bus facit, Etenim creaturæ sunt instru-
menta, sub quibustectus operatur De-
us omnipotentia sua. Creaturas abijce,
& Creatorem abiicisti Non dico te cre-
aturis addictum fidere, spreto creatore:
sed volo te in creaturis Creatorem,
eiusque providentiam agnoscere, ac re-
uereri. Hæc Althamerus. De Medico
autem ac medicina scriptum est. Medi-
cum affice suis honoribus propter ne-
cessitatem, etenim Dominus illum crea-
uit. Nam ab altissimo est medicina: &
à Rege gloriam consequetur. Scientia
medici extollit caput eius, & corâ prin-
cipibus est admirabilis. Dominus me-
dicamenta procreavit: & vir prudens
ea non abhorrebit. Ezechias Rex mas-
sam ficuum ex Esaïæ consilio imposuit
ulceri, & conualuit. Tobias Item ocu-
lis captus adhibito per filium piscis fel-
le, visum recepit. Quod si Deus tam
elementis, quàm rebus ex eisdem com-
positis nullam opis ferendæ vim cōtri-
buisset

Eccl. cap. 38.

4. Reg. 20.

Tob. ii.

buisset, nihil penitus auxilij mortalibus
 ferre possent: Nā neque ignis caleface-
 ret, neq; ipsum ignē aqua extingueret:
 neque quicquā aliud omnino esset, qđ
 vllā in sese iuuandi virtutē contineret. *3. Regū. 4.*
 Neque Solomoni omnium sapientissi-
 mo fuisset opus de arboribus, de herbis
 de Quadrupedibus, de serpentibus, de
 volucris, de piscibus tam copiose dis-
 ferere: frustra enim in ijs omnibus per-
 tractandis insudasset. Verū obsecro
 te quisquis es, quī rebus iam creatis vti
 nihil aliud esse, qđ à diuina prouidentia
 recedere arbitraris: quo pacto nutrire-
 tur vbique locorum gentes, quibus cre-
 atæ res in vsu nunc sunt? necesse esset
 ipsum Deum fructus alios creare, vnde
 victus consisteret. Sed enim quū Deus
 ac Natura, teste philosopho, nihil agāt
 frustra, res omneis iuuādis hominibus
 creatas esse dicendū est. Nonne etiā fon-
 tes aliquot mirabiliter explicāt naturæ
 vireis? quorū quidē ingeniū Ouid. p̄ter
 alios elegāter in metam. 15. volumīe ex
 snīa Pythagoræ describit his carminib.

*Philosophi
dictum.*

*Ante bibebatur, nunc quas continger
nolis,*

*Fundit Anydrus aquas: postquam (nisi
vatibus omnis*

*Eripienda fides) illic lauere Bimembres
Vulnera, clauigeri qua fecerat Herculis
arcus.*

*Quid: nō & Scythicis Hypanis de mon
tibus ortus*

*Qui fuerat dulcis, salibus vitatur ama
ris? Et paulo post.*

*Pauca super referam. Quid? non &
lympha figuras*

*Datque capitque nouas? Medio tua
corniger Hammon.*

*Vnda die gelida est: ortūque obitūque ca
lescit.*

*Admotis Athamantis aquis accende
re lignum*

*Narratur, minimos cū Luna recessit
in orbeis.*

*Flumen habent Cicones, quod potum sa
xæa reddit*

*Viscera: quod tactis inducit marmora
rebus.*

Crathis

Crathis, & hinc sybaris nostris conter-
minus oris

Electro similes faciunt auroque capillos.

Quodque magis mirum: sunt qui non
corpora tantum.

Verum animos etiam valeant mutare
liquores.

Cui non audita est obscœna Salmacis
vnda?

Aethiopèsque lacus: quos si quis fauci-
cibus hausit,

Aut furit, aut patitur mirum gravita-
te soporem.

Clitorio quicunque sitim de fonte leua-
uit,

Vina fugit: gaudetque meris abstemius
vndis.

Seu vis est in aqua calido contraria vi-
no.

Sive, quod indigenæ memorant, Amy-
thaone natus

Prætidæ attonitas postquam per car-
men & herbas

Eripuit furijs purgamina mentis in
illas

*Misit aquas, odiūque meri perman-
sit in vndis.*

*Huic fluit effectū dispar Lyncestius am-
nis.*

*Quem quicumque parū moderato gut-
ture traxit,*

*Haud aliter titubat, quā si mera vna
bissēt.*

*Est lacus Arcadiæ: Pheneum dixere
priores:*

*Ambiguus suspectus aquis: quas nocte
timeto,*

*Noctē nocent pota: sine noxa luce bibun-
tur.*

Quod si Deus inanimatas res ita
curat, quanto magis animatas curabit?
præsertimque proteget, quos elegit, ne
iniuste opprimantur ab aduersarijs: quæ
admodum Psalter regius David mul-
tis in locis planè testatur. Christus etiā
suis inquit, ne timeatis eos, qui occidunt
corpus: animæ verò nihil inferre mali
possunt: aliāsque id genus quampluri-
mas consolationes adnectit. Ut & pe-
trus Apostolus ait: omnem vestram in
Deum

Psal. 44.

Math. 10.

Petr. 1, 5.

Deum coniicite sollicitudinem, quoniam ille vestri curam habet. Sed de huiusmodi aliâs plura. Vile est supra, Deum non modo creatarum rerum Author esse, atque in destinatum finem illas dirigere, verum etiam Regnis ac Prouinciis eam administrationem, ac temporum qualitatem adhibere, siue prosperam, siue aduersam (vt infra dicetur) quam idem ipsis expedire iudicauerit, vt æterno suo decreto fiat satis. Quod sane decretum licet humano sensui prauis opinionibus infecto, aut non bonum aliquando aut iniustum esse appareat, nihilominus quum summa iustitia, summa sapientia, atque adeo summum bonum Deus ipse sit, non nisi iuste, non nisi sapienter denique, non nisi optime disponit, ac moderatur omnia. Neque mirum alicui videatur, Respub. per plures quidem homines, Regna verò per unum tantum administrari, quando perfectissimum numen illud non iuxta proportionem Arithmetice, sed iuxta suum beneplacitum hæc metitur. Ergo veluti principes

viri debent ea regiminis conditione,
 quam Deus concesserit, esse contenti:
 Sic populos debet, & qui bonique facere
 quacunq; tandem gubernatione regā
 tur. Si bona contigerit, agant læti gra-
 tias Deo: Sin secus, patienter tolerant:
 illiusque mutationem expectēt ab ipso
 Deo, qui principes, prout sibi visum est,
 nunc extollit, nunc. deprimat: quemad-
 modum propheta Daniel nos admonet
 dicens: Sit nomen Dei benedictum à se-
 culo & vsque in seculum: quia sapien-
 tia & fortitudo eius est: Et ipse mutat
 tempora, & ætates: aufert Reges: & cō-
 stituit Reges dat sapientiā sapiētibus,
 & scientiā scientibus intelligentiā. Idē
 reuelat profunda & abscondita: nouit
 id quod est in tenebris: & lux cum eo
 manet. Igitur vt victoriæ, lataque om-
 nia, sic & fames, & pestis, & bella, &
 strages, & eiusdem generis afflictiones
 alię sunt à Deo, veluti nos Amos Pro-
 pheta docet, inquiens, nunquid erit ma-
 lum in ciuitate, quod Dominus non fe-
 cerit? Hic erit pariter obseruādū ab ipso
 De

Cap. 2.

Cap. 3.

Deo principū corda disponi, vt quas li-
bitū est illi, prouincias exequantur. *Prouer. 21.*

Qua de re Solomon ait: velut riuuli a-
quarum: ita est cor Regis in manu Do-
mini: ad omne quod vult, inclinatur illud.

Omnis via viri recta est in oculis eius:
pōderat autem corda Dominus. Et ali-
bi: Homo instituit in animo, sed à Do-
mino sermo linguæ est. Compertis-
simum rei huius exemplum sacræ no-

nobis proponunt literæ in Baláame. *Nume. 23.
Cap. 12.*

Ad hæc de principibus ita loquitur Io-
bus. Qui immutat cor principum po-
puli terræ, & errare facit eos in solitu-
dine absque via. Instituit præterea Deus
Principes ad bellum, atque illos fortes

& animosos facit. quo pacto David *Psal. 17.*

rex de seipso dixit, Deus est qui me in-
struit heroica virtute, & viam meā ex-
peditam facit: Instruit manus meas ad
pugnā, datque vt arcum chalybeū bra-
chijs meis confringā. Tu prætendis mi-
hi clypeum salutis tuæ: dextera tua suf-
fulcit me. Prosternis sub me quotquot
contra me insurgunt. Efficis vt terga

vertāt mihi hostes mei, & vt perdā oſo
res meos. Idcirco prouidētia Dei frequē
ter ex hostibus talem victoriam refert
quā nemo vnquam exiſtimare potuiſ-
ſet: vt Moſi contigit aduerſus Pharao-
nē, vt Iofuā, vt Othonieli, vt Aodo, vt
Gedeoni, vt Dauidi contra Goliathum
ac Palæſtinos. Nunc etiā animaduerta-
mus quantam adhibeat curā Deus ijs
Principibus ſeruandis, per quos ingen-
tia patraturus eſt opera. Quām mirifi-
cē vel vſque ab incunabulis adfuit Mo-
ſi, quam diligēter Dauidi, quos ſuo po-
pulo præfecturus erat: quā clemēter ex
impijs manibus crudelis & ſanguinarie
Athaliæ ſurripuit Ioa. Quid? an non
idē etiā cū nōnullis ethnicis regibus fe-
ciſſe Deū alicubi legimus? Iupā ſitientē
ad Romi Remique fratrum ad Tyberim
expoſitorū puerilē vagitū curſum fle-
xiſſe. T. Liuius author eſt: adeoque mi-
tē infantibus māmās præbuiſſe, vt lin-
gua lambentē pueros māgiſter regij pe-
coris inuenerit. Alios quoque Princi-
pes ab irrationalibus alijs animalibus
educatos fuiſſe ſcriptū eſt. Quæquidē

Iof. 1.
Ind. 1.

Exo. i. c. 2.
1. Reg. 2.

1. lib. ab vr-
be condita.

educationes quãuis ex parte fabulosæ
 sint, pro ea tamẽ qua veritatẽ continet
 parte, hîc etiam Dei providentiã præ-
 sentẽ esse demonstrat. Caterũ vt extol-
 lit, quos vult, sceptrisq̃ue exornat Deus,
 ita quos vult: è solio deponit, ac domina
 1. Reg. 2. &
 tuũ administratione priuat: quẽadmo-
 21.
 dũ cũ Saulo inobsequente, cũ Ioabo, cũ
 4. Reg. 15.
 22. & ult.
 Ietoboamo, cũ Achabo, cũ Sedechia,
 cũ Sardanapalo, cũ Tarquinio superbo
 multisq̃ue alijs factũ fuisse cõperimus:
 Regna verò iuxta diuinã providentiã
 Principibus tribui, vel ex hoc patere li-
 quidò potest, qđ nemo vnus inter mor-
 taleis omneis tãta dexteritate, tãto inge-
 nio, tantòque robore præditus esset, vt
 sibi populos, ac nationes subijcere, subiũ-
 garẽque valeret, nisi hominũ corda Dei
 ordinatio ita disponderet, vt illius admi-
 nistrationi colla submittere sustineret.
 Huic sententiã Solomon astipulatur his *Sap. 6.*
 verbis: Audite reges, & attẽdite: discite
 rectores finium terræ: Auscultate qui
 multitudini imperatis, & vobis in gen-
 tium turbis placetis. Vobis sanè à Do-
 mino imperium, à supremo potestas

est data. Dominus quoque Prouerbio-
rum octauo per eundē ait. Per me Re-
ges regnāt: & Gubernatores iusta san-

*Quid prin-
cipi versan-
dum in a-
nimo sit.*

ciunt, & eiusdē generis cætera, quæ se-
quuntur. Atque ob id Principes cō de-
missiores ac mansuetiores esse debent,
quo sublimiorem statum à Deo se acce-
pisse cognoscunt. Vnicuique ipsorū a-
nimo versandū est, se nō nisi vnū esse ho-
minē, qui neutiquam, vt reliqui homi-
nes obtemperaret sibi obtinere posset,
nisi miraculosa quadā Dei dispositione
id fieret: ob quam profectō nō minus il-
li gratiæ agendæ sunt ipsi Deo, quàm ob
id etiā, quod amplissimū regnū, maxi-
mos thesauros possideat. Exemplum ē

2. Paral.

ult. 1. Esd. 1.

Cyro sumere licebit, qui cū Assyrios
debellasset, dixit: omnia regna terræ de-
dit mihi Domin⁹ Deus cœlorū. Agrip-
pa rex itē Iudeos cōtumaceis ac refra-
ctarios alloquens, elegantissima, quam
ad illos habuit, oratione sic intulit. Cre-
dite mihi, quod sine Deo impossibile es-
set imperium tale consistere. Titus
etiam Vespasianus cuidā sibi per frau-

*Ioseph. de
bel. Iuda. li.
2. cap. 16.*

dem

dem eripere dominatum conanti dixit: Imperium non nisi cui Deus concesserit, obuenire potest. Paulus quoque Apostolus Petro consentaneus, ait: Nulla est potestas nisi à Deo: & quæ sunt potestates, eæ à Deo sunt institutæ. Itaque qui potestati repugnat, Dei institutioni resistit. Quocirca si mens humana diuinam hanc prouidentiam in cõstituendis populorum, gentiũque rectoribus rectè perpendet, fructus quãplurimos, atque optimos quidem illos consequetur. Primũ leuius erit obedientiam præstare. Deinde tolerabilius (quoquo modo à Principibus tractetur) sanè sufferet. Quod si iust⁹ ac pius contigerit magistratus, non solum habebit gratiam Deo, sed preces insuper fundet, vt ipse Deus illi adsit, faueátque perpetuò: nec vnquam illum sinat aliquid contra diuina præcepta designare. Si varò iniustus atque impius euenerit, precabitur Deum, vt ab huiusmodi prauitate, iuxta suam nihilo-

Rom. 13.

Rom. 8.

minus voluntatem, illum remoueat: atque efficiat, vt sanctissimis suis præceptis lubens obsequatur. Itaque fiet, vt eadem mens humana quiescat magis: neque seditiones vllas, aut tumultus eã ob causam excitet: aut contra Deum aliquo pacto murmurare audeat. Electis enim omnia sunt adiumento ad bonum. Stomacho namque valido quum sint, omnia concoquunt ac digerunt, in suãque ipsorum vtilitatem conuertunt. Verum enim uero quemadmodum ordinandis conseruandisque pro temporum conditione magistratibus, ac prouincijs præest, (vt iam diximus) ipse Deus, ita suorum electorum hæc incolentium loca peculiarem sibi vendicat curam. Etenim tantum diuini Spiritus, gratiaque illis impartit, vt mihi etiam conseruentur. Dominus (inquit Dauid) non deserit suos, in æternum conseruabuntur. Non Sathanæ subiecti sunt amplius potestati, quia iam Christo insiti, cœlestem hæreditatem expectant, quam ipse primogenitus

tus

tus ex mortuis adeptus est Christus. Cúmque se adoptatus in Dei filios esse minimè dubitent, vt quieius rei pignus & arrhabonem suis in cordibus persentiscant. Deum sibijpsis parentem esse pro comperto habent: audéntque (quod Apostolus Paulus ait), exclamare: Abba Pater. Et procul dubio is ille est benignissimus Parens, de quo *Cap. 49.* vates egregius Esaias inquit: Num obliuioni tradit mulier infantem suum? quominus misereatur filij vteri sui? Sed esto obliuiscantur illæ: ego tamen non obliuiscar tui. Hoc fidelium cœtui pollicetur Deus: Qui quum sit optimus Pater, non modò non obliuiscitur filiorum, sed potius eorum necessitatibus atque indigentijs prouider opportunè. Principio suos elegit Deus *Qualis sit Deus in* in Christo Iesu antequam iacerentur *in* fundamēta terræ, suóq; illos dignat⁹ est *suos.* in eodem, fauore spiritali: Deinde curauit, vt bonis operibus abundarent, quandoquidē è mūdi facibus extracti

coelestium thesaurorū largitori Chri-
sto sunt traditi, vt illi similes, quatenus
fert humana conditio, fiant. Atqui te-
statatur is dicens de suis ouibus: Nemo ra-
piet eas de manu mea. Quin eisdē ver-
bum vitæ preparauit, vt illarum pedi-
bus lucerna sit, ne falsarum erroribus
doctrinarum ipsas illaqueari cōtingat.
Non permittit præterea, vt sui supra
quàm ferre possint, aliquo modo tentē-
tur, sed cum tentatione facit etiam exi-
tum vt sustinere queant. Quapropter
quoniam sub Dei protectione sunt ele-
cti, præcipuam ipsorum curam sese ha-
bere is idem ostendit: attestante Dau-
de, qui ait: Dirigitur à Domino gres-
sus viri: & via eius grata est ei. Quū ruit
nō corrui: Dominus enim fulcit ma-
num eius. Salus iustorum à Domino,
qui & fortitudo eorum est in tempore
afflictionis. Adiuuabit eos Dominus, &
liberabit illos, liberabit eos ab impijs.
Seruabit eos quoniam sperauerunt in
eum. Dominus est refugium, & asylū
iustorum, sub vmbra alarum eius sem-

per morantur. Castra figit angelus Domini circum eos, qui ipsum timent, & eripit eos. Quum diuinæ insuper doctrinæ, aduersarijs respondendum est, suis dat os Deus & sapientiam, vt contradicere illi minimè valcant. Ob ingentem igitur hanc prouidentiam, qua numen illud supernum suos curat, Christus Apostolos ad euangelicam veritatem prædicandam missurus admonuit, ita inquit: Cauete homines: sistunt enim vos in Concilio: inque suis Collegijs verberabunt. Quin ad Principes quoque Regesque ducemini propter me, vt eis, exterisque gentibus sitis testimonio. Cū autem sistunt vos, nolite curare, quomodo, aut quid loquamini, suggeretur enim vobis eadē hora, quid loquamini: non enim vos eritis, qui loquemini, sed patris vestri spiritus in vobis loquetur. Tanta porrò suorum cura tenetur Deus, vt filius, qui congenitus est patri ex hoc mundo abiturus illis dixerit: Non relinquam vos Orphanos: Vado, & venio ad vos: Et vobiscum sum omnibus

diebus vsque ad finem seculi. Illud postremò singulari dignum est obseruatione, videlicet ipsum Deum tanta suos electos charitate prosequi, vt suum filium ad illorum inducenda delicta cruci prius affixum, à resurrectione postea & aduocatum & patronum apud se illis iisdem esse voluerit, vt huius internuntij cum precibus tum meritis in perpetuum placatus, eiusdem eis & sanctificationem & iustitiam, propria carentibus ascribat. Quo demum fit, vt non amplius iam sibi ipsis, sed Deo viuant, eiusque arbitratu sese moueri, ac regi facile patiantur: Quemadmodum Paulus Apostolus de vero Deo loquens Atheniensibus dixit: In ipso uiuimus, & mouemur, & sumus. Idem suos Philippenses Christiana doctrina instituens inquit: Deus est, qui agit in vobis, & vt velitis, & vt efficiatis. Nam vt etiam Solomon ait: In eius (nempe Dei) manu & nos sumus, & sermones nostri: omnisque prudentia & artium peritia.

Act. 17.

Cap. 2.

Sa. cap. 7.

De

DE MONSTROS A

*quorundam Principum
natura: & in quem finē
destinet illam Deus.*

CAPVT IIII.



Vo pacto suā Deus
prouidentia rebus o-
mnibus tam celesti-
bus quā terrestri-
bus, præcipueque re-
gnis pro temporum
opportunitate ministrandis, denique
suis etiam electis gubernandis præsens
adsit, non nihil dictum est supra. Nunc
reliquum esse videtur, vt hîc indicemus
quî fiat, vt inter Principes quidam
non homines, sed hominum potius
monstra sint: & quomodo ad suā ipsius
voluntatem exequendam iis vtatur

*In secundū
lib. Phys.
Cap. 2.*

Deus. Philosophi Deum ipsum & naturam nihil frustra operari aiūt, atque itā fieri, vt natura ipsa destinatum in finem operans nullos fructus monstruosos, sed ad communem ordinem accommodatos productura sit. Quibus quidē & Iacobus Faber Stapulensis, & Franciscus Vatablus itā respondent: naturā licet aliquot monstra nonnunquam edat, non tamen inde sequi, eam non propter suum finem agere: cū ars etiam destinatē aliquid agens interdum erret vtpote Grammaticus non rectē scribat & Medicus non rectē potionē misceat. Ergo sicut in artibus finis intenditur, & quod ipsum non attingit, peccat: itā etiā naturalibus in rebus fit, vt quum finē ipsum in operando respiciat natura: nihilominus aliquando, ne finem propositum consequatur, impedita, monstrum aliquod produciens peccare dicatur. Idem quoque de Deo quodam modo nonnulli, cogitant. quū animaduertūt aliquem principem inordinate res gerere, nec veram fidem, ac pietatem sequi,
mon

monstrum illum appellant: huiusque monstriferi partus culpam in ipsum Deum reiiciunt, qui talem effectum ad suum finem non perduxerit. Verum quum sit in Deo duplex finis, occultus nimirum & manifestus, atque is in finē nobis incognitum sua dirigat frequenter opera, semper quidem ille perficit, quod intendit in Principe, licet nō semper id agnoscant homines, neque re vlla impediri, velut artifex & Grammaticus valet. Si vero manifestum modo finem, quō Principes iniqui tendūt, mortales intueantur, monstra quādam illos esse arbitrabuntur, cum ordinis diuini præscriptum minimè exequantur. Quemadmodum & naturæ portenta iudicantur esse illa, quæ modum ipsius naturæ non seruantia, sibi ipsis materiæ plus, aut minus quàm par est, assumūt: Physici autem sic existimant, quum talia producuntur monstra, naturam esse impeditam, & aliquod eius principium puta semen, esse corruptum: Nam animalia non statim fiunt: sed oportet

mollem illam massam, quæ è semine orta est, prius disponi. Quæ si corrupta, deficiens, aut exuberans fuerit, plerumque contingere solet monstrum. Eodem modo, si res naturam excedent eis contemplamur: quanquam Deus ipse sua & providentia, & prædestinatione & reprobatione incompræhensibilis quàm natura operetur, nihil efficius tamen quum Principem aliquem videmus, quod ad spiritualia ipsius membra nempe fidem, pietatem, iustitiam, verum Dei cultum attinet, bene dispositum, ecclesiæ sanctæ protectorem, Orphanorum patrem, desolataram viduarum defensorem, putare possumus hunc diuina voluntate in finem etiam nobis manifestum rectè formatum esse. Nam quum in huius ipsius generatione spirituali nihil ex diuinæ reprobationis sed ex electionis tantum semine concurrisse cernamus, ut omnia quandam exactam formam referant

referant, iure ac merito licet asserere, non esse monstrum hîc in lucem prolatum. Econtrario vero quum in Principis huiuscemodi generatione monstrosa aliquot membra conspiciamus, cur obsecro non asseueremus hûc ex diuinæ reprobationis materia nimium profluxisse? Quia figulus potestatem habet ex eadem massa facere aliud vas in honorem, aliud ad ignominiam, Sic in magna domo Dei vasa sunt aurea & argentea, sunt *2. Tim. 2:* etiam lignea & testacea, & alia quidem in honorem, alia vero in contumeliam. Quid? non & populorum delictis offensus Deus portentosum illis aliquando caput aliquod proponit? vt qui sordent, adhuc sordescant magis? An non monstra fuerunt ij principes, de quibus Israëlitico populo Dominus per Esaïam loquens ait. Dominus Deus exercituum auferet Hierosolymis & ab Iuda opẽ &

Cap. 22.

Esa. cap. i.

subtentaculum: omne adminiculū cī
 bi & potionis, milites & bellatores, iu-
 dices, & vates diuinos, & senatores, se-
 micenturiones, & autoritate prædi-
 tos, & consiliarios, & artibus eruditos,
 & dicendi peritos, eisque pueros dabo
 Principes, & eos infantium imperio
 subijciam. Ad hæc per Ezechielem suo
 populo monstrosam principum quali-
 tatem his verbis indicat. Principes in
 hac terra versantes similes sunt luporū
 prædæ rapacium, sanguinem funden-
 do, vitasque perdendo, quæstus faciendi
 gratia. Quid autē portentosius esse pōt
 in Principe, quàm ea perpetrare nefan-
 da facinora, quæ ipse per se castigare ac
 punire debuerat? O rem pudendā, quæ
 alicui populo dicatur: Principes tui de-
 fertores, & furum socij: omnes donorū
 cupidi, atque nummarij. Pupillis ius nō
 reddunt: Viduarū causas nō admittūt.
 Igitur quid boni sperandum est ab eo
 principe? qui quum ipse sibi deberet à
 scelerib. tēpare, publica crimina remo-
 uere, populos vndique tueri, ne iniuriis
 affician

afficiantur, ne grauentur indebitis oneribus: ipse inquam sit veluti fons immundiciarum omnium: veritatis, cultusque diuini manifestus hostis: mendacij fautor: ac verè Christi ecclesiæ persecutor? Et sanè quum talis est Princeps, qui suis perditis moribus miserè sibi subiectos populos affligat, spretoque diuino consilio suas innocentium sanguine commaculet manus: pacificas aliorum prouincias absque causa perturbet: sanguinarijsque sese bellis nutriendis hoc tantum quærat, vt super cæteros principes extollatur, animaduerti facile potest, an iræ an misericordiæ Dei minister sit. Etenim misericordia se semper affabilem ac dulcem: Contrà vero se se ira furibundam atque in scelus omne præcipitem demonstrat. Idcirco qui principes inseruiunt in huiusmodi officijs iræ dei malè ex se affecti vasa itidè sunt iræ Dei: nobisque omnino sunt monstra. Verum mundus mirabiliū operum Dei non benè gnarus in diuinis eiusmodi negocijs obstupescit

adeò, vt nonnulli sint, qui ægreferentes
 hæc ipsa, in Deúmque blasphemi nõnũ
 quã dicant, eundẽ nõ rectè facere Deũ,
 qui Principibus tam sceleratis fauceat:
 qui ne sustinẽdi quidem suo ipsorũ iu-
 dicio essent. At non obseruant ij, rem
 haud secus hĩc habere, atque cũ Prin-
 cipe mundano habeat, cuius autho-
 ritas & maiestas nõ elucet minus quum
 Carnifici iubet, vt furem suspendat,
 quàm quum eundem gratuito ab infam-
 mi hoc supplicio per vnum aliquem è
 suis consiliarijs liberat. Horũ vterque
 mandata principis exequitur: verum al-
 ter horribili ac tremendo iustitiæ, alter
 verò gratitiæ misericordiæ iudicio in-
 seruit. Ità & cum Deo fieri suo quodã
 modo putandũ est, quum opera tã bo-
 ni, quàm mali Principis vtitur. Qua in
 re & si nobis imparia videantur officia,
 tamen inseruiens vterque Deo, ipsius
 cùm auctoritatem, tum maiestatem
 æquẽ itẽ vterque notam & conspicuã
 facit. Quod è sacrarũ etiã literarũ ora-
 culis haud difficulter agnoscitur. Nam
 immi

immissurus in impurum suū populum
Deus Assyriorū Regem ita loquitur: *Esa. 64. 10.*

O Assur virga furoris mei: Et virga, quę
est in manu eorum, est ira mea. Quid?
Nonne itidem Nabucadnezarem con- *Iere. cap. 21.*

tra Hierosolimam excitauit? impiam-
que regionis illius gentem captiuam
per hunc in Babyloniam traduxit? An
non & Helihu Iobo affirmat efficere *Cap. 34.*

Deum, vt propter offendicula populi
homo impurus & hypocrita regnet?
Daniel quoque propheta post variorū *Ca. 7. & 2.*
enumerationē regnorū asserit futurū,
vt hominū iniquitatibus ad summū re-
ductis præficiendus sit Rex: Qui stabit
fortis facie, & intelligēs ænigmata. Et
roborabitur fortitudo eius, sed nō for-
titudine ipsius, & mirabiliter vastabit,
& prosperè illi succedet, & faciet, &
vastabit robustos, & populum sancto-
rum: & per intellectū suū prosperabit
dolum in manu sua & in corde suo: ma-
gnificabit sese, & in pace vastabit mul-
tos. Quinetiam contra principem prin-
cipum cōsurget: & absque fortitudine

Cap. 13.

conteretur. Simillimè Ioannes in Apocalypsi testatur, dandam huic esse regi cūctos in populos ac nationes quæ ipsi⁹ caractere signatæ non sint, authoritatem, vt suis tormentis, quod ad vitam corporalem attinet, sanctos etiam superet, quanuis eorum denique sanguis non aliter quàm Abelis ante conspectū Dei sit ascēturus, ipsūque adeò prouocaturus ad indignationem, vt hunc tyrannū sit in ore gladij tandem interfectorus. Præter iam dicta id erit etiam vel maximè obseruandum, quòd cū Deus esset humanum genus ab æterna morte, Diabolique tyrānide redempturus alio sanè modo principum est vsus, authoritate. Nam per hos filium suum occidi passus est, vt eius morte gloriosam ex mundo, sathana, peccatōque victoriam referret, id quod exercituum mundanorum Imperatoribus in bello peremptis neutiquā accidere solet. Verū Deus ipse, qui nihil nō subiectum filij sui pedibus volebat, effecit, vt is immerita morte mortem vinceret, peccatum

catum aboleret, ac Sathanæ vireis pe-
 nitus confringeret. Quod Petrus Apo- *Act. 4.*
 stolus vehementer admirans oculis in
 cœlum sublatis, exclamauit vna cum
 ijs qui aderant, Domine tu es Deus ille,
 qui fecisti cœlum ac terram, mare, &
 omnia quæ in eis sunt. Qui per os Da-
 uid pueri tui dixisti: Quare fremuerūt
 gentes & populi meditati sunt inania?
 Astiterunt reges terræ, & principes co-
 acti sunt eodem loci aduersus Domi-
 num, & aduersus Christum eius. Coa-
 cti sunt enim verè aduersus sanctum fi-
 lium tuum Iesum, quem vnxeras, He-
 rodes, & Pontius Pilatus cum gentibus
 & populis Israel, vt facerent quacunq;
 manus tua & cōsiliū tuum prius de-
 finierat facienda. Iam hinc animaduer-
 tere est, quanto nos amore prosequa-
 tur Deus, qui sua planè admirabili pro-
 uidentia nos ab æterna dānatione per-
 ditorum etiam Principum ac populo-
 rum vsus opera, liberarit. Per bonos
 itaq; Principes quæ luce & palàm bona
 sunt opera, per malos autem quæ mala
 sunt

sunt opera, per malos autem quæ mala malis videantur ut plurimū exequitur Deus, ut regum volumina præcipuè nobis ostendunt. Quod & Dauidis, qui vir secundum cor Dei erat, & Iosæ, & Ieroboami, compluriumque aliorum tam proborum quàm improborū principum exemplo manifestissimè patet. Quorū quidem ut improbi falsos Dei cultus crexerunt, ità probi sunt eosdè demoliti: Omnipotens ergo Deus quæ admodum ipse est optimus, sic nihil nō optimum laudèquè dignissimum facit, & si nonnunquam humanus sensus alioqui deprauatus aliter iudicet. Quæ de causa quoties euenit, ut aliqua prouincia vel iniquis principibus, vel eorum præfectis grauari se sentiat, illico suam causam Deo precibus haud intermissis committere debet. Qui sanè Deus forsitan ita disposuit, ut per populorum huiusmodi preces, quas ipse sit exauditurus, talia velit amouere graua mina. Neque propterea sua decreta mutat Deus: velut etiam in Ninivitarum

rum, Ezéchiaꝛque Regis causa non mu- *Ion. i. 2. 3. 2.*
 tauit, quum & Ezechiaꝛ, cui mortē fue- *4. Reg. 20.*
 rat interminatus, vitæ quindecim an-
 nos addiderit, & Niniuitis, illorum per
 specta resipiscentia, pepercerit: vrbem-
 que ab imminente strage vindicauerit.
 Nunquam igitur homini Christiano
 de monstrosis principibus conqueren-
 dum est: quum ignoret in quem finem
 à Deo sint instituti: quemadmodū etiā
 de bonis minimè superbiendum, vt qui
 possint à Deo facillimè in deteriores
 conuerti: Quæ mutationes licet non pa-
 rum nobis afferant admirationis, iustif-
 imæ tamen ac sanctissimæ sunt.

DE DIVERSORVM MA-
gistratuum generibus.

CAP. V.



IS ITA dispositis
nunc superest, vt ali-
quid hîcde magistra-
tuum generibus lo-
quamur, quæ, qua-
liacûque sint, à Deo
ordinata sunt omnia. Scriptores igitur
tā veteres quàm neotericos magistra-
tuum in treis primarias parteis diui-
sisse constat, quarum primam Monar-
chiam, alteram Aristocratiam, tertiam
Democratiam appellauerunt. Et mo-
narchia quidem suo quodam peculiari
nomine vocari potest regnum aliquod
cui gubernando non nisi caput vnum
est præpositû: quod sanè bonis, æquis,
& sanctis legibus vnicuique suum ius
administret. Nam si aliter fieret, tyran-
nis potiùsquā regnū esset. Aristocratia
verò ille est principatus cui certus qui-
dam

dam prudentium, honestorum optimatiúmque hominum numerus præest: quæ tum primum introducta est, quû qui iusta capita esse debuerant, exerce-
re tyrannidem cœperunt. Atque hæc ipsa si regimen iniquum admiserit, obscurum oligarchiæ nomen assumet. De-
mocratia porrò est ea, quæ non ex Nobilium modo, sed ex totius populi arbitrio ius dicit, reliquæque reipublicæ
negotia omnia suo iure disponit: ut in Rethorum trium fœderum communi gubernatione videre est. Sed enim id
non est silentio prætereundum, quamplurimos diuersis temporibus extitisse, qui variis de causis Democrati-
am istam seditiosis tumultibus perturbauere. Nonnulli ambitiosa domi-
nandi libidine exagitati fraudulentis pollicitationibus populi beneuolentiam sibi pararunt, ut supremum faci-
lius gradum soli consequerentur. Alij
fuisse, qui cum suis in rempublicam me-
ritis parem non referri gratiam arbitra-
rentur, indignatione succensi viam ex-

cogitarunt, qua non solum de ingrati-
tudine vindictam sumerent, verum et-
iam vel per proditionem ad fastigium
summæ dignitatis peruenirent, Non
nemo extitit, qui partarum absque la-
bore diuitiarum percupidus, vt inde si-
bi delicatius viuendi facultas esset, quàm
honestis in sua republica fungeretur
muneribus, per occasionem tractanda-
rum magni momenti rerum cum aliis
Principibus, hominum simplicium ani-
mos disposuerit, ad id quod intendebat
efficiendum, vt ab eisdem Principibus
non paruam pecuniarum vim extor-
queret: nihil pensi habens rempublicam
iniquis etiam grauari conditionibus,
modo dolosi spes refulgeret nummi.
Vnde frequenter euenit, vt ipsius De-
mocratia paulatim tolleretur ordo, po-
pulusque sæpenumero in vnus tan-
cum seruitutem redigeretur.

MAGISTRATV FVN

genteis honorandos esse.

CAPVT VI.



Quum Dei, tum natu-
 ræ ordine fit, vt res
 imperfectiores perfe-
 ctioribus inseruiant:
 eodem modo & Prin-
 cipes, & reliqui magi-
 stratus ordinantur, vt inseruiant Deo.
 quandoquidem illius ministri sunt,
 eiusque viceis in officio huiusmodi ad-
 ministrando gerunt. Quapropter Ho-
 merus etiam & Hesiodus voluerunt,
 optimum magistratū singulare quod-
 dam esse donum regendis populis di-
 uinitus concessum. Idcirco par est vt il-
 lū mortales timeant, illi obtemperēt, il-
 lūq; debitis honoribus prosequantur.
 quemadmodū & Erasmus inquit: Olim
 qui bene gessissent imperiū, iis diuini
 decernebantur honores. Verū etiam si

Cap. 24.

prauus Magistratus ipse sit, venerandus tamen ab hominibus est, quibus cum Dauide considerandum est, illum in eam altitudinem per se non conscendisse: neque propria virtute sibi subiectos populos continere. Quum Saulus rex Dauidem sibi generum ad interuersionem persequeretur (vt in Regum libris legere est) accidit, vt ventris exonerandi causa quandam in speluncam (in qua Dauid ipse profugus latitabat) sese contulerit. Ibi comites Dauidem hortabantur, vt per hanc occasionem iniquum persecutorem interficeret. At ille: absit, inquit, vt in Regem Dei ministrum manus iniiciam. Sed quum egressus è specu Rex esset, pone illum Dauid exclamans ostendit oram, quã ex eius veste absciderat in spelunca, sub intulitque, vel ex hoc eum posse coniecturam facere, sibi facultatem eius occidendi fuisse: verum à Rege se manum abstinuisse, id quod illi argumento esse valeat, se ab suis obtrektoribus apud eum falso criminari: & id genus alia,

quæ

quæ ibi adscripta sunt. Aliâs quoque quum sopitum in tentorio Saulem dormientibus cunctis custodibus David offendisset, hasta humi ad caput eius defixa: Abiseus Davidis comes Regem interfecturus erat, nisi id ipse David prohibuisset, inquit: Amoveat à me Dominus, ut Regem ab ipso vinctum ego perimam. Quibus ex verbis planè conspicuum fit, quanta reuerentia David institutum à Deo regium munus obseruarit. Nam sibi persuaferat (id quod res erat,) insectationem nimirum quam à Saulo perpetiebatur, non nisi volente Deo sibi contingere: Voluntati verò diuinæ non obsequi vsque adeo iniquum arbitrabatur, ut Saulum iniuste persequentem sustinere, quam potestati diuinitus ordinatè resistere mallet: Iam & Persæ suos Principes veluti numina quædam venerabantur: Sic inquam ut ne oratores quidem ab alijs Principibus missos Regem suum adire, atque alloqui, nisi prius illum adorassent proni, permetterent. Nullus audebat aut

spuere, aut nasum emungere coram Rege. Quin & illis aras à morte, sacraque instituebant, ac Deorum socios appellare consueuerant. Athenienses ite suos Reges Deorum filios vocitabant. Summa igitur Principes veneratione dignos etiam mali si sint, existimabimus, quo Dei iustissimam tametsi nobis occultam institutionem in sui gloriam, ac beneficentiâ hominum dispositam, ut æquum est comprobemus, atque id quidem efficiemus. Conscientia magis quàm timore ducti: perditâque illorum vitam Deo puniendam aut immutandam relinquemus: Nam solus is poterit pro lapideo carneum cor ipsis tribuere, quod supernæ disciplinæ sit capax: aut eosdem à regni gubernaculis amouere, prout illi regnis ipsis expedire visum fuerit. Quemadmodum ergo Principibus enitendum est, ut populos benignitate complectantur, sic & populis vicissim studendum est, ut suos Principes colant, utrique veris que tanquam animæ corporibus agglutinati. Est mit-

tuum

*Allusio ad
cor Pharaonis
induratum*

tuum (inquit Erasmus) inter Principem ac populum commercium: Populus censum Principi debet, debet obsequium, debet honorē: & vicissim Princeps debet populo præbere se bonum ac vigilantem. Ad hæc debetur honos, qui Tyranno, ne honos quidem est, sed aut adulatio, aut simulatio: nec obsequium, sed seruitus: nec splendor est verus, quem ostentat: sed fastus: nec potentia, sed vis. Nemini plus defertur honoris, quàm qui non exigit honorem: Nulli libentius obsequuntur homines, quàm qui non requirit obsequium: In neminē libentius effundunt suas opes, quàm in eum, cui commissas sciunt ad publicam utilitatem cum fœnore reddituras. Et sanè populus à Principe non minimum utilitatis expectat, quippe qui sibi persuaferit, hunc ingenio, prudentia, generositate ac iustitia: sic cæteris hominibus præstare, ut non immerito Plutarchus dixerit. Audiuimus Homerum Minoa Dei Oristen appellante hoc est

Ep. 4. nonnulli

interprete Platone familiarem, ac discipulum. Neque enim censebat priuatos homines, aut ædium custodes, aut otiosos esse Deorum discipulos, sed Reges. Quibus si cōtigerit rectum consilium, iustitia, probitas, fortitudo, continuò futurum est, vt omnes adiuuentur: fructumque capiant, qui cum eis habent

In Commen commercium. Hæc Plutarchus Eras-
tario. Cum mo interprete.


Principib.

*Philosophū
disputare de
bere.*

PRINCIPEM IN SVO

*regno tanquā animam, aut
oculum in corpore se habere.*

CAPVT VII.

 Vi cū veteres, tum
recentes Philosophi
Principis obserua-
runt in suo regimine
dignissimam condi-
tionem, hunc animæ
rationali, quæ partem sensibilem regit,
assimilan

asimilantes dixerunt: Non aliud esse im-
 perium Principis in populum, quàm
 quale est animi in corpus. Dominatur
 animus corpori, quod magis sapiat, quàm
 corpus. Sed dominatur magno corpo-
 ris commodo potius, & animum regna-
 re in corpore, felicitas est corporis.
 Quod cor est in corpore animantis, id
 est Princeps in republica. Si cor synce-
 rum est, quoniam sanguinis spirituum
 fons est, vitam impartit vniuerso cor-
 pori: Sin vitiatum fuerit, exitium ad-
 fert membris omnibus. Acquiparatur
 itidem Princeps oculo, qui reliquis ar-
 tubus lucem administrat. Verùm ut o-
 culus licet integer, sine solis aut alte-
 rius luminis adminiculo in corporis be-
 neficium videre non potest, ita & Prin-
 cipi non sat est, intellectus naturalis tã-
 tum luce populos regere, nisi socium
 habeat supernæ sapientiæ lumen. O-
 portet prudentem & iustum Principem
 scire, quæ erga Deum & homines age-
 re atque dicere debeat: & sapientia du-
 ce negotia rectè atque bene procedere:

*Antonius
 Mucindus:*

vt sol oculorum, sic sapientia est lumen
cordis humani. Hac de causa Iesus Chri-
stus quum ostensurus esset hominis in-
genium & intellectum etiam perspicac-
issimum in tenebris per se versari, di-
xit: lucerna corporis tui est oculus.
Quod suo modo de Principe nō minus
dici potest: vt annotauit Erasmus quo-
dammodo. *In annot.* q; sic inquit, Porro quod est lucerna
No. 7. et su in domo, quod est oculus in corpore, id
per Matt. est animus in homine. Si lux Principū
Ca. 7. non est vitiata caligine falsarū opinio-
nū, malarūque cupiditatum: Si men-
tis oculus non aliō dirigit aciem quā
ad verum scopum, quicquid agitur in
republica grātum Deo est, nihilque nō
conducit ad cumulum honoris, ac feli-
citatē: Quemadmodum si domus ha-
beat insignem lucernam, nusquam im-
pingitur. Si oculus mentis Principum
purus est & integer, luget mēbris omni-
bus, id est suis famulis & subiectis, nec
vlla pars regni impingit aut errat. Con-
tra si oculus mētis ipsius vitiatus fuerit
nullū ministeriū regni ipsius recte suo
fun-

fungitur officio. Quid enim prodest *Hom. 2. su*
 (inquit Chrysostomus) auratis militi- *per Matth.*
 bus refulgere; quum ducitur Rex ca- *Cap. 7.*
 ptius ignorantia? Quod lucrum est
 ornatae depictaeque navis, quum ipsius
 mergitur gubernator? Quanam est il-
 la benè compositi corporis pulchritu-
 do, quum facies oculos amisit? Si enim
 nequaquam prorsus eligeres ornari au-
 ro, & serica veste circumdari; oculisque
 scdari, sed horum procul dubio sani-
 tatem desiderabiliorem rebus omni-
 bus iudicares, quæ si tibi depereat, ni-
 hil te iam tota vita delectet, quâto hoc
 magis pro oculis debes mentis efficere?
 Sicut enim postquam corporalium o-
 culorum lumen extinctum est, omnia
 iam membra in miseria versantur ac te-
 nebris: ita etiam mente principum cæ-
 cata, innumeris prorsus malis hominū
 vita cumulatur. Quemadmodū igitur
 in corpore hoc maximè providemus, ut
 oculos habeamus incolumeis: sic etiam
 in anima intellectum conservamus, sa-
 lutiferamque sapiētiā. Si verò cæcam?

ipsum, quo alijs quoque debemus lumē inferre, vnde iam ipsi poterimus aspice re? Quando enim lucerna extinguitur quando gubernator mergitur, quando dux ipse capitur, quæ tandē obedientibus supererit spes salutis? Quod si sal

*Eras. in præ
fatione epi-
sto. ad Cor.*

insulsus esse cœperit, quid superest vnde salietur insipid⁹ popellus? Si lumē vertitur in tenebras, quid discutiet imperitę multitudinis caliginē? Si pastores vertuntur in lupos, quæ spes gregi? Si cæci sunt qui vitæ duces sunt, quis reuocabit ab errore? Si caupones sunt, qui principes ac patres esse debeāt, quis erit vsquam synceritati locus? Ergo popul⁹ ille magno in periculo versatur, qui à principe veræ sapientiæ lumine carente regitur.

Luc. 6.

Sap. 6.

Ch. 7.

Christus ait: nunquid potest cæcus cæcū ducere? Nōne ambo in foueā cadēt? Rex insipiens perdet populum suum. Qualis est rector ciuitatis, tales & inhabitantes in ea: & secundū iudicem populi, sic & ministri eius erunt. Idē in parētū filios instituentiū exemplo dici potest. Si veritatis, honestatis, iustitiæ, atque

que adeò virtutis omnis amator est pater, hæc pariter omnia suos filios docet, atque illos inde quàm optimè educat. Quàobrem Solomon & Plato, & Aristoteles nō nisi prudentē ac sapientem principem regendis populis præficiendū esse censuerunt. Solomon ait: Audiendo sapiens fit sapientior: Et intelligens gubernacula possidebit. Vt seruandis vrbibus non adhibetur cæci, sed syn ceri custodes: ita & principes quò prudentiores erunt, eò populis gubernandis aptiores existent. Hinc Plato tum demum beatum orbem terrarum futurum asseruit, quum aut sapientes regnare, aut Reges sapere cœpissent. Nā & Salomon inquit: Rex sapiens stabilitum populi est: & multitudo sapientum sanitas orbis terrarum. Vegetius quoque de re militari sic ait: Nullus est cui sapiētia magis congruat, quàm principi, cuius doctrina omnibus debet prodesse subiectis. M. verò Tullius iuxta id Non enim est cōsiliū in vulgo, nō ratio, non discriminē, nō diligentia. Sed & Hic-

Prouer. 1.

*Val. maxi.
lib. 7. de di-
ctis Sapien-
tum.*

*Ecclesiast.
10. & 32.
& 34.*

ronym? ita profatur; Nihil impudētius
arrogantia rusticorum, qui garrulitatē
authoritatem putant: & parati semper
ad liteis, in subiectum sibi gregem tumi-
dis sermonibus tonāt. Et Claudianus.

*Asperius nihil est humili, quum sur-
git in altum.*

Nam quid Aristoteles? qui rogatus
quo differret docti ab indoctis, respōdit
quo, viuentes à mortuis. Optimū ergo
fuerit, sapiētiae studio delectari, qđ & il-
lustreis & gratiosos homines facit, & ad
civiliū magistratuū cōmodi? cautiūsq;
pertractanda negocia cordatos reddit.
Eandē quoque sententiam Strabo cō-
probat his ferme verbis: Omnes idiotæ
& doctrinarum expertes quodāmodo
pueri appellādi sunt, ergo sapientes ca-
pessent principatū. Animaduertant igitur
Reges & Principes quod philoso-
phus is est, non qui dialecticen, aut phy-
sicen calleat, sed qui contemptis falsis
rerum simulacris infracto pectore ve-
ra bona & perspicit & sequitur. Princi-
pis dignitatem, amplitudinem, maiesta-
tem

sem non fortunæ strepitu (vt scribit Eras-
 mus) sed sapiētia, integritate, rectē *Sap. 6.*
 factis parandam & tuendam esse. Si er-
 go solijs & regnis (ô Reges populorū)
 delectamini, sapiētiā in precio habe-
 te, vt in perpetuum regnetis. Audite

Isocratem ita clamantem : Quicquid *Ad Nico-*
 eorum, quæ Regem scire conuenit, vo- *clen de Re-*
 les cognoscere, id partim vsu, partim *gno.*
 philosophia consequere. Nam philoso-
 phiæ studium viam ac rationem osten-
 det tibi, negotiorum autem exercita-
 tio præstabit, vt in obeundis rebus pos-
 sis versari. Principes itaque lumen hu-
 iusmodi sapiētiæ diligenter inqui-
 rant atque habere studeant, nē pariter
 seque suosque populos in perniciosum
 aliquem errorem inducant, si (quod ple-
 risque, prò dolor, accidit) hoc ipso desti-
 tuantur.

DE IMPEDIMENTIS

*quæ naturalem cupiditatem remou-
rantur, ne statim sapiens fiat.*

CAP. VIII.



Vm dignitatis of-
ficio reliquos mor-
taleis excellat Prin-
ceps, ab se debet im-
pedimenta pro viri-
bus amouere, quæ
sibi obstaculo sunt, quò minus rerum
veritatem ac scientiã, ad quem vnum-
quenque fert natura, statim consequi
valeat. Omnis etenim homo (vt meta-
physicus habet) ad hoc nascitur, vt sa-
piens fiat, suumque contempletur, im-
mò omnium, Creatorem: & vnũquod-
que ad optimam operationem suapte
natura inclinatur: vt fertilis arbor ad op-
timum quem efficere possit, fructum:
& suavis redolensque plantula, ad sua-
uissimum ac redolentissimum floscu-
lum: nititur enim vnũquodque vt ipsi
summo

summo pulchro, bonoque optimo, quo
 ad fieri potest, euadat simile. Idem Prin-
 cipibus efficiendū est. Iodocus Clitheo-
 ueus Neoportuensis in. x. Lib. Ethices
 Aristotelis ait: omne bonum suapte na-
 tura expetibile est ei, cuius est bonum.
 ut bonum ignis ipsi igni expetibile est,
 & bonum aquæ, ipsi aquæ. Imo vider-
 mus omnia naturali inclinatione, quod
 sibi bonum est, expetere, & ad illud na-
 turaliter ordinari: Et quanto magis est
 bonum, tanto magis expetitur: Quare
 quod summè bonum est, summè esse
 expetibile ostendunt omnia, quæ natu-
 ra duce desiderio rapiuntur. Homines
 igitur natura & scire, & intelligere in-
 clinantur, quamobrem & ea natura de-
 siderant. Nihil enim aliud est natura
 desiderare, quàm ad aliqua natura in-
 clinari: Et natura ad optimum semper
 intendit, modo à suis operationibus
 non impediatur. Eodem modo Prin-
 ceps quoque si naturæ vera rectaque
 cupidine ducitur, sapientiam atque
 scientiam sibi optat: quo rerum cunctiū

veritatem apertius cognoscere valeat. Et nisi ad praua cupienda declinet, intelligere vera semper quærit. Id primi parentis Adami possumus exemplo percipere: qui noscendi quod non licebat, illectus desiderio, seipsum ac posteritatem omnem in præceptis adeo traxit, at natura facta sit prona semper ad malum, nisi spiritus diuinus humanam infirmitatem adiuuet: ut in Principis oculi que similitudine supra diffusissimè dictum est. Socrates Platoque senserunt, virtutes nobis congenitas esse & innatas: verum ex immersione animæ in corpus offuscatas & adumbratas esse: assidueque operandi consuetudine eas detergi, & nativum decorem recuperare: naturales itidem potentia ad scientiam, artem, aut prudentiam sunt bona innata, quia homini à principio natiuitatis insunt, (ut inquit Iodocus) & animo connascuntur, ut naturalia quædam præsidia, & adiuncta ab optimo rerum parente nobis sunt, ut commodius animi virtutem perficiamus. Et hanc

Gen. 6. 8.
Rom. 2.

hanc naturalem indolem, plerique naturæ igniculos vocant: quos si (inquiunt) sinimus adollescere, perfecti euadimus. Adollescere autem hæc virtutum seminaria in nobis iacta sinimus, quum ea per operationes, ad quas inclinant, perficimus, & conformi habitu stabilimus. Quemadmodum igitur intellectus agens & scientiam & veritatem rei cognoscere appetit, sic & Princeps quum pullulanteis ab animo virtutes adhibita diligentia atque industria iuuare studet, optimum desiderium exprimit, unde etiam maximam laudem promeretur. Quod si difficilem conatum hîc experitur, & ab incepto tamen non desistit, multò maiori laude dignus est, ut qui multò maiorem etiam ad male affectam naturam superandam adhibuerit, laborem: Sicut è conuerso dandum est illi vitio, si pro sua virili non tentarit, animi morbos eumcere. Caueat itaque Princeps vnà cum suis liberis ab omnibus, quæ aduersatur virtuti, reb^{us}: quia quicquid habet

contrarium à suo contrario corrumpitur, id est corrumpi natum est: vt caliditas à frigiditate sibi contraria corrumpitur: Sic & virtus habet vitium sibi contrarium. A vitio, ad quod quisque maxime pronus est, fugere procul oportebit, scilicet insita ad malum procliuitate, & vitio illi respondente. Proinde summa diligentia enitendum est, vt ab huiusmodi vitio recedatur: Sed ab eo, quod deterius est, magis est recedendum: Quemadmodum si duo imminuant pericula, vnum graue, alterum minus graue, à grauiore periculo magis est cauendū. Quocirca Princeps diligenter curet venienti occurrere morbo, germinansque vitium non sinat excrecere, ne quum radices egerit, difficillimè possit euelli: quod & Aristoteles admonuit in Ethicis dicens: Nascens malum facilè opprimitur: inueteratum autem plerunque fit immedicabile: Et tenera lentaque virga leuiter in rectitudinem inflectitur: quæ vbi solidum robur assequuta in arborem excreuerit, nimio

i. Ethic.

nimio rigore trunci inflexionem non
 admittit : & potius frangitur , quàm
 aliter, atque creuerit, dirigatur. Ita catu-
 li quum tenera sunt ætate, facile loris
 assuescunt: & quum primum exoritur
 incendium, facile extinguitur: quum ve-
 ro summa tecti fastigia corripuerit, to-
 tam domum absumit. Et grauis mor-
 bus, vt cancer, vbi primum nascitur, le-
 uiter tollitur: at quum late serpendo ui-
 reis cœperit, tunc plerunque immedica-
 bile vulnus Ense recidendum est, ne
 pars syncera trahatur. Quod alibi quo-
 que admonet Ouidius, hec carmine.
Vidi ego quod fuerat primo sanabile vul-
nus,

Dilatũ longæ damna tulisse moræ:
Nam mōra dat vireis: teneras mōra per-
coquit herbas:

Et validas segetes quæ fuit herba
facit.

Quæ præbet latas arbor spaciantibus
vmbras:

Quo posita est primum tempore vir-
ga fuit.

*Tunc poterat manibus summa tellure
reuelli:*

*Nunc stat immensum viribus aucta
suis.*

*Flumina saepe vides paruis de fontibus
orta:*

*Plurima collectis multiplicantur
aquis.*

*Opprime dum noua sunt subiti mala se-
mina morbi:*

Et tua lesuro subtrahere colla iugo.

*Principijs obsta: sero medicina para-
tur:*

*Quum mala per longas inualuere
moras.*

*Sed propera: nec te venturas differ in
horas:*

*Qui non est hodie, cras minus aptus
erit.*

Si consenuerit ergo Princeps in vi-
tijs, opinionibusque non veris, impedi-
mento sibi ipsi fuerit, ne sapientiam, re-
liquasque virtutes assequantur. Iaco-
bus Stapulensis in Aristotelis Metaphy-
sicorū Librum secundum scribens ait,
Theoreti-

Theoreticum affirmare quinque res esse, quæ à veritatis perceptione disturbant, & præpediunt: nempe Cōsuetudinem audiendi falsa: Eruditionem non rectam: Rectè docenti assentiri nolle, nisi quod dixerit, vt mathematicus, monstret: Nulli fidem præstare, nisi sensibile fit, sensibilive constet argumento: Nulla recipere, nisi alicuius virgente auctoritate, nec posse nisi parua degustare. Quod ad primū attinet, id fit, tū quod quæ audire consueuimus, hæc eadem dici dignamur, atque admittimus tum quod consueti nobis notiora sunt, in consueti verò contra, ignotiora. Qui itaque consuetudinem traxerunt audiendi falsa, falsa dici dignabuntur, falsis assentientur, quæ & pro notioribus receptabunt, veritas autem tanquam ignotior illos effugiet. Distorquet igitur & disturbat, impedimentoque percipiendę veritati huiusmodi educatio est. Et leges ipsæ consuetudinem plurimi momenti & efficaciæ ad hoc esse ostendunt.

dunt: quæ fabulas, puerileisque ineptias ob consuetudinem recipiunt: & ipsas veritati anteponunt. Idcirco in Principe: dominatumque Gubernatore duo potissimum considerata sunt: alterum ut is naturæ sit ad virtutem disposita, vitiisque contraria: & inde usque à teneris (quod aiunt) vnguiculis optimarum scientiarum eruditione institutus honestissimos viros in consuetudinem ac societatem adhibeat: à quibus etiam si esset ingenio improbo & iniquo, discat quæ iusta, rectaque sunt, comprobare & consequi. Nam si fuerit inter venationum & aucupiorum Magistros, inter aleatores, & saltatores, & scurras, & lasciuos homines enutritus, vix unquam poterit ad bonam frugem pervenire, aut saltem difficillimè id fiet. Quare non bene agitur cum iis Principibus qui quum norint suos post se liberos imperiorum & magistratuum administrationibus præficiendos, à sordidorum huiusmodi hominum fece illos non amouent. Alterum verò quod

in

in principe requiritur, est hoc, ne contra bene instituentis, benèque monentis omnino sit peruicax. Id enim foret salutifera medicamina nō admittere, quod in causa esset, vt neque malas vnquā abijceret, neq; bonas vnquā imbiberet opiniones; velut ab Aristone dici probat Seneca inquiring: Insano frustra præcipi quomodoloqui debeat, quomodo procedere, quomodo se gerere in publico, quomodo in priuato, nisi prius atrā bilem expulerit. Itidē Princeps incassum admonetur ac docetur, quo pacto populos optimè possit ac debeat regere, nisi prius nequissimas vulgi opiniones ab animo protruserit. Forma nanque non nisi in benè dispositam materiā introducitur. Ergo iure ac meritò (vt supra dictum est secundò): Rectè docenti assentire nolle, nos à veritatis perceptione retrahere. Nam singula, vt materia requirit, recipienda sunt, neque omnium mathematica certitudo exspectanda est. Qui autē rectè docenti assentiri renuit, non singula reci-

pit, vt vniuscuiusque natura postulat,
ac requirit. Disturbatur igitur talis à
veritatis perceptione. Eorū, quæ demō
strationē patiūtur, & sustinent, demon
stratio expetēda est: & demonstrāti cre
dere oportet. Et quæ analogiæ similitu
dinem desiderāt, ea, vt decet, adducta,
cōtenti abire debemus: Quæ persuasio
nē qualēcunque aliā: ea siquidē sufficiē
te adducta, nos facileis præstem⁹ opor
tet: sic enim omnis veritatis facilē com
potes euademus: & vnūquodque pro di
gnitate recipiem⁹. His tñ tribus pro di
gnitate ritē vti quàm difficillimū puto,
virique esse in omnis disciplinæ profes
sione cōsumati. Tertiò nulli fidē præsta
re, nisi sensibile sit, vt po te miracula &
delectabilia carni, sensibilibus cōstet ar
gumēto, percipiendæ veritatis oblecta
mentū præstat. Nā nulli fidē præstare
velle, nisi sensu, sensualīue exemplo vin
camur, parū impotentisq̃ ingenij ar
gumentum est. At ingenij paruitas &
impotentia nobis nimirum percipien
dæ veritatis obex est. Nulli igitur fidem
præsta

præstare, nisi sensibile sit, sensibiliue
constet argumento, veritati percipien-
dæ obluetur, obstatque. Quartò,
nulla recipere velle, nisi alicuius con-
firmet autoritas, veritatis perceptio-
nem item impedit. Nam nihil reci-
pere velle, nisi alicuius autoritate
firmatum fuerit, quædam iudican-
di impotentia est: Iudicandi autem
impotentia percipiendæ veritatis im-
pedimentum est: vt visus circa sensibi-
le iudicandi impotentia, bonam profe-
ctò sensibilis impedit perceptionem.
Christus optimam perceptionem ha-
buit, ideò clarè, lucidèque veritatem in-
tellexit: quapropter dixit Iudæis, qui no-
lebāt credere veritati, nisi pri⁹ cōfirma-
ta fuisset ab autoritate Ioānis. Vos mi-
sistis ad Ioannem, vt testimonium per-
hiberet veritati. Ego ab homine testimo-
nium non accipio: tanquā diceret: veri-
tas, quā ego noui, nō ab alterius verita-
tis iudicio pendet, meaque cognitio at-
que intelligētia nō hanc recipit à Ioan-
ne. Eandem ferè sententiam Paulus *Cap. i.*

Apostolus expressit Galatis dicēs, Notum vobis facio Euangeliū, quod Euāgelizatū est à me, quia non est secundū hominem, neque enim ego ab homine accepi illud, neque didici, sed per revelationem Iesu Christi. Quum ait: Non ab homine didici, id indicat: perceptionem veritatis non accepi ab alicuius authoritate & magisterio, neque à me ipso didici, neque meo studio inveni, nec quæsiui. A Deo sola revelatione Christi ipsum accepi, & ipso docēte didici: Hæc Hieronimus. Augustinus etiā dicit: Euangelium quod secundum hominem est, mendacium est, omnis homo mendax: quia quicquid veritatis invenitur in homine, non est ab homine, sed à Deo per hominem. Ita & Principes & ceteri homines, qui veritatem sola aliorum hominum authoritate quærunt intelligere, parum admodum veritatis intelligunt: nō veritatis quidem sed suo ipsorum vitio: quippe qui non divini sed humani spiritus energia sanā rerum nanciscī expetunt intelligentiā.

Quin-

Quintò, Qui sola parua degustare sufficiunt, naturæ defectum & intellectus paucitatem patiuntur, (vt authoris supra dicti verbis utar). Qui autem hæc patiuntur, à veritatis perceptione præpediuntur: perinde atque qui pupillæ læsionem visusque paucitatem patitur, quæ à visibili perceptione præpeditur, Quinque sunt, quibus pulchrè apparatur, atque benè afficimur, vt perceptionem veritatis contra adducta impedimenta, & opposita habere valeamus: vt consuetudine vera audiendi, & perceptione recta: Recta docendi ascensione, & obedientia vniuscuiusque, vt materia ipsa requirit & postulat, receptione, alta mente, & potente iudicio, sana, integra, illabefactaque mentis natura: Sic enim contraria contrarijs medicamur: & aduersus contraria, contrarijs relutatur. Et cui Deus hæc quinque prioribus obicibus aduersa beneficia contulerit, percipiendæ veritatis & sapientiæ præ alijs potens efficietur: Huic negotio Deus ipse (quæ eius bonitas est

& cle

mentia) faueat, quò Principes populi-
que magis ac magis in dies proficiant,
vt non tantùm ab erroribus reuocen-
tur: Sed per cœlestem gratiam cognita
veritate, sapienter administrentur o-
mnia.

INVITARI PRINCIPEM

*Vt ab ineunte ætate sapientiam adi-
piscatur.*

CAP.

IX.



T E X humili in
sublimem gradum
Deus mortaleis ex-
tollit, populósque il-
lis regendos cõmit-
tit: sic eos inuitat, ad
quærendos veræ sapientiæ viuos fon-
teis, quò simul se, sinúlque sibi subie-
ctas gēteis rectè pascere & gubernare
valeat. Quocirca Deus ipse per Davi-
dem prophetam inquit, Nunc ergo sa-
pice

Psal. 2.

pite ô Reges: Erudimini ô iudices ter-
 ræ: Et per Solomonē: Diligite sapientiā
 rectores terræ, & benè sentite de Domi-
 no, & ipsum syncero corde querite. Au- *Sap. 1.*
 dite Reges, & attendite, & discite recto-
 res terræ. Seneca quoque ad Balbum
 scribens ait: Scio neminem beatè viue-
 re sine studio sapientiæ. Non sit, quod
 nos a philosophia remoueat, nec pau-
 pertas, nec alicuius rei indigentia. Ad
 philosophiam totam mentem conuer-
 te, huic insiste, hanc cole: & tunc ingens
 interuallum est inter te & ceteros ho-
 mines: omneis enim mortaleis antecede-
 des: & Dij multum antecedent te. Phi-
 losophiæ seruias: quia ipsi seruire liber-
 tas est. Itidem Cicero Ciceronem filiū
 ad philosophiæ studium, qui amor est
 sapientiæ, inuitabat his verbis: Omnes
 trahimur & ducimur ad cognitionis &
 sciētiae cupiditatem, qua excellere pul-
 chrum putamus, labi autē & errare, ne
 scire & decipi malū & turpe ducimus.
 Idem admonebat iudices, ne incognita
 pro cognitīs in causis haberent. Quam

non minus populi quàm principes huic sapientiæ operam nauare debent: quò quemadmodum sapiens filius est gloria patris, ità & ciues principis habeantur.

Apuleius.

Apuleius item aiebat, esse tantâ sapientis dignitatem, vt cum summo Deo societatem coæquet. Iã verò an non splendidius multò ueris sciētijs, linguarumque varietate, quàm auro, gemmisque exornantur homines? Quemadmodū tibi contigisse decorari Cambræ optime nemo non videt. Nam olim ab Andrea Alciato excellentissimo viro ità fuisti liberalibus disciplinis atque ingenuis artibus institutus: vt in Palladia quidem palæstra non immeritò primarios inter pugiles censearis. Atque hi sanè sunt eius generis thesauri: vt illis priuari non valeant possessores: quod etiã ad Alexãdram Regem scripsit Aristoteles:

Aristot. ad

Alexandrum.

Lib. 7. de

dictis sa-

piensum.

Meilius est, inquit, animam habere abundantem scientijs, quàm habitum corporis benè indutum. De Biante quoque Valerius maximus refert: quod interrogatus quid ità nihil ex bo

nis suis secum ferret, quum patriam
 eius Priem hostes inuasissent: Ego
 vero, inquit, bona mea mecum porto:
 pectore enim illa gestabat, non hume-
 ris, non oculis visenda, sed estimanda
 animo: quæ domicilio mentis inclusa,
 nec mortalium, nec Deorum manibus
 labefactari queunt: & ut manentibus
 preesto sunt: ita fugienteis non deserunt.
 Ergo sibi princeps pulchrum ducat in
 in hoc etiam & Iulij & Augusti Cæsa-
 rum vestigia sequi: Quorum alter (ut
 Ludouicus Odaxius hab) et cum exer- *Ludouicus*
 citu proficiscens plurimum lectitare, & *Odaxius*
 si quo temporis momento in castris mo-
 rabatur, libros accuratissimè scribere
 solebat. Alter in Mutinensi bello rem
 tantam adortus, semper aut legere, aut
 scribere, quotidie etiam declamare
 consueuerat. Eadem fermè factitasse
 Philippum Macèdoniæ Regē, testis est
 A. Gellius. Id quod ingenij exercendi
 gratia illos fecisse satis constat, licet ad
 eiusmodi exercitationē alius alio prom-
 ptior sit. Et ut Aristoteles ait: Quidam

sunt dispositi ad virtutes ex natura: quidam ex consuetudine: quidam per doctrinam, & ad hoc quod doctrina habeat efficaciam in auditoribus, oportet animam auditoris esse dispositam & præparatam, sicut terra antequam nutriat semen. Disponat igitur animum Princeps ad scientias, pluresque linguas addiscendas, ac sibi. P. Crassum ob oculos ponat: quo de Valerius Maximus ita commemorat. P. Crassus quum in Asiam ad Aristonicum Regem debellandum consul uenisset, tanta cura græcæ linguæ notitiam animo comprehendit, ut eam in quinque diuisam genera per omnes partes, ac numeros penitus cognosceret. Quæ res maximè ei sociorum amorem conciliauit, quæ quis eorū lingua apud tribunal eius postulauerunt, eadē decreta reddenti. Leguntur etiam apud eundem Valerium Maximū de Cyro, ac Mithridate hæc verba. Vtriusque industriæ laudē duo Reges partiti sunt: Cyr⁹ omnium militū suorū nomina, Mithridates duarū & vigin-

viginti gentiū, quę sub regno eius erant
 linguas discendo: Ille vt sine monitore
 exercitum saluaret, hic vt eos, quibus
 imperabat, sine interprete alioqui pos-
 set. Quid ad hęc dicam de Q. Iunio?
 De quo A. Gel. itā commemorat. Q. *Lib. 17:*
 En nius tria corda habere sese dicebat: *cap. 17.*
 quod loqui gręcē, & oscē & latinē sci-
 ret. Verum id quidem est ex Aristote-
 lis sententia, naturalem cuiusque rei
 proprietatem, non aliter, ac natura est
 ipsa, disponi: prout Iacobus Stapulen-
 sis in eiusdem Aristotelis Ethicē scri-
 bens hęc adhibet verba: Nihil eorum,
 quę sunt natura, aliter assuescunt: vt
 lapis, cui quidem natura competit fer-
 ri deorsum, nunquā assuescit ferri sur-
 sum: simili modo nec ignis ferri deorsū:
 nec aliud quicquam aliter, quā sibi na-
 tura cōpetet, assuescet. Neq; igitur natu-
 ra, neque pręter naturā in nobis virtutes
 efficiūtur: sed idonei quidem ad illas
 suspiciēdas sum? natura: suscipim? autē
 ipsas, atq; p̄ficimur p̄ cōsuetudinē. p̄te-
 rea corū, q̄ in nobis sūt natura potētias

prius accepimus, deinde reddimus operationes: quod quidem ipsis sensibus inueniri licet. Commentator item ait: Nulum sibi acquirat consuetudinarium habitum. Quapropter nullus diffidat se posse esse bonum. Nam si mala consuetudo insitam potentiam, naturalem quæ ad virtutes in dolem suspendit, & eius vitium in melius vertit, ac emendat, quasi per oia ope recuperata sit reintegrataque perfecta mentis sanitas, natura sumus idonei, cum in natura nostra situm sit. Refert in totum hoc vel illo modo statim ab ineunte ætate sic homines assuescere. Nam recta educatio mores facit: & si à puero iacta sunt virtutum fundamenta, solemus in bonitate perseuerare, & beatam capere vitam. Ergo Principes ab infantia educandi sunt in virtutibus, ac bonis literis. Nam nobiscum adolescunt virtutes ipse: Contra verò mala educatio vitiorum fomes est: quæ ubi ab ineunte ætate combibimus, quasi morbi quidam nobis congeniti quotidie adolescunt

lescunt, ampliusque sumunt incrementa nocendi: & nos tandem, nisi salubriter occurritur, ad extremam perducunt miseriam. Ergo quod Horatius admonet, salubre est adollescentis tenacimenter figere, & sapientia sibi præsens in animo habere

Nunc exhibe puro.

Pectore verba puer. & te melioribus offer,

Quo fuerit imbuta recens, serva odorem

Testa diu.

Inde & Erasmus Roterodamus inquit Nihil ita penitus insidet & inhærescit, ut quod primis illis inseritur annis: in quibus quid imbibamus cum in omnibus per multum refert, tum vero in Principe plurimum. Expediet insuper magnanimum veterum virorum gesta iunioribus Principibus proponere, ut poeta consulit huiusmodi carminibus.

*Interea Musis animus: dum mollior ætas
Et quæ mox initure legas: nec desinat
Unquam*

*Tecum Graia loqui, tecum Romana ve-
tustas:*

*Antiquos evolue Duces. Assuesce futu-
ra*

*Militiae, latium retro te cõfer in ævum.
Libertas quaesita placet. Mirabere Bru-
tum.*

*Perfidiam damnans: Geniti satiabere
pœnis.*

*Triste rigor nimius, Torquati respice
m'orēs.*

*Mors impensa bonum. Decios venera-
re ruenteis.*

*Vel solus quid fortis agat te ponte soluto
Oppositus Cocles Mutij te flamma dõ-
cebit.*

*Quid mōra prospiciat Fabius. Quid re-
bus in arētis*

*Dux gerat, ostendet Gallorum strage
Camillus:*

*Discitur hic nullos meritis obsistere ca-
sus.*

*Prorogat æternam feritas tibi punica
famam*

Regulæ

*Regule: Successus superant aduersa Ca-
tonis.*

*Discitur hinc quantum paupertas so-
bria possit.*

*Pauper erat Curius, Regem cum vince-
ret auro.*

*Pauper Fabricius Pyrrhi quum sperne-
ret aurum.*

*Sordida Seramus flexit dictator aratra
Lustratae Liſſore casae: facies que sali-
gnis.*

*Postibus affixi: Collectae à Cōsule messes
Et sulcata diu trabeato rura Colono:*

Id genus alia in medium prolata mē-
teis humanas quum ad vitia fugienda,
tum ad virtutes praesertim ac Sapientiā
capescendam vehementer excitant &
accendunt. Nam & sapientia ipsa mor-
taleis ad sese audiendam. inuitans, ait:

Ad vos ō viri clamo, & vox mea est ad *Prou. 2. 1*
filios hominum. Intelligite o vos in-
cauti solertiam: & insipientes corde in-
telligite. Audite disciplinam, & sapien-
tes estote.

QVANTI SIT MOM-
*menti sapientia, Quidque
 in se contineat. Quenā
 sit eius in hominibus effica-
 citas.*

CAP. X.



Ve res neque sciuntur,
 neq? cognoscuntur, nō
 etiam diligunt, aut queri
 aut æstimari solent.
 Quocirca vt Principes,
 alijque gentium nā
 Rectores agnitam sapientiam multo
 impensius ament, hīc aliquid nobis de
 illa breuibus differendum est. Vnde au-
 tem commodius exordiamur, quā ab
 encomico, quod illi tribuit Solomon? Is
 nāque sapientiā cōmēdaturus ita inq̃t.
 Neminē Deus præter sapientiæ studio
 sum diligit. Nam hæc Sole speciosior
 est, & omnem astrorū seriē superat: lu-
 cicque comparatā potior deprehēditur:
 siquidē nox pellit hāc: sapientiā autem
 malicia non vincit: sed pertingit ad ex-
 tremo ad extremum vsque penitus

&

Sap. 7.

& utiliter omnia disponit. Quapropter optavi, & data est mihi intelligentia: precatus sum, & obuenit mihi spiritus sapientiæ. Scep̄tris & solijs anteposui illā, diuitiāsque præ illa nihilipendi, nec gēmarum precium ei cōparauī: quoniā respectu eius aurū omne arena pauca est, & ad rationē ipsius argentū pro luto reputandū. Hanc dilexi supra sanitatem; ac formā, vsūque eius luci præoptavi, vt cuius splēdor sup̄primi nō possit. Accesserūt autē mihi oīa bona simul cum illa: innumeraque sunt in manibus eius diuitiæ. Lætitiā percepi ex omnibus: vt quorū caput sit sapientiā: Ipsam autē horū matrē ignorabā: Nam thesaurus hominibus inexhaustus est: quo qui fuerint vsi, amicitiam cū Deo iunxerint. Ad hæc Aristoteles in Metaphysicorū lib. i. sic ait: Sapiētiā est cognitio rerū diuinarū, habēs caput inter omnēis alias sciētias. Et sapiētiā est scientia primarū & altissimarū causarum. Et in Ethicorum sexto libro, Sapiētiā est (inquit) certissima omnium aliarum

scientiarum. Iacobus stapulensis interpretatur sapientiam esse Metaphysicā primā, supremā, diuinā, supermūdā, namque philosophiā. Theoreticus quoque in Dialogo primo sapientiā ipsam finit esse, quæ maximè scibilia, primas causas, primāque principia contempletur. Commentator etiam in Eth. vj. sic habet: Sapiētia, scientia est, vt caput habens, quod diuinorum contemplatrix sit, & vt in altissima specula longè cuncta dignissimè prospectās, manifestissima cœli entia. Est igitur sapiētia, intellectus pariter & sciētia, eorū quę sunt honorabilissima in natura, caput summitemque tenēs, nā vt prædeterminatū ex altissima. Sapiētia vero habet principia & cōclusiones necessarias, & præterea est de rebus necessarijs, & quæ non possunt, non esse. Quare manifestum est, principia & scibilia sapientiæ longè plus habere certitudinis, quàm principia & scibilia aliarum disciplinarum. Deinde ponitur alia sapientiæ significatio, quā artis seruilis virtus: deffiniturque, quod sit vltima & consummata artis perfe-

ctio. Et hoc modo sapiens est, qui completam exactamque artis perfectionem assecutus est: ut Polycletus arte statuaria admodum insignis; in ea acceptione, sapiens est statuarius. Zeufis Heracleotes sapiens habitus est pictor: quod tanta arte vvas depinxerit, ut aues ipsarum imagine deceptae, ad eas decerpendas aduolarint. Quum itaque superius paulo dicta Sapientia res omnem in vniuersum, uti se habent agnoscendo comprehendat, iudicio errare non potest. Et quoniam secum haec scientiam trahit, necesse est huiusmodi scientiam rerum esse incorruptibilem atque aeternarum: quum Aristoteles affirmet, scientiam esse de ijs, quae non possunt aliter se habere. Non est igitur ignorandum vniuscuiusque scientiae perfectionem in eo consistere, ut res non tantum vniuersae & confusae, verum etiam seorsum ac distincte cognoscatur. Quo fit, ut postea de ijs ipsis valeat sapiens experientia magistra rationem reddere: quem admodum de arte sua quivis peritus artifex

artifex. Ideoque Metaphysicus in sapientie sex inesse vult qualitates ita inquires. Oportet sapientem scire omnia in vniuersali: Difficillima cognoscere: Scientiam nactum esse certissimam: Circa scientiam omnem causas assignare posse: Scientiam maximè propter se, sciendique gratia expetibilem habere: Item habere & scientiam præcipuam & maximè liberam, quæ sui ipsius sit causa, & non alterius. Præter hæc Aristoteles affirmat, quòd veram philosophiam facit cognoscere suum Creatorem. Philosophia animum subleuat, fabricat vitam, disponit actiones, regit agenda, & omittenda demonstrat. Ergo sapientia ut præteritorum meminit, sic præuidet futura, quòd possit imminentiæ vitæ pericula: Solatur hominem in afflictionibus, optimis armat consilijs, quæ fugienda, quæ sequenda sint, edocet. Nam ut habetur Prouerbiorum tertio; ad dexteram eius est diuturnitas, ad sinistram verò eius opes & gloria. Viæ eius sunt viæ amoenæ, & omnes semitæ eius, pacatæ. Hæc est illa

*In lib. 1. De
Po. & Mor.
Sen. ad Gal
bum.*

illa sapientia, quæ homines quanuis humileis nobilitat: & sine qua nemo vel ab Hercule stirpem deducens aliquid esse putatur: quod neque torques, neque insignia, neque tituli, neque statuae, neque solia, neque coronæ, neque ipsa denique sacrificia nobilitatem aliquam sine sapientia conferant hominibus. Quemadmodum & Seneca inquit, Philosophia Platonem nobilem non accepit: Sed eum nobilem fecit. In hanc sententiam Ecclesiasticus quoque ait. Nam etiam si quis fuerit ex hominum progenie consumatus, sapientia tua tamē careat, nihil fuerit æstimandus. Quid obsecro super ceteros mortaleis tam extulit Solomonem? an regia dignitas? an innumerabiles thesauri? minimè profectò: Sed solummodo diuina sapientia. De cuius efficacitate reliquū est, ut non nihil etiam loquamur. Idem Solomon Sapientiæ septimo sic inquit, Mihi dedit Deus, eorum quæ sunt in natura, veram cognitionem: ut mundi cōstitutionem, vimque clemētorum intelligam,

Ad Balbū.

initium, exitum, mediúmque temporú,
solstitiorum vicissitudinem, ac tempe-
statum varietatem, annorum circuitus
ac situs stellarum: naturas animalium,
iráque bestiarú, ventorum vim, & cogi-
tationes hominú, differentias plantarú
radicúmque facultates, omnia denique
quæ sunt recondita & aperta cognoui.
Nam omnium artifex sapientia me do-
cuit. Est enim spiritus in ea intelligens,
sanctus, simplex, multiplex, subtilis, no-
bilis, illustris, impollutus, perspicuus, in-
noxius, boni studiosus, acutus, expedi-
tus, beneficus, human⁹, stabilis, certus,
securus, omnipotens, omnia perspicies,
atque per omneis spiritus intelligēteis,
puros: subtilissimósque permeans. Et
paulò post. Nihil polluti in eam cadit,
etenim lucis æternæ splendor est. Quã
obrem si Princeps magistrâ hâc ipsam
habuerit sapientiam optimè sanè ille
quidem institutus, optimè pariter sub-
iectum sibi populum instituet. Huic igi-
tur acquirendæ seriam & continuam
operam sedulò nauet.

QVIBVS

QVIBVS MODIS PARE-
tur sapientia.

CAPVT XI.



AEPIVS iam dictum est supra sapientiam in sese non modo diuinarum humanarumque rerum cognitionem continere, verum etiam quum publicorum magistratum, prouinciarumque tum priuatarum familiarum regimina disponere atque administrare: vt non minus hac ipsa reliquorum hominum rectores, quam femina calore solis indigeant. Ad hoc additum est, haud aliter debere Principes hanc eandem sibi quam sitibundis ceruus limpidarum aquarum fontem lucidissimum expetere. Iam superest, vt hic tria nunc videamus, per quae huiusmodi sapientia siue acquirenda sit ea, siue infundenda paratur. Quod ad parandam, quae infunditur, sapien-

Cap. 1.

tiam atinet, illud Apostoli Iacobi primū sibi vendicat locum. Si cui vestrum deest sapientia, postulet ab eo, qui dat (nempe Deo) qui dat inquam omnibus simpliciter, nec exprobrat, & dabitur ei: sed postulet cum fiducia, nihil hæsitan-
3. Reg. 3. s. Nam qui hæsitat, is similis est fluctui maris, qui ventis agitur, & impetu rapitur. Qua de re Solomon in regali solio constitutus acquirēdæ huiusce sapientiae percupidus, quò prudētius populum sibi concreditum regeret: illam ipsam à Deo votis omnibus expetiuit: sic orans. Tu ingentibus beneficijs prosecutus es seruum tuum Dauidem patrē meū, quēadmodū & ipse ambulauit corā te in veritate, & iustitia, & rectitudine cordis tecū: & seruaisti illi magnā hanc beneficentiam, vt dares illi filium qui sederet in solio eius, vt hæc dies declarat. Nūc igitur Domine Deus meus tu constituiisti seruum tuum Regē pro Dauide patre meo. Ego vero puer sum paruus, ignorans egredi & introire: Et tamen seruus tuus est in medio populi
 tui

tui,quem elegisti. Et quidem populus est multus, qui numerari non potest, nec recenseri præ multitudine. Da igitur seruo tuo cor audiens ad iudicandum populum tuum: & vt discernam inter bonum & malum. Quis enim populum hunc tuum tam præcellentem & amplum iudicare posset? Placuit hæc res coram Domino, quòd Solomon postulasset rem huiuscemodi. Et dixit Dominus ad eum. Quandoquidem postulasti rem talem, & non postulasti tibi dies multos, neque petisti tibi diuitias, neque petisti animam hostium tuorù sed postulasti tibi, vt intelligeres, vt audire posses iudicium: En ego feci iuxta verba tua: En ego dedi tibi cor sapiens & intelligens: & cætera quæ sequuntur. O felicem sanè Principem, illum, cui cum veræ sapientiæ Authore Deo perpetua consuetudo, & continua familiaritas est ab ipso nanq; Deo nō nisi verā discet: quum interim, quæ ab hominibus tantum percipit, vt plurimum erroribus inuoluta sint. Proinde qui men

tis aciem in vnum Deum dirigit, pro negociorum occurrentium qualitate maiorem in dies intelligentiam adipiscitur. Quum David Rex vehementer optaret sapientiam diuina lege contentam, non modo intelligere, sed etiam regendis populis adhibere, integram sibi à Deo intelligentiam donari verbis huiusmodi flagitauit. Da mihi intellectū, & scrutabor legem tuam: & custodiam illam in toto corde meo. Et paulo infra, Bene iudicandi facultatem & scientiā doce me, qui præceptis tuis fidem adhibeo. Sicut itaque cum eruditis assiduū habere commercium, reddit homines doctiores, sic & animus noster cōtinuis precibus insistens quandā veluti familiaritatē cū Deo contrahit, per quā lucidius mentis oculus illustratur: Nā per ipsas pces colloquitur cū Deo, cordis affectus exprimit: rebus in dubijs cōsiliū, solariū in aduersis exquirat. Quarū affectionū imagines quamplurimæ Dauidicis in Psalmis exprimuntur. Hoc idē & Romanos fecisse cū suis Dijs T.

Liuius ac Valerius Maximus esse testi-
 monio possunt. Nam etiam illi suorum
 numinum consulebant oracula: sacri-
 cia illis & preces offerendo, quid
 in maximi momenti rebus esset agen-
 dum perquirebant. Quod vel vnus e-
 xemplo Romuli satis liquet. Is enim *Libro 1. ab*
 Sabino bello cum suis in fugam ver- *Ur. Con.*
 sis, victoria videretur ad hosteis incli-
 nare, turba fugientium actus arma
 ad cælum tollens, Iupiter tuus, inquit,
 aubus iussit, hinc in Palatio prima urbis
 fundamenta ieci: arcem iam scelere em-
 ptam Sabini habent: inde huc armati
 superata valle media tendunt: At tu
 pater Deum, hominumque hinc sal-
 tem arce hosteis: deme terrorem Ro-
 manis, fugamque foedam siste: Hinc ego
 tibi templum statori Ioui, quod monu-
 mentum sit posteris, tua praesertim ope
 seruata Urbem esse, voueo. Hac pre-
 catus: veluti sensisset auditas preces,
 hinc, inquit, Romani Iupiter optimus maxi-
 mus resistere atque iterare pugnam iubet:
 atque alia quae sequuntur. Ergo fides in

Deum syncera, piæque supplicationes primam sapientiæ viam sternunt. Secundum quod ad hoc requiritur, id quid est, vt optimis ac prudentissimis Autoribus legendis memoriæque mandandis assiduè incumbamus. Etenim ipsa etiam Sapientia nos per Solomonem huc vocat, inquiens: verbis meis erudimini, & adiumentum sentietis. Hinc & Paulus Apostolus doctrinam sacrarum literarum mentem excitare atque intellectum illustrare contendit, vt animum virtute ac fortitudine robovent, & per spem afflictos consolentur. Præsertim verò qui magistratibus præsunt: hisce doctrinis dare operam conuenit: quum ea de causa præceperit ipse Deus, vt qui recturus esset Israëliticum populum diuinæ legis volumina non solum apud se haberet, verum his etiam legendis intelligendisque dies ac nocteis operam studiose nauarent: Per Moysen enim sic inquit: Postquam autem Rex tuus sederit in solio regni sui, describet sibi Deuteronomium legis huius in volumine, accipiens

Rom. 5.

Deut. 57.

cipiēs exemplar à sacerdotibus Leuitis
 & habebit secum, legētque illud omni
 bus diebus vitæ suæ, vt discat timere
 Dominum Deum suum, & seruare om
 nia verba legis huius, & statuta ista, vt
 faciat ea. & quæ inibi sequuntur. Ideo-
 que, Qui magistratibus gubernandis
 præfecti sunt, operæ precium facient, si
 sibi subiectos populos per sacrosanctæ
 legis huiusmodi semitam ducent: Nam
 qui humanæ tantum prudentiæ inni-
 tuntur, plurimos in errores frequenter
 incidere quietasque alioqui nationes
 perturbare consueuerunt. A qua sen-
 tentia non abhorret Erasmus asserens,
 ob eam causam voluisse Platonem se-
 rò Dialecticem attingi à Custodibus,
 quod hæc in vtranque partem differat,
 & minus firmas reddat de honesto aut
 inhonesto opiniones. Non inutile por-
 ro fuerit Principi septē Græciæ sapien-
 tium dicta, quorum nomina passim le-
 guntur, in memoria habere: ij nanque
 primo in Græcia honestæ vitæ magistri
 ac duces habiti sunt: quique morum

præcepta breuibus sententijs tradiderunt populis: Quorum nonnulla hîc interferuntur, vt promptius habeat Princeps & quod legat, & vnde mores ac virtutes formet. Sunt autē huiusmodi.

Teipsum perficito.

Bonum insitum augeto.

Fortunam fugacem meditator.

Naturam non deserito.

Utilibus ad optima intendito.

Neminem ledito.

Mundam voluptatem amato.

Tristitiam pellito.

Honestum præponito.

Summopere vitium odito.

Virtutem colito.

Officium exerceto.

Ad virtutē te natum cogitato.

Ratio dominator.

Sensus parcto.

Mentem excolito.

Nihil inconsultē facito.

Medium teneto.

Ne quid nimis videto.

Idem ne quid minus.

Prudentem Ducem eligito.

Ipsò ut oculo utitor.

Quid faciat videto.

Vireis tuas metitor.

Finem cogitato.

Sciens gratusque facito.

Cui facias, & cum quo, quando

ubi & quomodo.

Maius malum magis deuittata.

Insito morbo fortius obstitito.

Voluptatum retia fugito.

Hic igitur Magistrarum Rectores tanquam in leui speculo sese cōtēplentur, quanquā sua regimina pulcherrimis his cōformia sint lentētijs videāt. Quotidie sapientiū virorū dicta, factaque literis tradita aut legant ipsi, aut alios legentis audiant: ac pręsertim eorū Philosophorū, Qui Rempublicam optimē rectissimēque administrare docent, Multō plurius tamen estimabunt. Sacrarum scripturarum lectiōne: vnde quo pacto veri Dei cultus ritē cōstituatur, quoque pacto ad p̄scriptū

diuinæ legis populi gubernentur, edificere valebunt. Obseruent præterea quantam adhibuerint Romani curâ, vt Sibyllinos libros in vnum colligerent, propterea quod numinum inspiratione compositos fuisse arbitrarentur. Nam veteres vocabant Sibyllas mulieres entheas, hoc est, quarum pectus Deum recepisset. Vnde Virgilius dicit, magnam cui mentem animumque Delius inspirat Vates. Dictæ autem sunt Sibyllæ, quod diuina consilia noscent. Cæterum si quis plura de Sibyllis intelligere desiderat, Is libros rerum diuinarum quos ad C. Cæsarem Pontificem maximum Varro scripsit euoluat. quâuis etiam apud alios Authores quamplurima de Sibyllis ipsis inueniet: quæ non est opus vt hic recensentur. Libros autem Sibyllinos consulere Romani consueuerant, quoties aliquod ingens periculum immineret, vt inde quid agendum sibi ipsis tum foret, expiscarentur. quemadmodum de Q. Fabio Maximo videre est. Is enim dictator iterum, quo
dic

die magistratum inijt, vocato Senatu à Dîjs orsus quum edocuiſſet patres prius negligentia ceremoniarum, auſpiciorûmque temeritate atque inſcitia peccatû à C. Flaminio conſule eſſe, quæque piacula iræ Deûm eſſent, ipſos Deos conſulendos eſſe per uicit, vt, quod non fermè decernitur, ni ſi quum tetra prodigia nuntiata ſunt, Decemuiri libros Sibyllinos adire iuberentur: Qui inſpectis fatalibus libris retulerunt patribus, quòd eius belli cauſa votum Marti foret, id non ritè factû: de integro atque amplius faciendum eſſe, & Ioui ludos magnos, & Veneri Erycinæ, ac Deæ Menti vouendas eſſe, & ſupplicationem, lectiſterniûmque habendum, & Ver ſacrum vouendum, ſi bellatum proſperè eſſet, réſque publica in eodem, quo erat ante bellum, ſtatu permanſiſſet, &c. Quod ſi Romanis librorum Sibyllinorum ſtudiû uſque adeò cordi fuit, quò difficilia ſcitu inde perciperent: Quanto maiore cura Prophezarum oracula noſtris erunt Principi-

bus euoluenda? vt iuxta Dei manifestā voluntatem populis domi, bellique & consilio, & institutione & auxilio deesse possint? Nanque cœlestem hinc fauorem nanciscentur, qui res illis præteritas ad memoriam, præsentis ad vsum, futuras ad euentuum prouidentia reuocabit. Ea re neque sapientem scire memoria atque vfu, neque prudentem fine cōsilio, suique officij & iudicio & industria esse posse arbitramur. Quid enim prodest vocari sapientem, & quæ dicta, quæue audita sint, cognitis etiam causis, memoria non tenere? Quā vtilitatem percipimus ex optimarum rerū, prudentissimarūque institutionum & lectione, & intelligentia, nisi omnia hæc ad exercitationem debitā redigantur? Afranius poëta de gignenda, comparandāque sapientia rectè A. Gellio est opinatus, quod eam filiā esse Vfus & Memorix dixerit. Eo namque argumento demonstrat, qui sapiens esse rerum humanarum velit, non libris solis, neque disciplinis rhetoricis, dialecticisque

*Lib. 13.
cap. 8.*

eticisque opus esse, sed oportere eum
versari quoque exerceri que in reb⁹ cō
minus noscendis, periclitandisque. Eā
que omnia acta & euenta firmiter me
minisse, & perinde sapere, ac consulere
ex ijs quæ pericula ipsa rerum docue
runt, non quæ libri tantum, aut magi
stri per quasdam inanitates verborum
& imaginum tanquam in Mimo, aut
in somnio delectauerint. Versus Afrā
nij sunt in Togata, Cui Sellæ nomen
est.

*Vsus me genuit, mater peperit Mē
moria,*

*Sophlav vocant me Græci. Vos sapien
tiam.*

Item versus est in eādem fermē sen
tentiam Pacuuij, quem Macedo philo
sophus vir bonus familiaris meus scri
bi debere cēsebat pro foribus omnium
templorum.

Ego odi homines ignaua opera &
philosophia sententia. Nihil effi fieri pos
se indignius, atq; intolerantius dicebat,
q̃ q̃ homines ignaui, ac desides operi

barba & pallio mores & emolumenta
philosophiæ in linguæ, verborumque
arteis conuerterent: & vitia facundissi-
mè accusarent, intercutibus ipsi vitijs
mandâtes. Tertius, quo superna cõqui-
ritur sapientia, modus est, vt natura sit
Princeps ad discendũ aptè disposita, ve-
hemētérque affecta: ob idq; cū optimis
ac doctissimis viris assiduâ consuetudi-
nem habeat, quibus cum & colloqua-
tur & disputet: variâsque res, ac præci-
puè de quibus dubitet, in medium pro-
ferat: vnde collocato discursu pruden-
tior fiat: atque indies magis magisque
discat, quid quum ad suam, tum ad suo-
rum subiectorum vitam rectius ordinã-
dam faciat: quidue sequendum fugien-
dumue sit. Aristoteles ex Theognis re-
fert sententia virorum doctorum, sapien-
tiæque amantium frequentem consue-
tudinem, honestum esse ad virtutẽ ex-
ercitium, per quod alter alterum ad
scientiam imbibendam vrget ac prouo-
cat. Isocrates Nicocleum Regem ad-
monet eleganter his verbis: Amicos fa-

cito non quoslibet id ambienteis, sed qui tua digni sint indole: nec eos cum quibus iucundissimè sis victurus, sed quibus adiuantibus quàm optimè rē publicam gubernaturus. Diligentissimus esto in explorandis ijs, quos in familiaritatem allegis tuam, memor futurum, vt omnes, qui tecum non habēt consuetudinem, te similem arbitrentur ijs, quorum vteris familiaritate. Proverbiorum author benignè mortaleis ad sapientiam prouocās exclamat, Audiendo sapiens sapientior erit. Et alibi, Qui cum sapientibus graditur, sapiens *Cap. 1.* erit, Graculus gaudet societate graculorum. *Cap. 13.* Qui Princepsigitur sapientiam diligit, vitiosorum hominum societatem vitet, ne contagioso ipsorum morbo inficiatur: néue per eos in aula sua discordiæ ruinæque serantur. Quin potius adiungat sibi taleis, per quos ad optima quæque gerenda, præsertim verò ad seruandam synceram fidem, semotis hæresibus disponatur. A quamplurimis ascribitur Cyneæ, quod Pyrrhus

rhus Epirotarum rex tantæ dignita-
 tis amplitudine floruerit. Philipp⁹ quo
Lib. 9. ca. 3. que Macedonum Rex A. Gellio referē
 te sic ad Aristotelem scripsit. Philip-
 pus Aristoteli salutem dicit. Filium mi-
 hi genitum scito, quod equidem Dijs
 habeo gratiam, non proinde quia natus
 est, quàm pro eo quod cum nasci conti-
 git temporibus vitæ tuæ. Spero enim fo-
 re: vt educus, eruditusque abs te, dign⁹
 existat & nobis, & rerum istarum suc-
 cessione. Cyrus Xenophontem habere
 apud se voluit, vt agendis de rebus illū
Eus. in Cro. consulere posset. Croesus item Lydię
 Rex Anacharsin philosophum multis
 muneribus oblati ad se pellicere quæsi-
 uit. Dionisius quanuis tyrannus esset,
 valde tamen delectatus est Aristippi
 doctrina. Stilpo ac Menedemus philo-
 sophi Ptolomeo Regi admodum fue-
 runt accepti. Rex Antigonus adeò
 Biantem philosophum admauit, vt
 quū aliquñ is ægrotaret, ipse rex quoti-
 die p duos è suis familiaribus hūc visi-
 tandum, illique prouidendum curaue-
 rit.

rit. Attalo Asię Regi gratus extitit Li
 con philosophus. Antiocho Sirię De- *Mithri*
 metrius Phalere². Mithridates Póticus *dates*
 Rex Metrodorum Lampsacenum Epi
 curi discipulum tanta familiaritate cõ-
 plexus est, vt suum hunc esse filium plu-
 res arbitrantur. Platonem insuper
 idem Mithridates tãti fecit, vt illi statuã
 erexerit cum hoc titulo. Mithridates
 Rhodobati filius Musis Platonis ima-
 ginẽ dicauit. Alexander Macedonum
 Rex Onesicritum atque Anaxarchum
 singulari viros eruditione summa bene
 uolentia persecutus est. *Plutarchus*
 de ipso Alexandro narrat: quod quum
 is Corinthi Diogenem vidisset, eiusque
 probasset ingenium, ac viri pruden-
 tiam & magnitudinem esset admi-
 ratus, Ni Alexander, inquit, essem:
 Diogenes esse vellẽm. Aliquantu-
 lum (vt ita dicam) onustus sua fœli-
 citate, ac splendore, potentiaque ve-
 lut impedimentis ocium negantibus
 ad capefcendam prudentiam & virtu-
 tem, inuidens tamen interim Diogeni

pallium ac peram, quæ ille inuictus erat, & insuperabilis: non quemadmodum ipsæ armis, equis & sarissis. Licebat igitur philosophantem simul & affectu fieri Diogenem, & fortuna manere Alexandrum. & quæ sequuntur. Nec minus idē is Alexander doctorum hominum commercio, quàm excellentiū Authorum lectione oblectabatur: adeo ut de Homeri diceret Iliade, Sic illam belli, ut cibum corporis esse viaticum: Quam quo sæpius legebat, cō magis ad expeditiones exequendas accendebatur. Nōnulli dicere consueuerāt. Alexandrum quidem regna conquirere, verū eadem Anaxarchi consilio cōseruare. Quid? quod nisi eiusdem Anaxarchi paruisset exhortationibus Alexander, suam gloriam desperatione quadam obscuraturuserat, gestarumque rerum egregiam famam perpetuò dedecore maculaturus? Concludendū est igitur amplissimas multorum Principum dignitates frequenter illis per prudentissimos & institutores & Con-

filiarios

siliarios obuenire:quemadmodū apud
 fidos historicos legere est. Nam & A-
 chilles non adeò excelluisset, nisi Phœ-
 nice & Chirone præceptoribus optimis
 vsus esset. Neque Philippus Alexandri
 pater ad gradus tam sublimes perue-
 nisset, si non ab Epaminonda Thebano
 militarem artem perfecte fuisset edo-
 ctus. Alcibiadem quoque Pericles auū *An. Geli.*
 culus ingenuis artibus & liberalibus di- *15. cap. 17.*
 scipulis instituendum curauit. Atque
 hunc non ità multo post in vitia colla-
 psus ad meliorem frugem Socrates
 reuocauit. Patricius Senensis expedire
 Principibus ac magistratuum admini-
 stratoribus ait, vt Homeri Rapsodiam
 nocturna diurnaue manu versent,
 quam ipse putat in hoc ab eodem esse
 Poëta conscriptam, vt gubernandorū
 dominatum quoddam velut exem-
 plar esset. Non enim bellicas tantum-
 modo, sed ciuileis etiam res pertractat:
 ac virorum excellentium fortia prudē-
 tiaque facta sic extollit, vt qui hæc
 aut legant, aut audiant, ad eadem pa-

*Quid Prin
cipi cōferat
Doctōrū Vi
rorū consue
tudo.*

ttāda summoperè animētur quēadmo
dū Theseus & Pirithous Herculis lau
des decantari audientes ad ipsum imi
tandum accēsi sunt. Optimum princi
pi Plutarchus existimat cum optimis
philosophis versari, sepiusque cum ijs,
de rebus ad virtutem suumque officiū
pertinentibus differere. Nam inquit; In
amorem insinuare sese, & in aliorum
amicitiā inferi, & alios in amici
tiam recipere, eamque colere, quę
multis tū publicè tū priuatim utilitatē
ac fructum allatura sit, id hominū est
civilium honestate & humanitate præ
ditorum, non glorię cupidorum, quem
admodum nonnulli dictitant. Quin cō
tra potius, is & glorię sitiens, & probri
metuens videtur, qui reformidat, ac ve
retur, ne dicatur studiosus, & obseruans
eorum, qui potestate præcellunt. Alio
qui quid dicit is, qui sanabilis est, & phi
losophiā desiderat? Utinam sim Si
mon ille Goriarius, aut Grammatista
Dionysius, è Periclis aut Catonis fami
lia, uti mecum confabuletur, mihi que
assideat, quemadmodum Socrates il-

lis. Et Aristo Chius quū malè audiret à Sophistis, quod cum omnibus, quicunque vellent, disputaret, dicere solebat: Feræ quoque intelligunt sermones qui prouocent ad virtutem, & nos refugimus habere consuetudinem cum viris potentibus, & optimatibus, perinde quasi immites sint, ac feri? Philosophiæ doctrina non est huiusmodi statuarum artifex, vt signa fingat, quæ in basi muta stent, & sensu expertia: Sed agilia studet facere quæcunque aggreditur, negotiosa viuæque. Addit impetus, quibus excitetur: addit iudicium, quod inuitet ad vtilia: addit delectum, quo sequantur potiora; addit prudentiam, animique magnitudinem cum mansuetudine, cautelaque coniunctam, per quas res viri ciuiles libentius habent familiaritatem & consuetudinem cum præcellentibus dignitate viris, ac præpotentibus. Etenim si quis Medicus sit egregius, libèrius illi medetur oculo, quàm pro multis circumspiciat, multosque custodiat. Ità philosophus eius animi

curam libentius aget, quem videt pro multis sollicitum, quemque oporteat multis sapere, multis esse philosophū, multis exhibere iustitiam. Verū si Principem, aut Magistratum, & in negotijs versantem attigerit, atque hunc expleuerit honestate, per vnum prodest compluribus: quemadmodum fecit Anaxagoras Pericli familiaris: Dion Plato: Pythagoras, Italiae Primatibus. At Cato ipse relicto exercitu nauigauit ad Athenodorum. Scipio Panætium accersuit, quum à senatu legatus esset, Virum, qui æqui atq; iniqui rationem haberet, velut inquit Possidonius &c. Qui hunc instituendum acceperit Vir civilis, & aptus Principibus, is toti reipublicæ profuerit: exhibens iustitiam, condens leges, puniens nocentes, euehens moderatos ac bonos. Mihi verò videtur & nauum opifex elegans libentius clauum fabricaturus fuisse, qui audisset futurum, vt is Argo gubernaret, pro qua omnes essent solliciti Et faber lignarius nō tam libenter compositurus

rus

rus aratrum, aut plaustrum, quàm tabulas illas, in quibus Solon leges scripturus esset. Et sanè Philosophorum rationes, si Principem, & Rempublicam administrantium animis inscribantur infiganturque sic, ut inherescant, legum vim nanciscuntur. Siquidem & Plato, nauigauit in Siciliam, futurum sperans, ut philosophiæ decreta, & leges & facta gignerent in Dionysij negotijs. Verrum reperit Dionysium ceu librum lituris egentem, ac maculis, mendisque plenū, nec remittentem tyrannidis tincturam, qua longo iam tempore fuerat imbutus, ut facilè non posset elui. Faciles autè adhuc, & mutabiles sint oportet, qui honestas accipiant rationes. Hactenus Plutarchus. Ex cuius oratione percipi facilè potest, & quæ Principum cum doctis hominibus, & quæ doctorum hominum cum Principibus consuetudo ac familiaritas esse debeat, ut per hos admonitus officij sui Princeps eiusdem officij commoda in populum transfundere valeat, non secus ac cibus per os

in stomachum receptus alijs membrīs
nutrimentum præbet. Supradictis ra-
tionibus licebit & quartam addere per
quam sapientiores euadant Principes:
Ea vero est huiusmodi vt iidem princi-
pes peregrè nonnunquam profecti di-
tèrsarum Regionum & situs & mores
accuratè percipiant: Quorum fructuū
vnaqueque sit ferax: Quibus arboribus
& Quibus animantibus abundet: An
montosa sit, an in planiciem porrecta:
Quo sub cœlo, quante sub ipsius cœli
primaria parte iaceat: Quib⁹ paludib⁹,
Quib⁹ lacubus: Quib⁹ fluminib⁹ irrigetur:
Quas leges obseruet: Quā religio-
nē amplectatur: Deniq; quas merceis a-
liō transmittere consueuerit. Inde ete-
nim fiet, vt magis cordati Principes eua-
dant: plurāque hinc aliquando quā
ex libris intelligant ac discāt. Id quod
etiam Vlissi contigisse commemorat
Homerus, Nam plus illum prudentiæ
longis ex erroribus varijsque pere-
grinationibus quā ex bello Tro-
iano contraxisse facit. Nestor Pylius
Rex

Rex gloriabatur se apud Lapithas populos fuisse. Menelaus item gaudebat se Cyprum, Phœniciam, atque Aegyptum perlustrasse: Thebasque Aegyptias portis centum insignis, quarum vnaquęque ducentis custodiebatur equitibus, inspexisse. Neque his contentus Aethiopiam totam, plureisq; alias prouinciās circumiuit. Virgilius quoq; laudaturus Aeneam, hunc loca plurima penetrasse, antequam in Latium peruenisset, exposuit. Sed si prætermis- sis poëtis ad Historicos descendere quis vellet, quantam quæso Regum, Principum, sapientiumque virorum copiam inueniret, qui totum ferè orbem variarum rerū discendarum causa, vt cauti magis fieret, peragrarunt? Verū nos ne lōgi⁹ ab instituto progrediatur oratio, ijs recēsendis hoc in loco supersedebimus. Id vnum tamē hīc addemus, quòd si Principi legitimis de causis non vacat abesse diutius à Regno, quemadmodū aliarū scientiarū, sic & Geographiæ peritissimos adiungat sibi viros, per

quos ad exactè quæ suprà iā dicta sunt
noscēda omnia instituatur, vt quod illi
non datur oculis intueri, saltem animo
comprehendat: & si non omnimodam
qualem cumque tamen delectationem
atque vtilitatem inde capiat: Quam e-
tiam Milelij Anaximandri, Aegyptiq;
Ptolemæi tabulæ diligenter inspectæ
magis ac magis augebunt. Fama est,
Alexandrum Magnum quoties aliquā
Prouinciā, urbēve debellandā ag-
gressurus esset, curasse prius loci faciē
sibi depictā proponi, vt quomodo cū
suos tutius conseruare, tum hosteis a-
crius inuadere posset, inde conspiceret.
Idem cum suis Imperatoribus fecisse
Romanos ferunt: nempe vt quum es-
sent aliquo Ducem missuri, quam im-
petiturus erat prouinciā eam illi pi-
ctā ob oculos ponebant, vt quo pacto
commodius ea potiri posset, ex pictura
colligeret. Econtrario quosdam publi-
corum munerum administratores ob-
gerendarum rerum imperitiā à suis
interfectos fuisse compertum est: Alios

idem ab hostibus perpeſſos: vt de Cyro Perſarum Rege proditum eſt memorie. Nam quum Scythiæ quaſdam anguſtias parum cautè fuiſſet ingreſſus, à Tomyride Regina trucidatus vnà cū toto exercitu fuit. Cautos igitur popu-
lorū rectores eſſe cōuenit, vt ne temerè ſequē, ſuōſque conijciant in diſcrimen. Haud minimum quoque prodeſſet principi, rectè phyſiognomiam cal-
lere, vt ex vultus inſpectione cognoſce-
ret, quos tanquam aptiores ad geren-
da negocia ſibi deligendos eſſe iudica-
ret: Id namque pertinet itidem ad prin-
cipis cohoneſtandam ſapientiam.

QVOMODO IAM PARTA
conſeruetur ſapientia.

CAP. XII.



VONIAM non
minoreſt virtus, quā
quærere parta tueri,
idecirco debent Prin-
cipes cōquiſitam ſapi-
entiam ſic integram

3. *Reg. 4.* conseruare, vt non aliquo ipsam vitio præsertim autem idololatria contaminent. Quantum enim Dei cultus erroneus gloriam illorum obscuret è Solomonis nequitia manifestum esse arbitror. Hunc nanque scemineis blanditijs victum falsos coluisse Deos pro cõperito est. Quid? an nõ & Samuelis filij traditũ munus administratione vitiosa cõspurcarũt? Athenis itẽ Pisistratus, Dionysius in Sicilia, Romæ Sylla id ipsum crudelitate ac tyrannide sua effecere. Quorum omnium sapientiam non supernam, sed omnino terrenã fuisse constat. Quãobrem etiam per Esaiam prophetam Deus inquit: Perdam sapientiam sapientum: & prudentiam prudentium reprobabo: talcisque admonet dicens: Sapiẽtia tua & peritia tua te decipit. Nõnulli sunt, qui se sapientiẽ cupidos esse demonstrant: Verum id nõ ex animo, neque vt alijs, sed vt sibij pps be-
Cap. 4. nefaciant. De quibus Ieremias propheta sic habet. Stultus populus meus me non cognouit: Filij insipientes sunt, &
 vecor

vecordes, Sapiētes quidem sunt, vt malè agant, ad benefaciendū prorsus ignari. Causa verò huius insipientiæ est, q̃ *Prover. 14.* quī verè sapiens est, Deum timet & declinat à malo: stultus autem transtulit & confidit. Sed Rex sapiens impios dissipat, & rotā vertit super eos. Qui sibi *Rom. 11.* ipsis tantum sapientes sunt, sui amore decepti non norūt, aut nō curant à malis abstinere: ijs Paulus Apostolus ait. Ne sitis vobis ipsis sapientes: id est caute, ne vestra sapientia carnali prudētiæ *Cap. 5.* coniungatur: Nam ijs qui sunt huiusmodi, minatur Esaias inquit: Væ qui sapientes estis in oculis vestris, & corā vobismet ipsis prudentes. Si pro muneribus iustificatis implum, quæ sapientia est? Quomodo dicitis sapientes sumus? & lex Domini apud nos est? Vere mendaciū operatus est stylus mendax scribarum. Pudorē affecti sunt sapientes: p̃territi sunt, & capti sunt: Verbū enim Domini proiecerunt: & sapientia nulla est in eis. & cætera quæ leguntur apud Ieremiam capite octauo. Et sanē sapientia, quæ sceleribus ac fraudi-

bus inquinatur, non vera est sapientia, quia bonis est operibus vacua. Iacobus enim apostolus de vera sapientia sic loquitur: *Quis sapiens & scientia pręditus est inter vos? iudicet ex bonā cōversatione opera sua cū mansuetudine sapientię.* Quod si invidiam amarā habetis, & contentionem in corde vestro, nolite gloriari, & mendaces esse aduersus veritatem. Non est enim ista sapientia supernē descendens: sed terrena, animalis, dæmoniaca. Vbi enim invidia est & contentio, ibi seditio & omne opus prauum. Quę autem supernē est sapiētia, primum quidē casta est, deinde pacifica, moderata, tractabilis, plena misericordia & fructibus bonis, absque diuidicatione sine simulatione. Fructus autem iustitię cum pace seritur pacificis. Hęc Iacobus. A cuius sententię formula nō admodū aberrat M. Tullius: qui suis in officijs ita scripsit. Scientia, quę est remota à iustitia, calliditas potius quàm sapientia est appellanda. Quocirca qui Princeps non se subducit ab iniustis

iniustis illicitisque rebus, quæ Deum,
 quæque homines offendunt, is profec-
 tō non ea, quæ bonum principem de-
 cet, præditus est sapientia. Qua de cau-
 sa etiam perniciosus frequenter inuol-
 uitur erroribus: vanasque sui capitis o-
 pinationes perpetuò sequens, nunquā
 à malignitate, malitiâque recedit: Vn-
 de fit, vt nunquam etiam ad volunta-
 tis diuinæ præscriptum imperet: quum
 sit omnino diuina similiter sapientia de-
 stitutus. Ergo vitia simul omnia vitan-
 da sunt illi, qui veram sapientiam con-
 sequi desiderat.

ABIICIENDVM ESSE

Principi falsæ religionis cultum: verique introducendum, & conservandum.

C A P.

XIII.



NON minorē suæ religionis conservandæ verique Dei cultum dilatandi curam par est Christianū Principem adhibere atque olim gentis quamplurimas ac præcipuè potentissimos Romanos adhibuisse constat, ij nanque in maiorē suę ipsorum religionis venerationem, per Pontificem Maximum summæ authoritatis virum, pèrque alios peritissimos sacerdotes ordine disposuerāt festos dies, oracula, Sibillinorum librorum inspectiones, diuinationes, auguria, portēta, precationes, gratiarum actiones, variàque genus omne sacrificia: quemadmodum Valerius maximus libro primo, capite

Capite De cultu Deorum palam facit
 his verbis: Majores, statas, solennis que
 ceremonias Pontificum scientia: bene
 gerendarum rerum authoritate, augu-
 rum obseruatione, Apollinis prædictio-
 ne, vatum libris, portentorum depulsa,
 hetrusca disciplina explicari voluerūt:
 Prisco etiam instituto rebus diuinis o-
 pera datur: quum aliquid commendan-
 dum est, precatione: quum exposcendū
 voto: quum soluendum, gratulatione:
 quum inquirendum, vel extis, vel sorti-
 bus impertito: quum solenni ritu pera-
 gendum sacrificio: quo etiam ostentorū,
 ac fulgurum denuntiationes procuran-
 tur. Tantum autem studium antiquis
 non solum obseruandæ, sed etiam am-
 plificandæ religionis fuit, vt florentissi-
 ma tum, & opulentissima ciuitate, de-
 cem Principum filij. S. C. singulis He-
 truriæ populis percipiendæ sacrorum
 disciplinæ gratia traderentur: ac cæte-
 ra quæ in eundem sensum eodem loci
 conscribuntur. Quod si vanæ super-
 stitionis vsque adeo fuerunt obseruan-
 tes Ethnici, quāto magis & principes &

respublicæ Christianæ verā religionē
verique Dei certissimum cultum cor-
di habere debent? Quem quidem cul-
tum è cœlis delatū Iesus Christus Dei
filius per seipsum perfectissimè insti-
tuit: neque gentium modo ritus, verū
etiā Mosaicæ legis diuinitus datę ce-
remonias aboleuit, quas Paulus Apo-
stolus vmbra s fuisse testatus est. Itaque
si Princeps Dei quoddā veluti simula-
crū videri vult, falsos diuorū cult⁹ euer-
tat: Solius veri Dei per Iesum Christū
agniti veros itidem cultus euangelica
prædicatione, suāque authoritate leni-
ter introducat. Nouerit se ad illam di-
gnitatis amplitudinem vocatum, non
vt ciuileis modo, sed vt spiritualeis quo-
que res ordinet. ne nimium terrena cu-
rando, cœlestiāque negligendo diuinā
in sese prouocet indignationē. Etenim
si gētilium Deorum cultores maximo-
pere cauebāt, ne sua sibi numina vel ob
contemptam religionem, vel ob non ri-
tè peracta, siue prætermissa sacrificia
grauius haberent infensa, quāto id ma-
gis

gis efficiendum est Principi Christiano qui Deum ipsum & patrem appellat, & imperij sui seruatorem (vti re vera est) arbitratur? Othnielis Israëlitici populi Iudicis exemplum sibi constituat ante oculos, vt videat, quo pacto Deus eundem populum idololatram atque ob id in hostium manus traditum per pium hunc ducem à misera seruitute liberarit: vt libri Iudicum tertio Capite continetur. Ad memoriam reuocet, quid Cyrus Persarum Rex afflatus diuino numine perpetrarit: Etenim de hoc per *Ca. 44.*
45. Esaïam sic loquitur Deus: Qui dico Cyro, Pastor meus es, & omnem voluntatem meam perficis: Qui dico Ierusalē edificaberis, & templo fundaberis. Hęc dicit Dominus Christo meo Cyro, cuius apprehendi dextram: vt subijciam *Esd. 1.*
ante faciem eius Genteis. Alibi quoque sic habetur: Anno primo Cyri Regis Persarum, vt compleretur verbum Domini ex ore Ieremię, suscitauit Dominus Spiritum Cyri Regis Persarum: & traduxit vocem in omni regno suo etiā

per scripturā dicens: Hæc dicit Cyrus Rex Persarū. Omnia regna terrę dedit mihi Dominus, De' cœli: & ipse pcepit mihi, vt ædificarē ei domū in Ierusalē, q̄ est in Iudæa. Quis est in vobis de vniuerso populo eius? Sit Deus illius cum ipso, ascēdat in Ierusalē, quæ est in Iudæa vt ædificet domū Domini dei Israel (ipse est Deus) q̄ est in Ierusalē. & q̄ his adscribuntur. Principes igitur actū superno spiritu se in hoc electos & vocatos agnoscant: imprimis vt obsequātur Deo, deinde vt superstitionibus, falsisque doctrinis populos liberent, indebitisque grauaminibus non opprimant. itā fient Iosaphato similes: de quo scriptum est. Fuit Dominus cum Iosapha-

3 Para. 17.

Cap. 17.

to, quapropter ambulauit in vijs David patris sui primis, nec quæsiuit Baalim: sed Deū patris sui quæsiuit, & in pceptis eius ābulauit, & nō iuxta opa Israelis. Hac de causa Regi præcipit in Deuteronomio Deus, vt & se penes habeat legem suam, & huic legendæ studio nō intermisso incumbat: quò discat timere Dominum Deum suum, cuiusque sta

tuta seruare. Et ne extollat cor suum
super fratres suos, neque recedat à præ
cepto, neque ad dexteram, neque ad si
nistram, vt proroget dies in regno suo
& ipse & filij sui, in medio Israelis. Nō
ergo satis est Principi legem Dei habe
re atque intelligere, nisi hanc eandem
& obseruet ipse, & suis populis obseruā
dam proponat: quemadmodum legi
mus hunc ipsum fecisse Iosaphatū. Qui
diligentissimè curauit, vt sibi subiectæ
ciuitates omnes, per sacerdotes ac Le
uitas diuinis legib⁹ instituerētur: Vnde
etiā irruit pavor Domini sup omnia re
gna Nationū. Semp enim sacrosancti
Verbi Dei publicę Conciones admira
tionē ac terrore malis, contra verō cer
titudinē, latitiā, cōsciētię trāquilatē re
ligionis instaurationē, vitæ innouationē
bonis afferre cōsueuerūt. Quod sanē vi
deri facilē potuit, quo tempe sub Iosia
rege diuinæ legis, q̄ diu latuerat, codex
inuēt⁹ est. Verū vt cōmodi⁹ qd in ea cau
sa prudēs pi⁹ q; Rex effecerit obseruare
Princeps optimè valeas, libuit hūc ipsi⁹

verba contextus etiam ad verbum trāf
 2. *Paral.* 34 ferre. Sic itaque se habet oratio. Anno-
 rum octo erat Iosias quum regnare cœ-
 pit, ac triginta & vno anno regnavit in
 Ierusalem. Is fecit rectum in oculis Do-
 mini, & ambulavit in vijs Davidis pa-
 tris sui, nec declinavit ad dexteram,
 aut ad sinistram. Octavo autem anno
 regni sui, quum ipse adhuc puer esset,
 cœpit requirere Deum Davidis patris
 sui: Duodecimo verò anno cœpit mun-
 dare Iudam & Ierusalem ab excelsis,
 & lucis, & simulacris, & sculptilibus:
 Destruxeruntque coram eo aras idolo-
 rum ipsorum, & simulacra, quæ erant
 superposita, demoliri fecit: lucos quo-
 que & simulacra, & sculptilia contrivit
 & comminuit, sparsitque illa super su-
 perficiem sepulchrorum illorum, qui
 immolauerant eis: Et ossa Sacerdotum
 cœbulsit super altaria ipsorū, mūdavit-
 que Iudam & Ierusalem. In vrbibus
 quoque Manasse & Ephraim & Si-
 meon vsque ad Naphthali malleis suis
 per circuitum. Demolitus est itaque al-
 taria

taria & lucos, & simulacra contriuit cō
 minuendo: & omnia simulacra excidit
 in vniuersa terra Iſraëlis poſtea reuerſ⁹
 eſt Ieruſalem. Anno autē decimo octa- 4. Reg. 22
 uo regni ſui poſtquā mundauit terram
 & domum, miſit Sapham filiū Aſaliæ,
 & Maſſem principē ciuitatis, & Ioha
 filiū Ioachaz à commentarijs ad inſtau
 randam domum Domini Dei ſui. Vene
 runt itaque ad Hilciam Sacerdotē ma
 gnum, & dederunt argentum illatū in
 domum Dei, quod congregauerant Le
 uitæ cuſtodes liminis de manu filiorum
 Manaſſe, & Ephraim, & de vniuerſo re
 ſiduo Iſraëlis, & ab vniuerſo Iuda, ac
 Benjamin, & habitatoribus Ieruſalem:
 Tradiderunt in manibus eorū, qui præ
 erant operarijs in domo Domini ad ſar
 ciendas ruinas, & ad inſtaurandam do
 mum. At illi dederunt artificibus, & cæ
 mentarijs, vt emerent lapides exciſos &
 ligna ad commiſſuras, & ad contignan
 das domos, quas deſtruxerant Reges Iu
 da. Viri autē illi operabantur fideliter in
 ipſo opere: & ſuper eos conſtituti erant:

&c. Et mox. Quūq; educerēt argentū,
quod illatū fuerat in domū Domini, re-
perit Hilcia Sacerdos librum legis Do-
ni latae per manū Moſis. Locutus eſt au-
tē Hilcia, dixitq; ad Saphan Scribā: Li-
brum legis reperi in domo Domini, &
tradidit Hilcia librū ipſi Saphā. Attulit
autē Saphan ipſe librū ad Regem: atque
etiam retulit Regi rem dicendo: Quic-
quid datum fuit in manu ſeruatorum tu-
orum, ipſi faciunt: Conflauerunt nanq;
argentum, quod inuentum eſt in domo
Domini, & tradiderunt illud in manum
præpoſitorum, & in manum facientiū
opus. Indicauit præterea Saphan ſcriba
Regi dicendo: Librum dedit mihi Hil-
cia ſacerdos: & legit in eo Saphan corā
Rege. Fuit autē cū audiſſet Rex verba
legis, ſcidiſt veſtimenta ſua: præcepitq;
Rex Hilciæ & Ahicam filio Saphan, at-
que Abdon filio Michæ & Saphan ſcri-
bæ, & Aſaæ ſeruo ſuo dicendo: Ite, con-
ſulite dominum pro me, & pro reſiduo
in Iſraele & in Iuda ſuper verbis libri,
qui repertus eſt: quoniam magnus eſt
furor Domini, qui ſtillauit in nos, co-

quòd non custodierunt pates nostri
 verbum Domini, vt facerent iuxta om-
 nia quæ scripta sunt in libro hoc, &
 quæ ad hoc faciunt, sequentia. Eadem
 verò ferme totidem verbis habentur
 etiam libro Regum quarto: Capite vi-
 gesimosecundo. Quibus & Caput vige-
 simum tertium hæc annectit. Misit Rex
 & cōgregauerūt se ad eū omnes senio-
 res Iuda & Ierusalem: Ascenditque
 Rex in domum Domini, & omnes viri
 Iuda, omnesque habitatores Ierusalē
 erant cum eo, & sacerdotes, & prophe-
 tæ, & vniuersus populus à paruo vsque
 ad magnum: legitque in auribus eo-
 rum omnia verba libri fœderis, qui in-
 uentus fuerat, in domo Domini. Stetit
 autem Rex iuxta columnam, & pepigit
 fœdus corā Domino, se ambulaturos
 post Dominū, & custodituros p̄cepta
 eius & testimonia eius, decretāq; eius
 toto corde, & rota anima: vt suscitarēt
 verba fœderis huius, quæ scripta
 sunt in libro illo: & stetit vniuersus
 Populus in fœdere. Præcepit insuper

Rex Hiltiæ sacerdoti magno, & sacerdotibus secundis & custodibus liminis, vt educerent è templo Domini omnia vasa, quæ facta fuerant ipsi Baal, & Luco, & vniuersæ militiæ cœli: & cōbussit ea extra Ierusalē in campestribus Cidrón, tulitque puluerem eorum in Bethel. Cessare quoque fecit sacerdotes Idolorum, quos posuerant Reges Iuda, vt suffirent in excelsis in vrbibus Iuda, & in circuitibus Ierusalem: simulque eos, qui suffiebant ipsi Baal, Soli & Lunæ, & signis & vniuersæ militiæ cœli. Eduxit quoque Lucum è domo Domini extra Ierusalem in torrentem Cidrón, & combussit eum ad torrentem Cidrón comminuitque in puluerem, ac proiecit puluerē eius super sepulchrū filiorum populi. Et destruxit domos scortorum masculorum, quæ erant in domo Domini, in quibus mulieres texebant cortinas Luco. Et venire fecit omnes Sacerdotes de vrbibus Iuda, & contaminauit Excelsa, in quibus suffiebāt Sacerdotes à Geba vsque ad Beer-seba & destruxit excelsa portarum, & quæ

erant in introitu portæ Iehosux principis vrbs, quæ erant ad sinistram viri ingredientis portam vrbs. Veruntamē non ascendebant ultra sacerdotes ad altare Domini in Ierusalem: sed comedebant infermentata in medio fratrum suorum. Cōtaminauit etiā Thophet, quod erat in valle filij Hinnon, ne trāsire faceret quisquam filium suum, aut filiam suam per ignem ipsi Móloch. Cessare denique fecit equos, quos posuerant Reges Iuda Soli, ab introitu domus Domini ad cubiculū Nethan, Mélech eunuchi, quod erat in suburbanis: & currus solis combussit igni. Sed & aras quæ erant super tectum cœnaculi Ahaz, quas fecerant Reges Iuda, & altaria quæ fecerat Menasseh in duobus atrijs domus Domini destruxit Rex, & cucurrit inde, & proijcere fecit puluerem eorum in torrentem Cidrón. Excelsa quoque quæ erant coram Ierusalem, quæ erant ad dexteram montis Oliueti, quæ ædificauerat Solomon Rex Israelis ipsi Asthoreth abomina-

tioni Sidoniorum, & Chemos abomina-
tioni Moab, & Milchom abomina-
tioni filiorum Ammon contaminauit
Rex. Contriuit insuper statuas, & succi-
dit lucos, repleuitque locum eorum os-
sibus hominum. Quin etiã altare, quod
erat in Bethel, & Excelsum, quod fece-
rat Ieroboam filius Nebat, qui peccare
fecit Israellem, altare inquam illud, &
Excelsum destruxit: combusitque Ex-
celsum, & comminuit in puluerem: cõ-
bulsit & lucum. Et statim infra sic addi-
tur. Præcepit Rex vniuerso populo, di-
cêdo: Facite Pesah Domino Deo vestro
sicut scriptum est in libro fœderis. Nõ
enim celebratum fuit tale Pesah à die-
bus Iudicum, qui iudicauerunt Israelẽ,
& cunctis diebus Regum Israelis, & Re-
gum Iuda. Decimooctauo autem anno
Regis Iosia factum est Pesah istud in
Ierusalem. Sed & Pythones & Magos
& simulacra, & idola, atque cunctas a-
bominaciones, quæ conspiciebantur in
terra Iuda, & in Ierusalẽ remouit Iosia,
vt statueret verba legis scripta in libro,
quem

quem inuenit Hilcia sacerdos in domo
 Dñi. Et hæc ex veteri testamento huc
 allata sufficiat. Quæ si Christiani Prin-
 cipes rectè perpendent, nihil erit, quod
 Prædecessorum suorum qui extra diui-
 næ scripturæ instituta malè vixerūt, ve-
 stigijs velint insistere. Sed quemadmo-
 dum ipse Iosia Menassem, Ahaz, Aza-
 riā, plureisque alios Reges impios mi-
 nimè secutus est, ita ad sacrarū scriptu-
 rarum authoritatem suos mores, popu-
 lorūque suorū administrationes abie-
 ctis præcedentium erroribus attempe-
 rabunt. Nam potissimum ipsos verita-
 tem amplecti subiectisq; sibi gētibus
 hanc proponere par est. Quanquam id
 admodum pauci curent efficere. Atque
 inde est, quod eorum plerique quo-
 ties ipsa veritas retegitur, aut hor-
 reant, aut obstupescant, aut indignen-
 tur, propterea quod ex veteri con-
 suetudine contrarijs iam infecti sint
 qualitatibus. Hic mihi dicat aliquis,
 quanam doctrina, aut quanam vi-
 uendi forma Principem deceat illanc

Unde Principi recta viuendi ratio petenda sit. suisque proponenda. quæ ab Homero, Socrate, Platone, Aristotele, Plutarcho, an quæ ab Erasmo Roterodamo cæterisque recentioribus traditur? Huic respondeo, legendos quidem huiusmodi authores esse, quæque ad ciuilem institutionem spectant, cum iudicio ex illis excerpenda. Verum integra perfectaque viuendi atque imperandi ratio non nisi ex prisca nouique testamenti sacris voluminibus Principi Christiano comparanda est. Nam qui Christi religionem profitetur, æquum est vt Christi quoque scita, placitaque sequatur. Et quamuis nouum testamentum de magistratibus ordinandis nihil in se contineat, sed Christianos illis tantum obedire, tributa persolvere, atque honorem exhibere præcipiat, vt Christus inquit, Reddite quæ sunt Cæsaris, Cæsari: & quæ sunt Dei Deo: & Petrus ac Paulus huic astipulentur sententiæ, nihilosecius tamen quas Christus ordinationes ad magistratus administrandos è veteri testamento non abstulit, Christianis eas Principibus obseruandas,

das, vt populis vsui futuras, quis obsecro non existimet? Qua in re illud animaduertendum est, ex Mosaicæ legis præceptionibus quasdam fuisse cõmutatas, aliquot abrogatas: nonnullas verò firmas adhuc persistere. Quæ prius offerebantur sacrificia, in suis ipsius vnicam ac perpetuam hostiam, præcedentibus abrogatis immutauit Christus. Idem ab eodem cum sacerdotio factum est, vt ad Hebræos Epistola nobis enucleatè perscribit. Alia verò quedã eiusdem legis decreta robur adhuc obtinēt integrum: vt idololatriam esse penitus extirpandam: verique Dei verum cultum & erigendum, & erectum perpetuò conseruandum: & id genus permulta: quæ Principes instaurare ac facta tecta præstare Iosaphati ac Iosia: instar debent. In primis igitur est illis curandum, vt per bonos concionatores verbū Dei purum sine additamento, aut imminutione populis apertè proponatur, ac synceriter explicetur. Ad quod audiendum ipsi præsentés adsint, vt alios

quoque ad se imitandum prouocent, & inde ad obediendum præceptis diuinis inuident. deinde religionis falsæ ministros exauthoratos dimittant, legitimosque substituent, vt Iosiam Regem fecisse constat. Qui verò legitimi sint Ecclesiæ ministri, & quo pacto inaugurentur, quibusue appellentur nominibus, & quales esse debeant, cum quod ad doctrinam, tū quod ad vitam attinet, denique quibus officijs vnicuique fungendum sit, ex pluribus Paulinarū epistolarum locis manifestissimè colligitur. Talem itaque formam in Ecclesiā Dei principes introducant, vt per veros Episcopos ac reliquos administratos & sanioris doctrine, & sacrorū signorū, quę sacramēta vocātur, & cæterorum munerū ad ipsam ecclesiam facientium vsus integerrimus inuechatur, inuectus conseruetur, conseruatus perficiatur in Dei gloriā, inque Christi Iesu mystici corporis illibatam ædificationem. Isocrates insignis orator licet in rebus verę puręq; religionis hallucinetur & erret

ret, nihilominus tamen in eo, quem de administrando regno composuit, libro, sententiam hanc extulit. Si quę leges erunt aut consuetudines ciuitatis parū rectę, eas tolle ac muta. In his q̄ ad Deorum cultum pertinet, ita facito, quemadmodū est à maioribus præscriptum. Existimes autem nullum sacrificiū pulchrius, nullum esse cultū maiore. quā si teipsum virum optimum iustissimūque præstiteris, siquidem sperandū est hoīes eiusmodi citiūs à Dijs boni quidpiam impetraturos, quā istos, qui multas mactāt victimas. Hactenus Isocrates. Quę sentētia verbis aliquot immutatis additoque interpretamēto, vt cultum Diuinum à maioribus præscriptū à Prophetis & ab Apostolis traditū intelligas, non erit Christiano Principi penitus contemnenda.

VNDE SIGNVM VERAЕ
*religionis ac diuinitus agnoscendē
 sumatur.*

CAP.

XIIII.



LV RIMVM
 Principes ambiguis
 de rebus longas ha-
 bent ac difficileis de
 liberationes: puta de
 bello gerendo: de in-

staurāda religione: atque id genus alia:
 vt & hodie videre est, in hac præsertim
 & religionis & doctrinæ causa. Nam
 cū iam per Europam ferè totam varias
 de primarijs Christianæ religionis ca-
 pitibus inuulgari audiant opiniones, at
 que hanc huic, aliam alij arridere, verē
 tur illicò ne in aliquem errorem incur-
 rant. Nonnulli sunt, qui bella pertime-
 scant: Alij sic inquiunt. Libenter sanè
 certum aliquod signum nobis exhibe-
 ri vellemus, per quod veram doctrinā
 à falsa, veros Prophetas à mendacibus,

vera

vera demum miracula ab adulterinis discernere liceret, vt ex impedito hoc labyrintho tandem extricaremur. Ego vero, qui veritatem ipsam non magistratibus tantum, sed cunctis pariter hominibus notissimam esse percipio, pro viribus conabor huius agnoscendæ signum sacris è scriptis eductum sic in medium proferre, vt his, quoniam videtur æqua postulare, fiat satis. Principio igitur sciendum est, Deum optimum maximū suis è voluminibus hoc ipsum signum nobis ostendere, quum per Mo- *Deut. 13.* sem ita loquitur. Si surrexerit in medio tui Propheta, aut qui somniū somniet, dederitque tibi aut signum, aut portentum, eueneritque signum & portentum, quod prædixerit tibi: Atque is dixerit, Eamus post Deos alienos, quos non nostis, & colamus eos: non obedies verbis prophete illius, aut somniatoris illius: quia tētat Dominus Deus vester vos, vt sciat, an diligatis Dominū Deū vestrum toto corde vestro, & tota anima vestra. Post Dominum Deum ve-

strum ambulabitis, & illum timebitis, ac præcepta eius custodietis, vocique eius obedietis, atque illum coletis, eiq; adhærebitis. Concludit ergo Deus illa solûmodo, quæ suû comprobant verbû vera esse miracula. Verû è contrario illa esse falsa, quæ per aliquẽ (quicûq; ille sit) fiant, qui sua deinde nos doctrina velit à veri Dei cultu, religionẽq; remouere. Quin hunc adeò non esse audiendû, vt ne Aue quidẽ illi, quod Ioannes ait, dicendû sit. Quod etiã firmari potest aliquot authorum diuinorû sententijs. David Propheta Regius ait: Verbû Domini manet in æternû. Inde Moses & Solomon inquirunt. Non addetis ad verbû, quod ego præcipio vobis, neque diminuetis ex eo vtcustodiatis pcepta Domini Dei vestri: q̃ ego p̃cipio vobis: Itẽ alibi Moses, Nõ facietis iuxta omnia, quæ nos facimus hîc hodie, singuli quicquid rectum est in oculis suis. At Solomon subinfert: omnis sermõ Dei purgatus, clypeus est sperantibus in se. Ne addas verbis eius, ne forte increpet te, & mendax deprehendaris. Vult itaque Deus

*Deut. 4.
Prou. 30*

Deut 12.

verbum suū in tenebricōso vitę huius
 itinere pedibus nostris lucernam esse,
 non eam quidē quę fatuis, sed quę
 prudentibus virginibus detur, vt sancti
 spiritus oleo perfusa, nps ad bonorū
 operum cursum peragendum illumi-
 net. Idcirco ne cęcutire contingat, alio
 loco nos admonet Moses. Ponite, in-
 quiens, verba mea hęc in corde vestro *Deut. 10.*
 & in animo vestro, atque ea ligate in si-
 gnum in manu vestra: sintque vt fron-
 talia inter oculos vestros: Et docete ea
 filios vestros, vt loquamini de eis quū
 sedebis in domo tua: & cum ambulabis
 per viam: quūque iacebis in lecto, &
 quū surges. Scribes quoque ea in postis
 domus tuę & in portis tuis. Et quę
 his addūtur ad idē faciētia. Est igitur ab
 hoc Dei verbo tanq̃ à Lydio lapide, fal-
 sorū miraculorū, falsęq; doctrinę petē-
 da cognitio: sed & pseudoprophetarū
 spiritus, & fallendi artes inde pote-
 runt facile ꝑcipi, quemadmodum in
 veteri testamento huiusmodi pseu-
 doprophetę statim cognoscebantur,

quum populo persuadere tentabant
 vt, quod eodem verbo Dei prohibetur,
 Deos alienos adoraret. Christus itidē,
Matth. 5. in nouo testamento non patitur vnum
 vel ex minimis præceptis legis diuinæ
 solui. Ioannes quoque suę Apocalypsis
 vltimo capite sic inquit: Contestor cui-
 uis audiēti verba prophetię libri huius,
 si quis adiecerit ad hæc, imponet Deus
 super illū plagas scriptas in libro isto.
 Et si quis abstulerit ex verbis libri pro-
 phetiæ huius, auferet Deus partem
 eius è libro vitæ, & ex vrbe sancta, & ex
 ijs, quæ scripta sunt in libro isto. Quū
 animaduerteteret Paulus Apostolus nō-
 nullos esse, qui nuntiatum abs se Euan-
 gelium quærerent immutare, Scripsit
Cap. 1. Galatis in hæc verba. Miror quòd ita
 citò, deserto eo, qui vocarat vos in gra-
 tiam Christi, transferamini in aliud E-
 uāgelium: quum nullum sit aliud: nisi
 quidam sunt, qui turbent vos, & velint
 inuertere Euangelium Christi. Sed e-
 tiam si nos, aut Angelus è cœlo. Euan-
 gelizet vobis, præter quod Euangeliza-
 uimus

uimus, vobis anathema sit. mox eadem
 repetit: vt rem esse maximi momenti
 non dubites. Insuper Ioannes Aposto-
 lus quomodo probentur spiritus an ex *1. Ep. cap. 4.*
 Deo, an ex Diabolo sint, in prima abs
 se conscripta epistola nobis ostendit, &
 qui non confiteatur Iesum Christum in
 carnem venisse, hunc Antichristum
 esse commemorat. De quo similiter Anti *2. cap. 2.*
 christo Paulus Apostolus oratione be-
 nè longa suos Thessalonicenses admo-
 nuit. Hoc idem Aeneas Syluius, qui po-
 stea Pius Papa cognominatus est, suis
 in Cronicis fecit, Verborum autè ipsius
 relatione hìc supersedeo, tum ne sim
 æquo prolixior, tum verò quod ex se-
 ipso liceat id petere, cui libeat. Porro
 propheta Daniel multa recēset & ipse
 eodem hoc de Antichristo Capite ni-
 mirum octauo. Cui non minus aptari
 posse videntur ea, quæ de Rege Tyri
 habetur apud Ezechielē, Cap. vigesimo *2. Cor. 11. 1*
 octauo. Qui ergo huic Antichristo ser-
 niūt ipsius caractere insigniti, eos Pau-
 lus verus Apostolus Pseudoapostolos,

1. rap. 4.

Cap. 2.

operarios dolosos, in apostolos Christi
 se quemadmodum Satanas in lucis An-
 gelum trãssformãteis recte vocat. Qua-
 lẽ autẽ doctrinam etiam habeant. Idẽ
 Paulus Timotheũ suũ admonet his
 verbis: Spiritus certò loquitur, quod in
 postremis temporibus deficient quidã
 à fide, attendentes spiritibus impostori-
 bus, ac doctrinis damoniorũ per simu-
 lationem falsiloquorum, cauterio no-
 tatam habentium propriam conscien-
 tiã, prohibentium contraherẽ matri-
 monium, iubentium abstinere à cibis,
 quos Deus creauit ad sumendum cum
 gratiarũ actione fidelibus. Eadem quo-
 que de re scribit ad Colossenses inquiẽs
 Ne quis vos iudicet in cibo, aut potu,
 aut in parte diei festi, aut nouilunij, aut
 sabbatorũ: quæ sunt vmbra futurorũ,
 corpus autem Christi. Et paulò post.
 Si mortui estis cum Christo ab elemen-
 tis mundi, quid quasi viuentes in mun-
 do decretis tenemini? Ne tetigeris, ne
 gustaueris, nèque contrectaueris: quæ
 omnia ipso pereunt vsu, iuxta præce-
 pta

pta & doctrinas hominum: quæ verbó
 tenus quidem habent speciem sapien-
 tiæ per superstitionem & humilitatem
 animi, & læsionem corporis, nō per ho-
 norē aliquem ad expletionem carnis.
 Præterea Matthæus Euangelista Pseu-
 doapostolos hos, qui Christi Regnum
 imminuere quærunt, hoc sermone, de
 Antichristi persequutione loquens, no-
 tat: Tunc si quis dixerit, Ecce hic Chri-
 stus, aut illic, ne credatis. Exorientur e-
 nim pseudochristi, & pseudoprophetæ
 & edent signa magna, & prodigia. Et
 q̄ sequitur. Quod vero ad christianæ
 religionis attinet sacramenta, cordatus
 Princeps haud difficulter obseruare po-
 terit, an ad institutum diuinum admini-
 strentur in Ecclesia Dei, nec ne, cogno-
 scer in super an mutilata, an aliqua re
 extraria sint aucta. Idque fieri precipuè
 in Baptismate atque in cœna domini-
 ca valebit, quam in suis ipsius comme-
 morationē seorsū celebrandā Christus
 instituit. Ex his quæ hætenus dicta

Math. 23

*Rom. 8.**1. Cor. 2.**Cap. 50.*

sunt, arbitror posse Lupum ab oue, & pastorem ab impostore discerni. Nam si Paulus apostolus asserit, non esse Christi, qui spiritum Christi non habeat, necessario sequitur, qui habeat, membrum esse corporis ipsius Christi, quod ipsius item spiritu sic vegetetur, ut nihil dicat, aut faciat, nisi quod idem Christus dicere ac facere illum velit. Qui spiritu mundano reguntur mundanam itidem sequuntur & sapientiam, & doctrinam: sibi que ipsis viuunt, & non Iesu Christo. Paulus apostolus non humani, sed diuini spiritus apportasse sapientiam suis Corinthiis attestatur, ut fides & religio Christiana non hominum sapientiae, sed potentiae Dei penitus innitatur. ipse etenim Christus Dei sapientia Ecclesiae suae fundamentum est, ac tale quidem, ut praeter ipsum nemo possit aliud ponere. Cui si principes inharebunt, ex ijs erunt, de quibus Esaias ait. Ecce tollam ad gentes manum meam: & ad populos signum meum erigam: & afferent tibi filios in gremio: & filiae tuae in humeris portabun

portabuntur. Eterunt Reges nutricij
 tui & Reginæ nutrices tuæ. Quibus *Præcipuum*
 ex verbis quod præcipuum Christiani *Christiani*
 Principis officium sit, expresse colligi- *Principis of*
 mus, nempe vt superna sapiëntia & pru- *ficiunt.*
 dentia illustratus, ex animo syncerum
 Dei veri cultum & erigat, & conseruet
 erectum. Id quod in ipsius Dei gloriã:
 Principis autem ac populorum salutẽ
 omnino cedit.

OMNIA PRINCIPIS A-

*pienter ac religiose disponenda: vt suã
 ditionem ab hostibus tutam reddat.*

C A P. XV.



DISPOSITIS re-
 bus, quæ ad veram
 religionem & incõ-
 taminatum Dei cul-
 tum pertinent, cõ-
 modius multò pote-
 rit Princeps, quæ ad stabiliendum hæc
 suum dominatum faciant, præparare,
 diuinæque sapientia ducẽ non sua tan-
 tum cõseruare, sed aliena quoque quo

ties id iure liceat ingeniose ac fortiter
 inuadere. Quamplurima referuntur in
 hanc sententiam à sapientissimo Solo-
 mone suis in voluminibus, quę inde pe-
 ti maximo cum fructu valebunt. Nos
 contenti erimus aliquot hęc huius rei
 sacris è literis exempla proponere. Vn-
 de sapientiam viribus etiam præstare
 tam in Principibus, quàm in priuatis
 hominibus apertissimè patebit. Abra-
 ham⁹, paruis instructis copijs, quinque
 Regum sapiēter inuasit, ac delevit ex-
 ercitus. Iacobus Esau fratris furio-
 sam rabiem sapientissimè datis muneri-
 bus vicit. Simul sapiens & animosus ex-
 titit Aodus Geræ filius qui Eglone Re-
 ge clàm interfecto Israeliticū populū à
 seruitute liberauit. An nō etiam diuinū
 consiliū Gedeoni reuelatum & sapien-
 tē illum in: eligendis militibus suis, &
 fortem in superandis hostibus effecit?
 Ingeniosa quoque prudētia fuit in Mo-
 sis matre ad seruādū filiū, vt & in respō-
 so, qđ obstetricēs Aegyptiæ Pharaoni
 dederunt. Ad hęc Debora, Barachi, &
 Iahe

Iahelis egregia facinora nonne indicat
 sapientiam esse multò fortitudine po-
 tiorem? Quid inexperti milites, quid in-
 sipiens Imperator in pertractandis ar-
 mis habebunt roboris? quum frequen-
 ter accidat ut parua manu ingens in fu-
 gā vertatur exercitus. Plurimi est etiā sa-
 piētia tā in cōstruendis, quā in defen-
 dedis propugnaculis, arcibus, castellis,
 atque alijs id genus bellicis munitioni-
 bus: praterquā quod eadem sapien-
 tia nonnunquam vrbeis etiam ex maxi-
 mis periculis minimo negotio vindicat.
 Id quod in Abele oppidi obsidione per *2. Reg. 20.*
 sapientissimam mulierem factū fuisse
 compertum est. Eodem modo Iudith *Cap. 13.*
 honestissima femina prudentissimo
 consilio Betuliam urbem Holopherne
 obtruncato ex imminentis ruinæ supre-
 mo discrimine liberauit. Principes ergo
 Rerūque publicarum administrato-
 res hac superna sapientia præditi, quò
 se magis esse Deo curæ cognouerint,
 eò maiorem adhibebunt ipsi curam, ut
 omnia quæ tam ad populos, quā ad

loca sibi subiecta tutò conseruanda necessaria sunt, optimè disponantur: ne Deū ipsum videantur, spretis eius auxilijs pertentare. Cæterum quanquam non omnino contemnenda ducimus, quæ ab Homero, Platone, Aristotele, atque alijs huiusmodi authorib⁹ in hâc materiem conscribuntur, Christiano tamen Principi sacrorum voluminū authoritas in vniuersum approbanda est. Quamobrem etiam ex ijs proponet sibi Iosaphat ū Regem imitandum. qui licet pius esset ac sapiens, Deūque sibi ipsi fauere minimè diffideret, nihilominus cuncta, quæ ad regnum tutandum oportuna esse iudicauit, summo studio comparare non destitit. Sic inquam, vt de ipso scriptum sit. Fecit Iosaphatus præclara opera in vrbibus Iehuda: & habuit milites fortissimos, heroas in Ierusalem. Et quæ in eandem sententiam permulta inibi recitantur. Davidē quoque sanctissimum Regē sibi ob oculos ponet: qui quāuis vni Deo suis in grauissimis afflictionibus inhæreret, non pro-

1. Para. 17.

pterea tamen cessauit egregios Duces robustissimamq; militiã sibi ascribere, quò validius defendere suam ditionẽ hostibúsque inferret acrius ad iussa diuina bellum. Nã quũ nobis incerta sint & pacis & bellorũ tẽpora, necesse est vt semper ad manũ sint parata quæcũque ad vtriusque temporis oportunitatem faciant. Porro quamplurimis alijs, qui poterant hĩc recenseri, prætermisiss du cibis eximiisq; viris, ad ipsum Iosaphatum reuertamur, vt viuum exemplũ inde & fortitudinis, & fidei sibi sumant principes. Is nanque quum Moabitę atque Ammonitę simul innumera bilibus copijs inuaderent eius regnum, primò sese cum vniuerso populo supplex ante Deum prostrauit, humillimisq; precibus eidem causam hanc bellicam certas patriæ ruinas minitantem cum fiducia commendauit: deinde suis itidem copijs quàm optimè potuit, instructis, factus hostibus obuiam signa collaturus erat, exercitu prius adhortato, vt ingentem illam multitudinẽ non

2. Para. 20

timerent, sed vni tantum Deo victoriae
 auctori ex animo fideret. Verum ut ac-
 cessit, comperit hosteis mutuis vulneri-
 bus seipsos confecisse. Iam quis non lau-
 det etiam Iosephi sapientissimum confi-
 lium? qui septem annis penuria laboran-
 tibus Aegyptijs tam prudenter succur-
 rerit? Sed enim esto, non sint nostra te-
 pestate Duces, Principes, ac Reges Ho-
 nieli, Gedeoni, Dauidi, Iosaphato, piis-
 que alijs ac religiosis veteribus, qui po-
 pulis potius quam sibi viuebant, similes:
 At saltem antiquorum partim Græco-
 rum, partim Romanorum & Regum,
 & Imperatorum qui patriæ salutem
 suis commodis prætulere, civilis prudē-
 tiæ vestigia sectarentur: nec dominandi
 tantum libidine arderet, nec aliena quo-
 iure quaque iniuria inuaderent, nec de-
 nique tyrannidem in suos exercerent:
 ut non paucos nunc facere cōspicimus
 & experimur: ut interim nihil dicam de
 nonnullorum deliciosa, vitiosaque vi-
 ta: quos tantum abest, ut Codros, Epa-
 minundas, Brutos, Decios, aliosque
 quam

quàm plurimos & pietate & prudentia
 & fortitudine præstantissimos viros
 æmulètur, quàm potius vt Sardanapali quàm
 Catones haberi malint. Verùm his hìc
 prætermisissis, ad institutum redeo. Post-
 eaquàm Principes quæ supra dicta sunt,
 per seriem disposuerint omnia, reliquum
 ipsis est, vt cum pluribus alijs Principi-
 bus ac rebus publicis inire quærant cer-
 ta fœdera, vnde militeis auxiliares, co-
 meatuum copiam, itinerum commodi-
 tatem pro tempore facilius nanciscan-
 tur. Quod si tanta omnino Principum
 aliquorum animos bellandi cupido in-
 cesserit, vt ab armis abstinere non va-
 leant, in Turcas potius iniuste regio-
 nes Christianorum detinenteis feran-
 tur: Expeditioneque huiusmodi suam
 industriam, suâsque vires ostendent,

PRINCIPEM DEBERE
*iudices ac ministros ad sacræ scriptu-
 ræ præscriptum ordinare: vt ex opti-
 ma illorum administratione sibi glo-
 riam paret: simulque pastorum: qui
 suis præsumt Ecclesijs, curam habere.*

CAP. XVI.



QUONIAM vbiq;
 locorum inter morta-
 leis frequenter exo-
 riuntur iurgia, contē-
 tiones, rixæ, lites, ho-
 micidia, & eiusdem
 generis alia permulta delicta, tum ciui-
 li, tum criminali iudicio pertractanda,
 neq; Princeps per se potest hæc omnia
 præsens expedire, singulis in vrbibus, di-
 tionisq; suæ locis alijs ordinarios con-
 stituet magistratus, illis ornatos doti-
 bus, quibus eos esse præditos debere di-
 uinæ requirunt literæ. Propterea quod
 quicquid ex ipsorum magistratuū ad-
 ministratione vel bona, laudis, vel ma-
 la,

la, vituperij resultat, id fermè totum
ad Principem, tanquam ad caput, refer
ri solet. In iudiciis igitur cæterisque
Ministris præficiendis ipse Princeps *Exo. 18.*

nullam poterit meliorè formam sequi,
præ ea quâ Ietro Mosi genero suo aliàs *Boni Iudi-
cis partes.*

tradidit. Nam seliges, inquit, ex omni
populo Viros fortes, timentes Deum,
Veraceis, auaritiâ odio prosequēteis,
instituesque illos, vt iudicent populum
omni tempore. Omnem vero rem gra-
uem, quæ inciderit, ad te referent: res
autem paruas iudicent ipsi. Moses itaq;
consilio soceri prudentis obsequens,
conuocata ad concionem multitudine
collegas ad politicam administrationē
sibi asciturus, ait: Adhibete ex vobis sa-
pienteis, prudenteis, & spectatæ integri-
tatis Viros, secundum tribus vestras,
moxque iudiciis constitutis inquit:
Audite causas inter fratres vestros, &
iudicate iustè inter virum & fratrem
eius, & inter peregrinū eius: nō agnosce-
tis facies in iudicio: vt paruum sic ma-
gnū audiatis, nec quenquā mortalē for-

midetis: Iudicium enim hoc Dei est. om-
nem vero causam difficilem ad me re-
feratis, quam ego audiam. Ideoq; Prin-
ceps non grauabitur maximi momenti
causas, puta religionis, homicidiorum,
Viduarũ, item orphanorum, ac pereгри-
rinorũ quos peculiariter illi Deus cõ-
mendat, ad se vocare: vocatas examina-
re, examinatas rectissime cum clemen-
tia expedire. Idẽ efficiant & ipsius iudi-
ces in causis ad seipsoſ attinentibus, vt
æquissimè cuncta regantur. Super om-
nia vero qui Magistratibus præſunt, a-
uaritiã detestantur, ne dum per hanc p-
priẽ tantũ vtilitati suisque cõmodis in-
feruiũt, & sibi tandẽ, & subiectis graui-
ter noceãt: Cuius rei manifestissimũ e-
xemplũ Ioel nobis & Abia Samuelis fi-
lij iudicesq; Israëlis exhibẽt sua rapaci-
tate: quippe q̃ sibi ipsis adeo per hãc ob-
fuere, vt populi tandẽ excitata seditio-
ne, numeris functione sũma cũ ignomi-
nia priuati fuerint. Ergo prudẽter ad-
monet Aristot. in Politicis, cauendũ in
primis esse, ne ex Magistratibus lucra
proue-

1. Reg. 2.

*Arist. cõſi-
liũ in eligẽ-
dis Magi-
ſtratibus.*

proueniant ijs, qui eos gerunt, alioqui
 geminū malū & incōmodū tunc sequi:
 primū fūt auarissimi, & corruptissimi,
 deinde populus duplici discruciat
 molestia. & T. Vespasianus Imperator
 suarū virtutū laudem imminuit hac in
 parte q̃ rapacissimos (quosq; summis
 præficere magistratibus consueuerat,
 vt ipsis tanquā spongijs vteretur. Con-
 tra verò Iosaphatus Rex Moſen excel-
 lentissimū Ducē secutus, præpositos Re-
 gioni suæ Magistratus itā monuit. Di-
 spicite quid agatis, non enim homini
 iudicabitis, sed Domino: qui vobiscum
 est in causis, quas iudicatis. Sit ergo me-
 tus Domini vobiscum: Cauti sitis, & sa-
 tagite, quoniam non est vlla peruersitas
 apud Dominum Deum, vt vel perso-
 nas accipiat, vel munera suscipiat. Ne-
 que mundanæ tantum, sed spiritu alis
 quoque politiæ Princeps rationem ha-
 bere debet. Vt quemadmodum idē Io-
 saphatus Leuitis & sacerdotibus indi-
 xit, inquiēs: Sic agatis in timore Domini
 in fide & corde perfecto: Et omnem

2. Paral. 19

causam, quę venerit ad vos de fratribus
 vestris, qui habitant in vrbibus suis in-
 ter sanguinem & sanguinem, inter legē
 & pręceptum, statuta & iudicia: Admo-
 nebitisque eos, & non delinquent con-
 tra Dominum: neque erit ira super vos
 & super fratres vestros. Sic facietis, &
 nō delinquetis. Itā & Christianus Prin-
 ceps ecclesiasticę politię Ministros vrge-
 re debet, vt suas partes exequantur, &
 quod ad sanam doctrinam, & quod ad
 integram vitam attinet: quò deinde fiat
 vt Principibus ac Ministris idem sen-
 tientibus, atque idem pręstantibus, pa-
 cificę populi ac iustę & pię in Dei cultu
 regantur. Quamobrem vt expeditius
 ecclesiastici pastores iniunctis valeant
 officijs incumbere, curabunt Principes
 honesta commodaquę stipendia illis ex-
 hiberi, quum etiam sacrę literę affir-
 ment dignum esse operarium mercede
 sua: neque alligandum esse os boui tri-
 turanti. Nam veteres quoque Princi-
 pes ethnicos idem suis cum sacerdoti-
 tibus fecisse notius est, quā vt hīc re-

*Principib.
 ecclesiarū
 Pastores
 precipue cu-
 randos esse.*

Matth. 10.

*Deut. 18. &
 25.*

Prim. Cor 9

ferri debeat. Id quod vel ex Genesis quadragesimo septimo Capite comprobatur: Vbi legimus Pharaonem non permisisse Iosepho agros Aegyptiorum penuria laborantium regio nomine cœmenti, vt sacerdotum bona simul emeretur: ne constituto sibiipsis ab Rege demenso priuarentur.

PER PRINCIPES

Vera sapientia præditos optima suis in prouincijs esse Gymnasia constituenda, in quibus omnis generis bonarum literarum Professores existant, qui etiam honorifice ab ipsis Principibus tractentur: nec scientiarum ignorance peccetur.

CAP. XVII.



VT sapiens Rex populos, ita bene doctus præceptor discipulos rectè instituit. Principes igitur ac respublicæ curam omnem adhibeant, vt suis in ditionibus Gymnasia

disponantur : quibus excellentissimi Doctores præsent, Qui tum linguas latinam, græcā & hæbræam, tum libera-
leis disciplinas omneis & publicè & pri-
uatim profiteantur. Adsint & eruditi,
pijque Theologi, qui diuinis volumini-
bus fideliter interpretandis inuigilent:
vt ne qui sunt optimo ingenio torpe-
scant ignorantia. Nam vt Religiones,
itā & Respublicæ sine huiusmodi Ma-
gistris consistere vix possunt. Scholarū
exercitia tam apud Iudæos, quā apud
alias gentes antiquitus floruisse cōstat.

1. Reg. 6. Aegyptij, Palæstinique Sacerdotū ha-
bebant Collegia, vnde dubijs in rebus
cōsilia peterēt: vt sexto capite Samuelis
habetur. Iosephus in libro de antiqui-
tati bus asserit Abrahamū extitisse pri-
mū qui Arithmeticā atque Astrologiā
Aegyptios docuerit. Nā ante aduentū
Abrahami in Aegyptū, hæc Aegyptij
penitus ignorabant. Chaldæos quoque
sua Gymnasia, suosque doctores Princi-
pibus acceptissimos habuisse cōpertū
est. Daniel itē Cap. primo inquit. Rex
præcepit Aspenam magistro palatij, vt

ex Israëlitis & de genere regio, & optimatū pueros omnivitiō carenteis, & formosos introduceret: pueros inquam intelligentis in omni sapientia, & peritos scientiarū, & tenentis artiū principia: quī facultatem haberent in palatio regio ministrandi, quos doceret literas, & linguam Chaldæorum: illisq̃ Rex quotidianum victum constituit de cibo regio, & de vino, quod ipsius cōiuijs adhibebatur. Apud Persas Magi, apud Indos Gymnosophistę summō *Lib. 7.* in precio sunt habiti, Strabo sua in Geographia, Heliopoli domos amplas vidimus, inquit, in q̃bus sacerdotes habitabant. Imo dicūt hāc olī sacerdotū habitationē fuisse hominū philosophiæ & Astronomię deditorū. Nūc is ordo & hoc studiū defecit. Et q̃ sequitur. Leuitas Physicarū artiū peritos extitisse q̃s du *Luc. 13.* bitet: cū videat illos curabiliū & incurabiliū leprarū genera scissē exactē discernere? Peculiares ijs Vrbes Decimæque prouentuū assignabantur, vt literarum studijs liberius vacare possent. Nulla pestis grauior est Regnis, rebusque

*Imperitia
quid effice-
re consueve-
rit.*

Deut. 32.

Cap. 5.

Lib. 2, ca. 6

publicis,quàm ignorantia. Nam quū
in populos hæc dominantur, animos
hominum furore sic interdum exag-
tat,vt rationi penitus vale dicant: Ni-
hil pacta,conuentiones aut leges curat,
fuo tantū fertur arbitrio,benegerēdarū
ferū in scia atque ignara. Conquerun-
tur hinc Moses & Esaias de populi igno-
rantia. Quoniam Gens est, inquit Mo-
ses, quæ perdidit consilia, neque est eis
intelligentia aliqua. O si scaperent intel-
ligerentque hoc, expenderēntque quid
tandem futurum sit ipsis. Esaias autem
ait, Ideo in captiuitatem abiit populus
meus, quod scientiam nullam habet.
Pessimè agitur cum illa natione, quæ
auaritiā ac ventrem loco sibi Deorū
constituit. At multò peius cum ea quæ
suos filios bonis & moribus & literis in-
stitui negligit. Respublicas græcas cu-
rassē diligenter, vt quā optimè erudirē-
tur liberi notissimū est. Ad veritatē itaq;
sibi persuadeāt docti viri. ad disciplinæ
pfectionē duo potissimū requiri: quē ad-
modū Ioseph^{us} annotauit aduersus Ap-
pionem


pionē dicēs: Duo siquē sunt totiūs discipline & moralis institutiōis modi quorū vnus quidē sermone doctōr est: alter verò exercitatiōe morū. Quē quū ita sint, quidā legislatores sentiendi sunt discreti, quōd alterum horum modorum sibi placitum assumentes, alterum reliquerunt. Sicuti Lacedæmonij quidē & Cretes moribus erudiebantur, non verbis. Athenienses verò & penē omnes alij Græci quæ quidem oportet agi, præcipiebant suis legibus. Noster autem Legislator hæc ambo multa diligētia coaptauit: Iussitque filios literis erudiri, ppter leges, & nosse progenitorū actiones, vt imitentur: & quum legibus educati sint, nequē transgrediantur, neque cogitationem ignorationis habere iudicentur. In hunc igitur finem Principes ac Respublicæ Gymnasiorum exercitia collocēt, vt inde discant homines, & quæ fugere & quæ sequi debeant, non tantum ē ciuilis, verum etiam ex ecclesiasticæ legis, diuinæque præscripto. Quod vt commodius fieri posset, Euse-

In quem finem collocanda sint gymnasia.

In Cod. lib. 11. Tit. 18. bius Cæsariensis refert antiquos Imperatores & salarijs, & immunitatibus quamplurimis eos donasse, qui nauiter incumberet in hæc studia. Quos Imperatores si nostri Principes æmulabuntur, non paruum suis prouincijs gloriã è sapientibus viris acquirant.

Q V A N T V M R E F E R A T
ad Regna & ad Respublicas conseruandas optimos habere Consiliarios in humanorum negotiorum quouis genere versatos: Quibus tamen vt non numium concedendum, sic non omnia, quæ designantur, concedenda sunt.

C A P. XVIII.

 O N S V E V E-
 runt peritiores Architecti sublimioribus colūnis firmas baseis solidasq; subijcere, vt ingentium ædificiorum grauiâ pondera sufferre valeant

valeant. Quū igitur nulli magis quā
 Principes, vrbiūmq; rectores inter mor
 taleis emineant, onerāque maiora susti
 neant, æquum est, optimos illis Consi
 liarios adhiberi, quibus haud aliter quā
 stabili fundamēto nitātur, causāsque tā
 ad Regnū quā ad religionē pertinēteis
 æquissimè disponāt. Seligēdi autē erunt
 ad id officij varijs è nationibus viri sa
 pientes & cordati, & qui in omni nego
 ciorum genere versati sint: vt omnibus,
 quę incidēt, rebus præsto esse & cōsilio,
 & auxilio valeāt. Hominum mores no
 rint, quibus cum aut ineunda pax, aut
 bellum gerendū sit: quæ loca syluestri
 āne an domestica inhabitēt, quibus vi
 titent cibis: & quo pacto possint in fœ
 dus ac societate commodū trahi. Præ
 terea Iurisperitos, Rhetores, Dialecti
 cos, Arithmeticos, Architectos omnis
 que generis artifices curabūt Principes
 & Respublicæ suis in Ditionibus esse
 frequenteis: Quoniam horum omniū
 opera sæpius in pertractandis ad impe
 rium facientibus negocijs opus habēt.

*Quales esse
 Consiliarij
 debeant.*

Et

Et quanuis eorum aliqui nonnunquā
humilioris conditionis existant, non ta-
men dedignabitur Princeps ipsos, quo-
ties necessitas postulabit, consulere: il-
lisque animum præbere, vt quod sen-
tiunt, liberè loquantur: ne forte timore
præpediti, consilium aliquod optimum
aliquando reticeant. Per os enim peco-
rum pastoris Amos, immo & per asinæ
Balaami loquitur interdum Deus. Ci-
uitatum itē senatus idem efficient. Nā
cū hominum opiniones non minus
quàm eorum facies diuersæ sint, fieri
potest, vt ex variarum collatione sentē-
tiarum oportunum aliquod emergat
consilium. Alios etenim melius quàm
nos ipsos cōtemplamur. Isocrates mo-
nuit suum Regem, quales esse debeant
consiliarij, sic inquit: Fidos existima,
non qui, quicquid dixeris, fecerisue lau-
dant: sed qui errantem increpant. Per-
mitte prudentibus liberè loquendi fa-
cultatem, vt si quid extiterit, de quo am-
bigas, habeas cum quibus rem expen-
dere possis. Qui tibi arte adulantur di-
scern

scerne ab ijs qui te cū beneuolentia cō-
 lūt, ne potior sit malorū, quàm bonorū
 cōditio. Ausculta quæ loquūtur ali' vi-
 cissim de alio, dans operam, vt noris, &
 qui sint, qui loquuntur: & de quibus lo-
 quuntur. Insuper obseruabit Princeps
 ne suas res omneis cum omnibus confi-
 liarijs communicet: sed pro rerum ipsa-
 rum qualitate hanc vni, alteram alteri
 concedat: præsertim verò qui secreta
 seruare norint. Sapiens nanque ait: Ne
 aperias consilium tuum cuius homini:
 Ne cum fatuis cōsiliū habeas: Fac vt
 beneuolos habeas multos: At vnum de
 mille consiliarium. Initium omnis ope-
 ris sit ratio: & consiliū præcedat omne
 negocium. Non erunt igitur tam prin-
 cipes quàm cōsiliarij decernendis in re-
 bus præcipites: verum si tēporis adsit cō-
 moditas, res ipsas determinare aliquan-
 tulum differāt: quod frequēter eueniat
 vt cū tēpore noua iudicia, nouique dis-
 cursus exoriantur. In primis autem sese
 princeps ad Deū cōuertat, obnixis pre-
 cibus ab illo petēs, vt nō nisi qđ ipsi pla-

*Temporis in
 consulendo
 obseruanda
 comoditas.*

ceat, fieri permittat. Hic imitetur (vt veteris Romanos, gentesque alias prætereâ, qui sua numina difficilibus in rebus cōsultabāt) imitetur inquā Israeliti cos Reges pios quidē illos ac sanctos, q̄ priusquā alicuius momēti quicquā decernerent, oraculū diuinū adire consueuerāt, vt ad eius responsum oīa peragerēt. Ecclesiasticus omneis adhortatur, vt ne qd incōsultē faciāt, ne facti eos pœniteat. Neq; vnquā adhibeāt Principes & magistratus in cōsiliū adulatores, ambitiosos, inuidos, aut eos, q̄ vt vitijs faueāt, qui tollēdi è republica sint. Proin-

Cap. 37. de idē Ecclesiastic⁹ ait: Ne consultes cū eo, cui suspectus es: nec inuidētibus tibi cōsiliū aperias. Omnis cōsiliarius extollit cōsiliū suū: sed sunt qui suā in rē cōsulant. Caue tibi ipsi à Cōsiliario: & cuius indigeat ipse rei pri⁹ cogita: Nam ipse sibi cōsulet, ne quā obuentionē omnetur tibi, rectūque dicat esse tuū institutū, atque interim ex aduerso spectatorē euētus tui se cōstituatur. Ne cōsultes de religione cū irreligioso: dei iustitia

Cum quibus non cōsultādum,

cum

cū iniusto, cū muliere de pellice ipsius,
 de bello cū meticoloso, de permutatiōe
 cū mercatore, de venditione cū emptore,
 de gratulatione cum inuido, de humanitate
 cū immani, cū pigro de quouis opere,
 cū annuo mercenario de consumptione,
 cum seruo ignauo de opere multo,
 cū his inquam ne qua cōsilia
 consocias: SED FREQUENTES VIRUM
 PIVM QVEM NORIS OBSERVANTEM
 PRAECEPTORVM DOMINI: Cuius ad ingenium
 tuus accedat animus, & quem, si lapsus fueris,
 tui cōmiserescat. Cāterū super his omnib'
 inuoca Altissimum, vt instituta tua
 dirigat fideliter. Porro q̄a principū
 nō est prācipuū munus thesauros iniuste
 à populis extorros reponere, sed potius
 ipsos populos grauaminib' exonerare,
 quę pauperes opprimūt, impingūt
 diuites, adsciscant sibi Consiliarios ipsi
 Principes, quorum admonitione superfluos
 ab Aula sumptus & curarū inhonestatē
 amouere, victūque decentē introducere
 studeant. Ad hęc tales sint

Consiliarij, vt in Principum ac populorum
 dissijs componere potius res cō-
 trouersas quàm bella nutrire quærāt.
 Ad nullam prouinciam, quam perficere
 posse non sperent, apponāt manum:
Luc. 14. sed Christi Iesu sibi proponant admo-
 nitionem, qui ait: Quis est ex vobis, qui
 velit turrin ædificare, quin prius sedēs
 compuet sumptus, an habeat, quibus
 opus est, ad perficiendum? ne postquā
 posuerit fundamentum, nec potuerit
 perficere: omnes, qui viderint, incipiāt
 illudere ei, dicentes: Hic homo cepit æ-
 dificare, & non potuit consummare;
 Aut quis Rex proficiscens, vt commit-
 tat prælum aduersus alterum Regem
 nonne sedens prius deliberat, an possit
 cum decem millibus occurrere ei, qui
 cum viginti millibus venit contra se? A-
 lioqui adhuc illo longe agente, legatio-
 ne missa, petit ea, quæ pacis sunt. Quid?
 An non & M. Tullius licet Ethnicus in
 suis officijs rectè monuit, inquit: Om-
 ne illud honestū, quod ex animo ex-
 celsio, magnificoque quærimus, animi
 effici

efficitur non corporis viribus. Exercedum tamen corpus, & ita efficiendum est ut obedire consilio rationique possit in exequendis negotijs, & in labore tolerando. Honestum autem id, quod exquirimus, totum positum est in animi cura & cogitatione. In quo non minorem utilitatem afferunt, qui togati reipublice præsunt quam qui bellum gerunt. Itaque eorum consilio sæpe aut non suscepta bella sunt, aut confecta: nonnunquam etiam illata. Ut M. Catonis consilio bellum punicum tertium, in quo etiam mortui valuit autoritas. Quare expetenda quidem magis est discernendi ratio, quam decertandi fortitudo. Sed cavendum est, ne id magis fuga bellandi, quam utilitatis ratione faciamus. Bellum autem ita suscipiatur, ut nihil aliud quam pax quaesita videatur. Fortis autem animi & constantis est, non perturbari in rebus asperis, nec tumultuante de gradu deijci, ut dicitur: sed praesentis animi uti consilio, nec à ratione discedere. Quam hoc animi, illud etiam ingenij magni est percipere cogitatione futura: & aliquam

to ante cōstituerere quid accidere possit
in vtrāq; partē, & quid agendū sit, quū
quid euenerit: nec committere aliquid
vt aliquando dicendū sit: Non putaram.
Hæc sunt opera magni animi, & excel-
si, & prudentiæ consilioque fidentis.

Cedāt arma togæ, cōcedāt laurea lin-
guæ. Vt itaq; per prudētes & experiētes
Viros bella, quoties op^{us} est, oportunè ge-
runtur: Itā p^{er} eosdē sapiēsimè pax viget:
Quū ex opposito p^{er} imprudētes & inex-
pertos etiā trāquilla omnia disturbētur.

*Non esse ni-
mū Consi-
liariis tribu-
endum.*

Ad illud insup^{er} aduertat animū Prin-
ceps, vt ne suis Cūsiliarijs nimīū, tribu-
ens, adeo illos audaceis efficiat, vt sua
ipſius bonitate demū abutātur, atq; sua
rū hāc faciāt p^{re}textū rapinarū. Etenim
sunt ex ijs, q^{ui} cū Principē nihil aliud quā
quod ipſi cōsulant, agere cōspexerint, p^{er}
hāc occasionē nō iam Principi, sed sibi-
ipſis cōsulant: nec publicæ vtilitati, sed
propriæ auaritiæ seruiāt. Inde fit, vt bo-
nis alienis inhiantes, vndecūq; sibi diui-
tias corradere studeāt, etiā per eorundē
bonorū iniustā confiscationē, ad quam
quocunq; titulo cōficiendā Principē in-

duxerint, vt rapacissimè postmodũ bona ipsa ab eodẽ impetrèt. vt interim omittã plureis alias rationes iniquas quĩ dẽ illas, per quas eodẽ peruenire sine intermissione conãtur. Hinc populorũ exaudiuntur querele, quẽ in ipsius Principis dedecus omninò cedant: nonnunquam etiã in ruinã: vt in Sergio Galba videre est. Cuius tamẽ rei Principes ipsi nullã aliã culpã habet, nisi quod suis cõsiliarijs nimĩ fusi sunt. Qd si semp suspensos illos habebũt, quã eorũ consultationẽ sequi velint, efficiet sanè, vt quotidie meliora cõsilia excogitare ac p̃bere nitãtur. In religionis aut̃ causa Princeps potissimũ diuina cõsulet scripta, neq; eos cõsultores admittet, quorũ interest nullã fieri religionis ipsius institutionẽ. Hi nãq; quũ hac in parte velut amphibia sint animãtia, aut muti erũt, aut nihil boni cõsulẽt: vt de viro quodã docto nostra memoria refertur: qui pãratis iam alis, vt in cœlũ volaret, crumena pōderosi auri p̃eha de collo pēdente detract⁹ est ad inferos. Nouerint cũ Principes, tũ Republicæ durũ asperũque

flagellum suis regionibus imminere, quoties auaros, inuidos, fastuosos, mendacis alijsque omnibus vitijs inquinatos consiliatores habuerint, præcipuè vero qui tales existant, vt falsis ac superstitiosis cultibus religionis faueant; Veris autem & cultibus & doctrinis aduersentur. Atque hæc ipsa flagellorum inflictiō frequenter à Principum Domibus incipiens in populos deriuat: illosque miserrimè aut bellis, aut fame, aut peste, vt cū populo Israëlitico fecit, infestat. O prouinciæ, resq; publicæ infelicis in quibus Achitopheles, Giges & Glaucci. Cōsultorū funguntur officio. Ne vobis quæso tales contingat, quales ij fuerunt, qui Hannoni Regi consuluerūt, vt contra ius gentiū Dauidis Regis legatos, tanquā Exploratores, afficeret ignominia, Vnde bellū ingens ac perniciosum postea exortū est. Nulli Principi Consiliatores eiusmodi obuenant aduersus profugos ob Euangeliū Christianos, qualis apud Regē Assuerū contra Mardocheum inuidus extitit A.

*Pla. 2. de Re
pub.*

2. Reg. 20.

Hes. 2. & 3

man

man. Auertat, quę sua est clementia,
 Deus à quouis dominatu, ne illius Prin-
 cipes approbent insolentiũ iuuenũ stul-
 ta consilia, quemadmoũ Solomonis fi-
 lius Roboam Rex in suã perniciẽ fecit. *2. Reg. 13.*
 Non permittat idẽ, obsecro, Deus aurẽ *2. Paral. 13*
 Principes adhibere, Consiliarijs illis,
 qui persequendo Euangeliũ profiten-
 teis ipsis iniquẽ suggerunt: vt cũ Sede-
 chia Rege factũ est: qui Ieremiam san-
 ctissimũ prophetam ob id in squalidissi-
 mũ carcerẽ coniecit. Hic denique confi-
 derent & reges & reliqui magistratus
 omneis inuidiã sepe ac in maleuolentiã
 sic esse consilijs coniunctã, vt immode-
 ratę suę libidini potius quàm rationi
 satisfacere Consultores quærant: id
 quod in Danielis prophetę causa depre-
 hendi facili potest. Nam qui Regẽ Na-
 buchodonozorẽ consulebant, non Re-
 gis Regniue Salutis vllã rationem ha-
 bebãt, sed suis tantũ inuidis, malignis-
 que cupiditatibus, eo sublato, factũ vo-
 lebant satis. Verũ Deus, qui suos nõ de-
 serit, præsertim innoceñtis, vt adfuit

*Icrem. 38.**Daniel 6.*

præfens Danieli, sic prauos Confiliarios meritis afficiendos pœnis curauit.

QVAM MAXIMAM ESSE

*Principi diligentiam adhibendam,
vt Oratores idoneis conditionibus
præditi eligat. Et quanta ipsorum
Oratorum habenda sit ratio.*

CAPVT. XIX.



Vperioribus capitibus,
Illustrissime Princeps,
vel pro parte saltem indi-
caui, quibus, & quàm va-
rijs pulchrisque eonditio-
nibus inclytum & gloriosum Principē
exornatum esse deceat: & quàm singu-
larem is curam adhibere debeat, vt in
sua ditione Magistratus & reliquos per
seriem ordinet Administros, qui velut
à Capite pendentia membra semper
illi præsto adsint, & in negotijs omnibus
pertractandis, rebusque peragendis ei-
dem

dem subseruiant. Nunc reliquum esse videtur, vt ad hoc ipsum corpus perficiendum suos illi tribuamus & Oratores & Legatos: Quorum opera Princeps vtitur, quoties illi cum Principibus alijs, rebusve publicis de bello, de pace, de societate, seu fœdere, de indi- cijs, de conuentionibus, de cōmeatibus, & sexcentis huiusmodi rebus alijs, agen- dum est. Quales igitur Horum quoque conditiones ac partes esse debeant, quā breuissimè potero iam in medium pro- feram. Potissimum verò tria nobis hîc exponenda suscipimus. Quorum pri- mum est, quanta cura, diligentiaque Princeps in eligendis Oratoribus vti debeat. Alterum, quàm & liberalium artium & linguarum cognitione, quam que ingenuis moribus, heroicisque vir- tutibus exornatum esse oratorem oporteat. Tertium, tantam oratorum ipso- rum habendam esse rationem apud omneis, vt à nemine vno lædendi sint. Quum itaque Principi pluribus de de causis ac legitimis quidem illis ad

alienas conferre sese prouincias neque
 tutum, neque integrū sit, necesse est,
 vt alijs hominibus vtatur internuncijs
 qui sui animi secreta, suamque inten-
 tionē illis indicent, quibus cum ipsi ali-
 quid agendū est. Quamobrē maturo
 consilio sunt eligendi, qui præficiantur
 huiuscemodi officio: quod quidē certe
 cōtinet in se ipsorū Principis ipsius glo-
 riā, tū Prouincię conseruationē, tum de-
 nique prouincialiū omniū salutē. Eligat
 igitur Princeps eū, qui suā ipsius perso-
 nā virtutibus referre valeat: Nam aliun-
 de huic aduentitia bona, vt puta statu-
 ra corporis elegās & procera, sang inis
 nobilitas, officiosum obsequiū aulę præ-
 stitū diu, parū habēt momēti, vt satiffa-
 ciat orator delegatę prouincię, nisi spe-
 ctata comes adsit virtus. Quod si cui
 perpefforū autē laborū ac vigiliarū lon-
 geque seruitutis merces est à principe
 rependēda, muneribus alijs, quę minus
 in se, quā legationes, periculorū habeāt:
 reddēda erit. Viros itaq; taleis ad hanc
 legatinnis Prouinciā sibi requirāt Prin-
 cipes

*Quales eli-
 gendi sunt a
 Principe le-
 gati.*

cipes, qui quæ sunt illis demãdata nego-
cia cū Imperatoribus, Regibus, aliisque
Principibus ptractãda, dignè gloriosè-
que perficiant, & exequantur. Inter eas
autem cõditiones, quas & habere, sem-
pérque secum ferre debet orator, illa *Quæ partes*
videtur esse præcipua, vt illibatam suo *ipsorum Le*
Principi seruet fidem: quam syncerus *gatorum es-*
in eundem amor prosequatur. Etenim *se debeant.*
fides illi tanquam anchora existet, per
quam stabilis factus, nullos aduersan-
tiũ ventorum flatus extimescet, nulla
prosperiore aura cõmouebitur. Amor
autem efficiet, vt quẽ maximè diligit,
minimè velit offendere: quin potius in
illius gratiam, quàm optimè facere o-
mnia summoperè studebit: nihílque a-
liud magis quàm eius gloriam promo-
tã curabit. Hæc porrò præstabit fide-
tas, vt nullo precio, nullis donis corrũ-
pi se sinat Orator, vt C. Fabricius nobis
exemplo est: qui ad Pirrhũ Regem mis-
sus à Romano Senatu, Regis ipsius nec
minis, nec prece, nec precio potuit ab
honesto dimoueri. Qua in re præferen-

duo omnino Demostheni est, qui suam eloquentiam in incommodum patriæ venalem habuit. Procul ergo sit Oratoris animus ab avaritia, ne per hanc cæteras suas virtutes, ac præcipuè liberalitatem cõtaminet. Nã per ipsam liberalitatem non modo aliud oblata contemner, sed sua magis in alios alacri vultu distribuet, vt maiorem inde sibi populorum benevolentiam publicè priuatimque parer, id quod in liberis rebus publicis fieri sane commodius potest. Ad Oratorem spectat insuper; vt longa rerum experientia sagax, cautus circumspectusque sit, vt ne amphibologicis, cauillosisque sermonibus circumuentus in aliquem labyrinthum incidat, vnde illi postea non sine damno ignominiaque exire liceat. Id incommodi Q. Mutius Sceuola prudenter euitauit quum Carthaginenses ad quos missus fuerat à Romanis Legatus, duas illi reselas obtulere, in quarum altera pacis, in altera verò belli signum inscriptum erat. optionemque dederunt, vt vtram mallet, eligeret. Is ambas acceptis illico subintulit: eadē vobis Carthaginenses optio da-

tur, vtrā mauultis habetote. Sic dignitate suæ reipublicæ, quā imminuere Carthaginēses astu voluerāt, singulari prudentia conseruauit intactā. Illud quoque Gn. Pōpilij cōsiliū aduersus Antiochum Regē q̄s nō fateatur prudētissimū extitisse? Nā & is, quū Legat⁹ in Syriā profect⁹ esset, Regiq; Senatus Romani mādata retulisset, cōfestim designato circulo dixit. Hinc tibi Rex exire, nisi pri⁹ mihi respōderis nō licet. Hac igitur importuna quidē illa, sed sapientissima tñ (vt ita dicā) coactione Regē impulit, vt ad Romani Senat⁹ petitionē ac voluntatē se nō amplius infestaturū bello Ptolomæū Aegypti Regē polliceretur: qđ nisi calliditate huiusmodi fuisset vsus Orator, circūueniri facilē potuisset à Rege lōgis ambagibus. Eligāt itaq; Principes ad legationis munus (vt idem sapius repetam) Viros doctrina, ingenij promptitudine, sapientia, iudicio, probitatēque præstanteis, quique, si fieri potest, varias diuersarum gentiū linguas calleant: quibus dotibus esse referros (absit adulatio atque inuidia verbo)

te Princeps optime, illustrissimúmque Cugnetum apud Rhætos alterum, alterum apud Heluetios Gallorum Regis nomine Oratorum officio dignissimè fungenteis, nemo non nouit. At enim quod ad linguarũ peritiam attinet, præterquam quod interpretum, qui non omnia rectè semper aut assequuntur, aut exponunt, euitantur incommoda, si per se potest Orator sui Principis explicare mandata: nonnunquam euenit aliquid Oratorem ipsũ audire, quod scire scribas etiam suos minimè iudicet expedire, & quo de valeat suum postea Principem facere per sese certiore: ut interim taceam Oratoris, q̃ Interpretis efficaciorẽ sermonem esse, atque ad res, de quibus agitur, persuadendas aptiorẽ. Id q̃d in Diogene stoico, & Carneade academico, & Critolao peripatetico, qui ab Atheniensibus ad Senatum populũque Romanum publici negocij causa Legati fuerant, animaduertere possumus. Nã in eo ipso negotio tractando tanta facundia, tantãq; prudentia

A. Gel. Li.

17. Cap. vlt.

dentia seorsum vſi ſunt, vt audienteis
 in maximā inducerent admirationē. li-
 cet nō min⁹ mirū id etiā fuerit, qđ Cæ-
 cilius Senator vnicuique ipſorū tā pru-
 denter, tā eruditē, tā accuratē reſpōdit,
 vtuſumma cū gratia geſt⁹ etiā & actio-
 nes corū inter orandū exprimeret. Iam
 nō & Poëtę nobis Vlyſſem, Menelaum,
 Neſtorē diſertiſſimos proponūt? ac dul-
 ci ſermone ſapius impetrare quod pe-
 tāt? vt vel inde quantū ad ſelectēdos ho-
 minū animos eloquētia valeat palā fa-
 ciant. Quare tria eſſe, quæ Oratori no-
 ſtro potiſſimū habēda ſint, arbitramur:
 videlicet vt optimo atq; exactiſſimo iu-
 diciō ſit: vt faciūdia dicēdīq; gratia pol-
 leat, vt inculpatis ꝓbatīſque moribus
 omnino ſit. Vulgo ſic dici ſolet, ſiquis
 Principē deſiderat agnoſcere, ipſi⁹ Ora-
 tores intueatur, quod aliquam tamen
 exceptionē patitur. Interdum enim vi-
 demus ipſos Principes eſſe ignauos, im-
 peritos, oſorēſque virtutū omniū: è re-
 gione verò ſuos Oratores viroſeſſe ſtre-
 nuos, eruditos, amanteīſque virtutum
 omnium

*Quæ Lega-
 to potiſſimū
 conueniant.*

omniū. Apud Antiquos qui p̄cis cau-
sa mittebantur legati, Caduceatores:
Qui verò belli, feciales vocabātur. Ca-
duceatores autē quod ad ipsos attinet,
propterea dicti sunt, q̄ Caduceo, quē
Mercurij virga erat, ad dirimenda dissi-
diavterētur. Quibus nocere nemini vni
mortaliū fas erat. Fecialiū porrò p̄tes
vt Fenestella tradidit, in eoverfabantur
apud Romanos, vt fidei publicæ inter
populos p̄cessent: Neque iustū aliquod
bellum fore cēsebatur, nisi id per Fecia-
les fuisset indictum. Quæ quidē omnia
non paruum in dedecus eorum Princi-
pum ac rerum publicarum cedunt, qui
sibi ipsis licere putant Oratores aliū-
de missos non admittere, nisi eosdē ipsi
suo arbitratu elegerint, aut petierint. Id
sanē verum est, colendissime Princeps,
cū, qui sit Oratores missurus; taleis de-
bere mittere, qui, quoad eius fieri pos-
sit, acceptissimi sint illis, ad quos legan-
tur: quemadmodum tibi apud magnifi-
cos & excelsos trium Rhætorum fœde-
rum Dominos esse, qui Dei benignitas
est,

est, cōtigit. Xenocratē apud Antipatrū
maiores quā ceteros Atheniensīū O-
ratores gratiā inuenisse fama est, itā vt
per illū quos Rex penes se captiuos ha-
bebat gratis etiā restituerit. Illud hīc o-
biter admonendi sunt ij, ad quos missi
fuerūt Oratores, vt etiā si ex ipsorū prę-
sentia caperēt aliquid molestię, nulla tñ
in re querāt illis officere. Nā pręterquā
q̃ sibiipsis pararet ignominia, si cōtra
ius Gentium id efficerēt, animos insuper
eorū, qui misissent, in sese nō immeritō
prouocarēt: Quicquid enim suis Ora-
toribus factū esset iniurię, id in seipsos
redū dare interpretarētur: atq; ad vindi-
ctā ea de re sumendā se accingerēt. Cu-
ius quidē rei tā in sacris, quā in profanis
hīstorijis magnā habem⁹ exemplorū co-
piā. Mortuo Ammonitarū Rege, quī
eius fili⁹ Hānon ei in regno successisset, 2. Reg. 10.
David vt Hānoni Natliæ filio pro bene-
ficijs, q̃bus ab illius patre fuerat affect⁹
gratiam referret, misit ad eum Lega-
tos, qui cum de Patre consolarentur,
Hannon verō, suis male consulentibus

*T. Liu. Lib.
4. l. Dec.*

id in sinistram partem accipiens, ipsos legatos ignominiosè habitos dimisit: id quod non minimum belli suscitavit incendium. Romani quoque licet alioqui clementes essent, nihilòsecius tamè quum à Laërte Tolumnio Veientum Rege suos oratores Fidenis fuissè turpiter interfectos accepissent, exercitu comparato non ipsos tantū hosteis trucidarunt, sed urbem prius direptam, mox impositis flammis etiam succederunt. Nomina verò legatorum hæc fuerant, nempe C. Iulius Tullus, Lucius Roscius, Spurius Naucius, & Caius Fulcinius: Quib' à Romanis in rei memoriam erectæ statuæ, ad Ciceronis usque tempora, vt contra M. Antonium testatur idem ipse, perstiterè, Corinthū insuper urbem à L. Mummiò fuisse destructam Polybius refert, quòd Achæi Romanorum Oratores aduersus iura Gentium violassent. Neque sibi solum illatas istiusmodi iniurias vindicabant Romani, sed ne suos quidem alijs inferre sustinebant: quodin L. Minutio & L.

Manl

Manlio cernere possumus: Nam quū hi duo Carthaginiensium Legatos opprimere tentassent, à populo Romano Carthaginem missi sunt, vt de illis Carthaginienses arbitrato suo supplicium fumerent, neque cæterorum ciuiliū Romanorum consensu fuisse suis illatā vim existimarent. Cæterum & oratores contrā cauere debent, ne Principes aut Populos, ad quos missi sunt, prauis moribus ad iracundiam prouocent, vt ne quod intriuerint, sibiipsis exedendum sit. Ante oculos habeant, quid Persarū Oratoribus apud Amyntam Macedonum Regem euenerit. Nam cum hos ipsos incontinentissima libidinum omnium mancipia esse Regis filius Alexander obseruasset, illos per occasionē interficiendos curauit. Etenim cum eos lautissimo accepisset conuiuio, iuuenēs aliquot impuberes forma speciosissima præditos muliebris habitum vestis indutos adesse pariter iussit, pugionesque secum sub ipsa veste latitanteis habere. Sed enim Oratores arbitantes

huiusmodi iuuenes puellas esse, confestim earum compta atque eleganti pulchritudine capti sunt. Postea verò quā & epulis, & mero plus quam satis incauerunt, Centaurorum more iuencuculas ad explendam Venerem pertraxerunt. At iuuenes tūc eductis pugionibus illos interfecere. Persarum autem Rex Megabifus audita suorum legatorum occisione, Macedonibus bellum parabat inferre. Verum postquā occisionis ipsius causam intellexit, iure ac meritò exercitum reuocauit. Oratores igitur ijs in locis, vbi ad suorum Principum peragenda negotia commorantur, honestam quietamque vitam viuunt, ne Principibus ipsis infamiam, sibi verò etiam ruinam parent: neve, si aliter vixerint, rumpendorum foederum occasionem præbeant. Etenim altera ex parte Principes videant, ne faciles nimium sint ad remouendos Oratores ex ijs locis, vbi diuturnam illos moram traxisse gratiososque quū
Magistra

Magistratibus tum populis esse cognouerint: Qui nanque substituuntur Legati, nouicij quum sint, ob idque adhuc neque Regum, neque Nationum mores exactè caleant, grauiiores nonnunquam expensas faciunt vt hominum sibi animos concilient. Damni autem huiusce Princeps ipse sibi frequentibus Oratorum mutationibus causa est. Neque enim fieri potest, vt Imperatorum, ac Principum, populorumque naturæ cognitio breui paretur intuitu: longæ opus est consideratione vt horum ingenia dignoscantur. id quod ex variorum collatione sermonum, compluribusque aliis vitæ actionibus obseruatis fieri consuevit. Maior autem difficultas est hoc idem efficere, vbi sunt plures, qui reipublicæ præsent: Nam ferè fit, vt quot sint capita (quod aiunt) tot sint sententiæ. Quamobrem diligens adhibenda est cura, vt quorsum vniuscuiusque natura propendeat, exploretur: quò singulorum beneuolentia

quiri valeat: Quod vnum maximè omnium expetendum ijs esse videtur, qui cum Principibus aut Rebus publicis habent pertractare negocia. Illud postremo summo opere vitent Oratores, ne ijs, apud quos agunt, aut adulationis, aut mendacij, aut alicuius machinationis crimine notandi sint. Omnino satis eisdem ipsis id sit, vt quæ ad sui Principis conseruandam gloriam faciant, fideliter omnia strenuèque procurent. Hic sua cuncta posthabeant commoda, vt liberius exactiusque sui Principis voluntati atque animo satisfaciant: Quemadmodum te Princeps optime semper egisse, hodièque agere comperitissimum est. Qua de causa sit, vt potentissimo Gallorum Regi sedulum tuum officium, fidelisque seruitus adeò grata sint, vt non vereamur, suam Maiestatem, grauib. etiam perpensis laboribus, quos in sui Parentis gratiâ exantlasti, dignioribus esse te & muneribus, & honoribus cumulaturum.

PRINCIPES ALIOS-

*que Magistratus non aliter
quàm in corpus animam de
bere, quod ad regimen attinet,
in subiectos diffundi: Commu
nique semper vtilitati consu
lere.*

CAPVT XX.



T capitis sapientia
totius corporis mem
bra regit, ac nullum
discrimen habens,
quod oculus pede
nobilior sit, omnium
operibus atque officijs, vtitur, singulis
que suum consilium, regimenque im
pertit. Ità & Principis, & reliquorum
Magistratuum iustitia, quæ in sese vir
tutes continet omneis, indiscriminatim
vniuersas ditionis parteis gubernare
debet: & quemadmodum anima tam
totum corpus, quàm totius corporis
omneis artus viuificat: Sic & principis

*Deut. 17.
Cap. 32.*

authoritas cunctis in vniversum sibi subiectis, ac singulatim vnicuique siue sint nobiles, siue ignobiles, siue pauperes, siue diuites, debet adesse præsens: Ita fiet, vt membra omnia suis veluti neruis cōnectantur. Princeps igitur populum benignè complectatur, Vicissim populus Principem reueretur & obseruet: Neque enim expedit, Principem semper esse minacem, asperum, ac superbū, sed magis interdum pro locorum, temporum, ac personarum conditione, placidum se & benignum ac mansuetum præbere. Rector constitutus es, inquit Ecclesiasticus, ne efferaris: sed cæteris te præbeas æquabilem. Habe curam eorum: sic demum reside. Fac omni tuo fungaris officio, & quiesce cum laude. Ceterum neque Princeps, neque Magistratus quiuus alius vnquam sibi laudē parabit, si ex commissi muneris administratione suam potius quàm communem vtilitatem exquisierit: Quin magis inde murmura, tumultus ac seditio nes excitabit in vulgo, qui non æquo

animo, nec lingua tacita id ferre solet.
 Itaque. Qui Magistratibus præfuturi
 sunt, Duo Platonis præcepta teneant, *Que Præcepta Prin-*
 à M. Tullio suis in officijs relata: Quo *cipibus Ma-*
 rum vnum est, vt vtilitatem ciuium sic *gistratib. se-*
 tueantur, vt quæcunque agunt, ad eam *nenda.*
 referant, obliti commodorum suorum:
 Alterum vt totum corpus reipublicæ
 curent, ne dum partem aliquam tuean-
 tur: reliquos deferant. Vt enim tutela
 pupilli, sic procuratio reipublicæ ad eo-
 rum vtilitatem, qui commissi sunt, non
 ad eorum, quibus commissæ est, geren-
 da est. Qui autem parti ciuium consu-
 lunt, partem negligunt, rem perniciosi-
 simam in ciuitatem inducunt, seditio-
 nem atque discordiam. Ex quo euenit,
 vt alij populares alij studiosi optimi eu-
 iusq; videatur, pauci, vniuersorū. Hinc
 apud Athenienses magna discordia: In
 nostra repub. nō solū seditiones, sed etiā
 bella ciuilia pestifera: Quæ grauis &
 fortis ciuis, & in republica dignus prin-
 cipatu fugiet atque oderit, traderque se
 totū reipublicæ: ne que opes aut potētia

consecrabitur, totamque eam sic tuebitur, ut omnibus consulat. Nec vero criminibus falsis in odium aut in inuidiam quenquam vocabit: omninoque iustitiae honestatique adhærescet, ut dum eam conseruet, quamvis grauius offendant, mortem appetat potius, quam deferat, illa, quæ dixi. Hactenus Cicero. Equidem quod ad me attinet, illam ego rem publicam felicem arbitror, quæ ordine tam eleganti, tamque iusta moderatione regatur, quæque taleis habeat administratores, qui duobus his honestissimis, utilissimisque præceptis obseruandis incumbant: Non enim erunt, si id efficient, fautores partium: sed obliti propriam, communem tantum utilitatem curabunt. Atque inde fiet, ut indies ipsa respublica prosperiore successu augeatur. Faxit optimus maximusque Deus, ut Christianarum rerum publicarum Rectores depositis prauis affectibus, temperato diuinæ religionis freno populos moderentur.

VRBEIS ATQVE OPPIDA

*Principibus esse bonis potius legibus
quàm muris ac propugnaculis muniē
da: Principesque ipsos primos esse de-
bere, qui suas Leges Lycurgi more ob-
seruent.*

CAP. XXI.



E ipsa compertū est
nihil tam subiacere
fortunæ casibus, re-
rumque mutationi-
bus, quàm regna,
quàmque respubli-
cas: quarum dominatus frequenter ab
alijs in alios transferuntur. Id quod ple-
runque solet accidere quum ob inordi-
natam magistratus administrationem,
tum ob effrenem populorum licētiam.
His igitur vitijs & Principes, & reipu-
blicæ præfecti seueris æquis, ac sanctis
legibus debent occurrere, vt vel per has
ipsi populi in ordinem redigantur. Iso-
cratis in volumine de administrando
Regno cōsiliū Magistratibus est hac
in parte sequendum, qui ait: Si quæ le-

Isocratis consilium. ges erunt, aut cōsuetudines ciuitatis pa-
rum rectæ, eas tolle, ac muta. Atque in

primis da operā, vt eas quā optimas
excogites. Quod si minus poteris, quæ
apud alios benè constituta sunt, imita-
re. In vniuersum leges conquire, quæ
& iustæ sūt, & rēpublicæ conducibiles
& inter se cōsentientes. Morbis itaque
siue præsētibz seu imminētibz ipsi
Principes optimis institutis eant obuiā.
Nam id prouincijs ac ciuitatibus mul-
tò erit vtilius, quā si castellis, arcibus,
muris, ac propugnaculis inexpugnabi-
lib⁹ omnia ditionis loca munitur. At
que vrbes ingenti militum robore, belli-
cisque genus omne machinis replen-
tur. Quid profit obsecro tutum vndi-
que ab hostium insultibus esse oppidū,
aliquod, intusque alere ciues incompo-
sitos, qui suo tantum arbitratu feren-
tur, nullis legibus, nullisque ordinibus
subiecti viuant? Et sanè quidem præ-
stant munitionibus leges, quod illæ
tantum ab arceant mala: hæ verò præ-
ter id, etiam bona conferant: populos
enim

enim in bonorum morum æquabilitate conseruant, neque permittunt vnumquenque suo viuere modo: sed ipsis transgressoribus minantur debita pro criminum qualitate supplicia: quum interim ex aduerso bonos animent ad meliora subinde præstanda.

Archelaus Milesius Socratis præceptor vitia & virtutes non natura, sed *Archelaus Milesius.*

lege constare dixit: quod non admodum videtur ab Apostoli Pauli sententia, qui peccati cognitionem fieri per legem affirmat. Legibus coercentur homines ne discedant ab honesto saltem extrinsecus, neque naturam vitij obsecatam atque in seruitutem redactam omnino sequantur. Sed per eas non possunt ab ipsa seruitute liberari, nisi diuina (quod Apostolus Petrus ait) intercedente gratia. Leges igitur quæ bonæ sunt & sanctæ, quærunt hominem ad id vitæ genus reuocare, quod præscriptæ ab se virtuti conforme sit. Is autem scribendarum legum modus, tunc

introducitur est, quum ipsius naturæ lex à Deo quōdam mortalibus data, obscurari cœpta est. Etenim tunc ipse Deus per Mosem sanctissimam legem tulit, quæ abditam naturæ vitiositatem in medium proferret, ac redargueret: ut non immerito abierit in prouerbum, bonas leges ex malis moribus procreari. Non est ergo, ut ad Solonem, Principes, aut ad Lycurgum, aut ad alios legislatores gratia condendarum legum accedant: (quanquam ne hos quidem penitus cōtemnendos dixerim) diuinā sequantur legem, quæ sola omni errore caret. De ipso qui hanc tradidit, Mose sic habet Iosephus contra Appionem: Dico igitur nostrum legislatorem quorumlibet, qui memorantur Legislatorum antiquitate præcedere. Lycurgus enim & Solon & Zaleucus Locræsis, & omnes, qui apud Græcos mirabiles sunt, nouelli, atque recentes, quantum ad illum comparati, esse noscuntur: quādo nec ipsum nomen legis, fuisse olim apud Græcos agnoscitur. Testis Homerus est, qui nusquam

Lib. 2.

Cap. 5.

nusquam in opere suo hoc usus est no-
 mine, Non enim secundum legem, sed
 indefinitis sententijs, & Regum præce-
 ptionibus popul⁹ regebatur. Vnde etiã
 multo tempore permansere tantũ mo-
 ribus vtentes & non scripto: & multa
 horum semper secundum euentum ca-
 suum permittentes. Idcirco vera diui-
 nã legis cognitione carentes Græci fe-
 rêdarum legum præcipuis philosophis
 tradidere negotium: qui multa licet ad
 naturæ honestatem ordinarint, in reli-
 gionis tamen causa multum aberrarũt
 à scopo: quod Mosem minimè fecisse
 certum est. Romani quoque leges opti-
 mas non modo suę ciuitati, sed populis
 etiam sibi subiectis proponere cupien-
 tes, S. L. Posthumium, A. Mãmum, & P.
 Sulpitium legatos in Græciam miserũt,
 vt inde gentium illarum statuta Romã
 secum ferrent: vt nō minus adhibitis le-
 gib⁹, quàm expositis armis loca omnia
 imperio suo parentia tutarẽtur. Et quã-
 uis non omnibus omnes leges arrideãt,
 satis tamen est, vt maiori parti satisfa-

*Romanos o-
ptimarũ e-
gum conden-
darum cupi-
dose existisse.
T. Liv. Lib.
ab vrb. cōdi-
ta.*

*De bello
Maced.
Lib.4.*

*Catonis sen-
entia.*

ciant: vt T. Liuius inquit: Nulla lex fa-
tis accōmoda omnib⁹ est. Id modo quæ-
ritur, si maiori parti & in summa pro-
dest. quemadmodū Oppia lex, quæ pō-
pas muliebres atque adeò mundū ipsa
rū mulierū refrænabat, fœminis omni-
no displicuit. Ob quam causam dixisse
Catonē aiunt: Date frenos impotēti na-
turæ, & indomito animali. Cōplureis
itē alias leges atque ordinationes à Ma-
gistratibus Romanis ad malos mores
prohibendos latas fuisse cōstat, quæ no-
mina sortiebātur ab ijs ciuibus, qui pro
tempore publicis fungentes muneribus
illastulissent, vt apud Pomponiū Letū
legere est. Et Principes igitur, & Sena-
tus, & iudices optimas leges habere stu-
deant, vt secundum eas quod æquū est
decernere, quodque iniquum prohibe-
re, aut si ppetratū fuerit, punire queāt.
Etenim tantum abest, vt sine iustis le-
gibus, iustè iudicetur, aut viuatur, vt
tam iudices ipsi, quàm cæteri mortales
omnes prauis affectibus ducti, sua vitia
virtutum nomine cōuestirent. Id quod

in Ty

in Tyrannis cernere est, qui volunt sibi ipsis licere, quod libeat: atque ita superbè pronuntiant: Nos sumus Ius & Lex. & cum Poët a

Sic volo, sic iubeo: sit pro ratione voluntas.

At bonæ leges Aristotele teste, cunctarum virtutum opera iubent: & vitiorum omnium facinora vetant. Hac de causa Magistrat' eidem Aristoteli lex viua est: ac Iudex à nonnullis alijs anima legis vocatur, quia scripturarum iura legum in apertum proferunt, & *Den. 17.* exequuntur. Idcirco iusserat ipse Deus ut suæ legis volumen Rex apud sese perpetuò haberet: neque ab eo vlla in re deflecteret: aut ad dexteram, aut ad sinistram. Ex quibus verbis colligere possumus, cuius Principi iustas leges etiã à seipso cōditas, obseruandas esse, qđ & Plinius iunior nouocomensis in Pannegyrico ad Traianum innuit, inquiēs: Ipse te legibus subieciisti Cēsar, quas nemo Principi scripsit. Sed tu nihil

amplius vis tibi licere, quàm nobis. Sic fit, ut nos tibi plus velimus. Quod ego nunc primum audio, nunc primum discō: Non est Princeps super leges: sed leges supra Principes. Idemque Cæsari Consuli, quod cæteris non licet, iurat in legem attendentibus dijs: Nam cui magis quàm Cæsari attendant? Iurat obseruantibus dijs, quibus id iurandū est, &c. Quid obsecro magis animet milites, quàm ducem videre præeuntem ad certamen? Quid populos quæso disponat magis ad obtemperandum legibus, quàm cernere Principem eisdem obtemperantem? Iniuste præcipitur, quod à præcipiente non obseruatur. Si nāque bonum est quod præcipitur, cur non & præcipienti bonum sit? Locrensem Zaleucum sibi constituent ob oculos Principes, qui, quū suus filius adulterij crimine damnatus secundum ius ab se constitutum utroque oculo carere deberet: ac tota ciuitas virtuti & meritis patris crimen condonaret, ipse sibi non pepercit: Sed duo prius, deinde fi-

Zalenci exemplum.

Va. & Max.

Lib. 7. Cap.

de iniuria.

lij oculo eruto, vsum vtrique videndi reliquit. Præterea T. Manlij Torquati seuerum facinus frequenter Principibus in mentem veniat: qui proprium filium, quod aduersus edictum cōsulare pugnasset, morti traditurus, ita in publica cōcione locutus est. Tu T. Manli neque imperium consulare, neque maiestatem patriam veritus aduersus edictum nostrū extra ordinem in hostē pugnasti: & quantum in te fuit, disciplinam militarem, qua stetit ad hanc diē romana res soluisti: meque in eam necesse sitatem adduxisti, vt aut reipublicæ mihi, aut mei, meorumque obliuiscendum sit, nos potius nostro delicto plectemur, quàm Respublica tanto suo damno nōstra peccata luat. Triste exemplum, sed in posterum salubre iuuentutierimus. Mox subintulit: I, Lictor, deliga ad palum. & cætera quæ *Quales esse debeant leges.* sequuntur. Leges autem ipsæ & breues, & dilucidæ, & communes esse debent, & quæ res omneis inordinatas in ordinem redigant: præcipuè Deum

atque homines offendi prohibeant: modestæ iustæque vitæ sint duces. At enim ad exemplum Lycurgi nihil sanciendum, quod non ab ipso sit Authore seruatum. Quapropter Appij Claudij scelus detestandum est, qui contra legem fecit, quam ipse in duodecim tabulis posuerat.

NON DECERE PRIN

*cipem nimium esse credulum;
sed opus esse ipsum & res, &
rerum causas atque origines
diligenter intueri. Naturam in
super inuidorum obseruare, ne
per illos curare ipsi vel sibi con
tingat.*

CAP. XXII.



On parum commen-
dantur Naute qui qua-
dam dexteritate ven-
torum impetuosos fla-
tus euitantes, nauem
tempestatibus agita-
tam incolumem seruant. Idem suo
modo fieri cum Principibus debet: quo

ties

ties delatorum maledicentia veluti vē-
tis impetuntur. Nanque ab ijs turbini-
bus cautē sese subducant necesse est: si
bonorum Gubernatorum nomen adi-
pisci velint. Non enim qui referunt,
omnibus omnia credenda sunt: quan-
doquidem sepe fit, vt aliqui vel inuidia,
vel odio prosequentes alios Principi-
bus illos etiam falsō deferant: atque ex
musca faciāt Elephantum. Res præter
ea, de quibus eos aut Principibus, aut
Magistratibus alius accusant, verisimili-
bus coloribus itā pingunt, vt vix aliter
fieri potuisse videatur. Hic qui aliis præ-
sunt, esse bene cautos oportet, nec teme-
re statim propositis assentiri, ne nimia
credulitate in aliquē inducantur erro-
rē, Vnde vel vniuersæ reipublicæ, vel
salte aliquot ciuibus perniciēs aliqua
valeat irrogari. Profectō turpe est sa-
pienti dicere non putarā. Nolim tamen
ex aduerso, nimiū quoq; incredulos eos
esse. Verum in ijs omnia recto iudicio
temperari. Necō fidem omnibus delato-
ribus adhibeas, delatos interdum bo-

nis interdum etiam vita crudeliter pri-
 uabat. At contra Cæsar non sustinuit
 credere in seipsum aliquos coniurasse;
 imò ne scripta quidem illorum nomi-
 na legere voluit. Achabus item Michee
 prophetæ monitis credere noluit. Ergo
 moderatè grauitèrque Princeps cuncta
 vestiget, vestigata deliberet, deliberata
 exequatur, quod & Bianti placuisse cer-
 tum est. Neque enim decet, ab ijs, quæ
 maturo semel consilio decreta sunt, le-
 uiter vllorum delationibus aut persua-
 sionibus remoueri, quod quidem in om-
 nibus omnino negotijs tam publicis,
 quàm priuatis, alijsque omnibus causis
 ad Magistratus rei, publicæ admini-
 strationem facientibus habere locum
 debet. Quæ rectè cognoscuntur, peragi
 etiam rectè possunt. Nam M. Tullio;
 cognitionem prudentiamque sequitur
 considerata actio. Omnis autem actio
 vacare debet temeritate. nec verò age-
 re quicquam, cuius non possit probabi-
 lem causam reddere. Omni in re quid
 sit verum videre & tueri decet, & ra-
 tione

*Bianti Pla-
 cium.*

Offi. lib. 1.

tione vti. Contraque falli, errare, labi,
 decipi tam dedecet, quàm delirare, &
 mente captum esse. &c. Quisquis ita- *Magistra*
 que regendorum populorum fungitur *tu fungenti*
 munere, vitiosos omneis affectus animi *bus vitiosos*
 puta iram, timiditatem profusam læti- *affectus esse*
 tiam aliaque id genus permulta dili- *relinquēdos*
 genter vitet: ne temerario præcipiti-
 que iudicio ad causas pertractandas fe-
 ratur. Etenim vt Mimus Publianus ait:
 In iudicando criminosa est celeritas.
 Isocrates itidem suo Regi sic inquit
 Considera semper quid vel dicas, vel
 facias, vt in errata quamminima inci-
 das. Porissimum quidem est ipsum re-
 rum punctum attingere. Quàm verò
 noceat, ac sit iniquum de te parum co- *Gen. 38. 39*
 gnita ferre iudicium, & Iudæ sua de *3 Reg. 21.*
 nuru Thamar, & Pothipharis de Iose-
 pho, & eorum qui Iezabelis in Naboth
 causa literis acquieuerunt, iniquæ sen-
 tentiæ nobis indicant. Hæc idem multo
 magis efficere Inuidiam sepiusimè vi- *Inuidia effi-*
 demus. Cuius effigiem siquis ex Apel- *gies ab A-*
 lis prudentissimi viri, ac pictoris excel- *pelle picta.*

lentissimi tabula velit intueri, sic se
rem habere, dubio procul animadu-
er. Cæcum hoc & inhumanum, atque
efferrum monstrum innocentem Socra-
tem damnauit. Hoc Demetrii Phale-
rei trecentas & sexaginta statuas areas
deiecit: Nam totidem fuerant. Is ab
Atheniensibus ob res apud illos opti-
mè ac magnificentissimè gestas hono-
ratus, quod quidem quum audisset ipse
Demetrius, dixit virtutem, cui fuerant
erectæ prius eadem statux, minimè
fuisse ab Inuidis euersam: quod nulla
ingenia, ut T. Liuius ait, tam prona ad
inuidiam sint, quàm eorum, qui genus
ac fortunam non æquantes, virtutem
& alienum bonum oderunt. Quid? an
non etiam nostra tempestate præsentia
neis Inuidorum venenis impetitus est
Franciscus Taberna summus Mediola-
ni cancellarius, vir omni virtutum gene-
re præstantissimus? Quin ob id quo-
que in eius Urbis arce aliquandiu de-
tentus est. Verum patefacta denique li-
uoris calumnia, in pristinum amplissi-
mè dignitatis gradum summa cum lau

de restitutus est. Vt & Franciscus Bernardinus, & Antonius Maria Cermenati Mediolanenses eiues ac fratres mei, qui rebus ijs omnibus interfuere, per litteras mihi significarunt. Ergo scitè dictum est ab Aristotele, nihil aliud esse inuidiam quàm dolorem quendam de bonorum prosperitatibus, qui torquet, siccatur, afflat, exossatque Inuidenteis, quasi tortor quidam ex tartareis Vltoribus ad mortaliū exterminia missus. Sed discant inuidi, qui aliorum fœlicitate torquētur, ex Nasone, quæ domus Inuidiæ sit: & qualis ipsius Inuidiæ facies.

*Domus est imis in Vallibus antri
Abdita, Sole carens, non vlli peruia
Vento.*

*Tristis & ignaua plenissima frigoris,
& quæ*

*Ignem vacet, semper caligine semper
abundet.*

Mox ipsam inuidiam suis coloribus graphicè sic depingit.


Pallor in ore sedet, macies in corpore toto:

humano generi plurimum inimicā excutite viperam, quæ sociam habet semper malevolentiam, germanam indiuiduamque sororem, diras nocte, crebóq; genitas. Et solent hæ pestes in ciuitatibus incubare, aliorum fœlicitatibus & gloriæ venenato dente, obliquo oculo, felleoque pectore insidiâtes. Quas multi vt fugerent, patrias locaque deseruerunt. Quas inquam vt fugerent, Conon diutius in Cypro peregrinus vixit: Diphocrates apud Thracas: Timotheus apud Lesbios: & Cabrias in Aegypto. Et omnibus seculis Phocion, & Timon Athenienses malevolentiae nota posteritati redduntur infames. & cætera, quæ apud Iacobum stapulensem in hac sententiam super Aristotelis Ethicæ leguntur. Licet itaque tandem concludere, minus esse malum cum syluestribus feris, quàm cum inuidis & maleuolis habitare. Non igitur Princeps horum delationibus audiens omnino sit. Verùm sedulò perquirat, an quæ crimina deferuntur, talia sint, qualia nuntiantur. Et

siquidem talia esse deprehenderit, adhibitis remedijs reuocare facinorosos ab errore delictóque studebit. Sin res minus id sustineat, neque vllā admonitionē sustineat, pœnis debitis castigentur.

PRINCIPES QUI FO-
uēt *Adulatores ac seditiosos, ruinam
suis ditionibus parare: speciēque se-
ditionis extitisse, quæ magnificā Rhæ-
torum Rempublīcā à cuiuslibet Prin-
cipis ac præsertim à Regis Gallorū so-
cietate abalienare tentauit.*

CAP. XXIII.

EBENT Principes ut in subiectos populos, ita suos etiā in animos dominari, neque permittere ut inibi vitiū aliquod regnet. Nam quid obsecro turpius est, quàm eū seruire, qui alijs habeat imperare? Sed illud in primis cauendum est
Princi

Principi, ne suā mentē adulationibus
 corrūpi sinat: ne q̄ Rēgnis, Prouincijs;
 Urbib⁹ ac populis prēesse debet, vitiose
 linguæ subiaceat: quīq; natiōes debella
 re superbas, à minūtulo virulentōque
 membro vincatur. Augustinus asserit
 Adulatores laudem suā tanquam o-
 leum venditare stultis: Etenim mellitō
 sermone hos in suā nassā illectare *Agessilai*
 quærunt. Agessilaus autem Lacedæmo- *sententia de*
 niorum Rex non secus Adulatores, *Adulatori-*
 quā qui nōs ad necem persequeren- *bus.*
 tur, esse vitandos existimabat. Nō enim *Item Demo-*
 ad veritatem eos loqui sed ad volunta- *crisi;*
 tem, ac voluptatem Democritus aie-
 bat: ob idque etiam interdum amplissi-
 mas dignitates illos nantisci atque obti-
 nere videmus. Mirum verò videri pos-
 sit, adeò stupidum & vecordem esse ali-
 quem, vt se Achillem fieri, Thersites *Item Iso-*
 quū sit, patiatur. Nullo maiore morbo *cratis.*
 grauari posse Principem Isocrates arbi-
 trabatur, quā si delectaretur Adulatori-
 bus, quos haud aliter atq; ignē fugiēdos
 esse ducebat. E cōtrario suū Regē monet

ut eos diligat, verosque amicos putet,
quos animaduerterit Zelo quodā ho-
noris regij ductos, ex animo sua ipsius
errata modestè corrigere, quod ut secu-
rius efficere possint, necesse est, ut inte-
gram liberè loquendi facultatem illis
concedat, ne timeāt ob id suam gratiā,
fauorem & beneuolentiam amittere.
Nam id aliquot viri sanè docti, ac probi
verentes admonere Principes atque in-
stituere scriptis potius quàm voce ma-
Demetrii luerunt. Quocirca Demetrius Phale-
Phalerei reus Ptolemæo Regi dixit, ut legendis
consilium. libellis, qui institutiones istiusmodi con-
tinerent, assiduā operam daret: quoniā
in illis inuenturus esset multa, quæ viua
voce non ausi fuissent eorum auctores
profiteri. Agamemnonem quoque plu-
ris apud Homerum fecisse Nestorem
quàm Aiace[m] apparet. Antigonus itē
Rex assentatores auersatus, Zenonem
philosophum integerrimū, per lite-
ras, ut secum habitaret, inuitauit. Idem
cum Philippide poëta comico Lysima-
chus fecit. Verum quia nonnunquā

euenit vt adulatores huiusmodi Prin-
 cipis alicuius virtutem ac fortitudinē
 ob id extollant, vt eum incitent ad nocē-
 dum ijs, quos ipsi odio prosequantur,
 diligenter obseruandum est, ne simul
 cū assentatione seditionem etiam inue-
 hant & inducant aut publicē, aut priua-
 tim. Cuius iniquitatis exempla & vete-
 ra & recentiora non pauca sunt. An nō
 Datames egregius Dux apud Artaxer *Apud Emi.*
 xem eam ob causam circumuentus inte *Prob.*
 rijt? Sed vt antiquiora prætermittam,
 Nonne etiam ij seditionis aliquam spe-
 ciem non ita pridē inter Rhætos intro-
 ducere velle visi sunt, qui blandioribus
 verbis populo persuadere tentabāt, ex-
 pedire multo magis rempublicam suā
 suis auspicijs regi, suisque viribus confi-
 stere, quā vllorum Regum fœderib?
 inniti; ad hanc tutandam satis adesse
 roboris absque aduentitijs auxilijs, præ-
 sertim quum socialibus præsidjs vndi-
 que circumuallata sit. His adulatorijs
 verbis nihil aliud efficere conabantur,
 quā vt Rhætos à fœdere, quod initū

ipsis cum Rege Gallorum iam diu est
amouerent. Quin dum hæc agerentur
apud Rhatos, aderat quidā monachus
Natalis nomine, qui tamen abiecto cu-
cullo sese Aurelium Scytarcham nomi-
nari volebat. Is Adulatorum huiusmo-
di conatibus ire se obuiam velle tā diu
finxit, quo ad eorum, qui aduersaban-
tur sententijs expiscatis, Adulatorum
Adulator factus, illis omnia secreta re-
texit, vt adderet (quod aiunt) oleum ca-
mino: mōxque inde clāculum aufugit.
Istiusmodi pesteis amoueat à rebus pu-
blicis Deus. Quidē an nō & Eurides La-
con tale quid est cōmentus? de quo scri-
ptum est itā. Eurides Lacon proditiosif-
simus Adulator reconciliationem per-
turbauit Alexandri: Regēmque adula-
tione falsisque laudibus, & sermonis
calliditate circumuenit: qui apud eum

*Iosep. de Antipatri laudator pecunia corruptus
riq. Lib. 15. erat: & Alexandri, qui incautē de Pa-
Cap. 10. Atre conquerebatur, proditiosissimus
gesip. lib. 1. fuit accusator, & quę sequuntur in ean-
cap. 41.*

dem

dem sententiam. Quare perniciosi generis huius Assentatores haud omnino sunt absimiles Lenonibus, qui castas alioqui matronas falsis laudibus illuctas nituntur ad libidinem trahere, atque illarum honestatem corrumpere. Idem suo modo cum Principibus ac Rebus publicis efficiunt Adulatores. Publicitus itaque sunt hæ pestes abigendæ, aut saltem penitus contemnendæ: quemadmodum Romani cum Bithyniæ Rege Prusia fecisse dicuntur: è quibus etiam aliquot seorsum hoc idem factitasse cum alijs memoriæ proditum est. Rectè igitur Bion *Bionis dictum.* Borysthenites aiebat, adulationis crimen gravius esse, quàm falsi testimonij dictionem. Quam autem ab hoc vicio primis temporibus abhorrerent Athenienses, id indicio esse potest, quod *Timago ras capite punitus ob adulationem.* supplicio capitali Timagorâ affecerunt, quoniam Dariam Regem, ad quæ legatus missus fuerat, more Persarû adulando adorauerat. Verùm oro parumper

*Adulatorum
lex*

attende, quonāvisque progredi audeat
Adulatorum impudentia. Legem olim
tulisse feruntur in Demetrii Regis gra-
tiam, quæ sic haberet: Quicumque sub
Rege Demetrio esse amāt in cœlo san-
cti, iustique in terris habentur. O perdi-
tos & inuerecundos homines. Oderint
ergo Principes hæc monstra cane peius
& angue, si suis regionibus benè consul-
tum, suis populis benè prouisum, sibi
ipsis benè prospectum volunt.

DE SEDITIONVM CAV-
sis: *utque hæc nonnunquam per Prin-
cipes ac Iudices: nonnunquā per po-
pulos excitātur: Quantamque se-
cum ruinam trahant.*

CAP. X X I I I I .



VPERIORE
Capite nonnullā fe-
cimus de seditiosis
hominibus mentio-
nem. nunc vidēdum
est hīc vnde seditio-
nes ipsæ, & quo plerunque tēpore exo-
riri

riri consueuerint. Obseruandum igitur
 quandoque Principem suscitandarum
 seditionum causam esse, quemadmo-
 dum de Rege Demetrio legimus, Qui
 quum debita stipendia militibus, quos *Mach. 11*
 ex Creta conduxerat, haud soluisset, oc- *Ioseph. de*
 casionem seditiosi tumultus præbuit, *Antiqui*
 per quem parum absuit, vt à Triphone *Li. 13. cap*
 non sit expulsus regno. Tarquinius ve- *6.*
 ro ob violatam Lucretiam tanti tumul-
 tus populo Romano causam exhibuit,
 vt cum suis omnibus etiam fuerit priua-
 tus imperio. Gabaonitæ porro stupra-
 ta scdissimè Leuitæ concubina tam in-
 genteis motus in vniuersa Israelita-
 rum gente concitarunt, vt sibiipsis ac *Iud. 9.*
 suæ tribui summam perniciem para- *Ioseph. de*
 rint. Iudices quoque populis interdum *Antiqu.*
 causam tumultuandi præbent, ob id ni- *Cap. 10.*
 mirum quod iniquas ferant sententi-
 as, muneribusque aut prauis affectibus
 corrupti malignè atque iniuste com-
 misso fungantur officio, vt per Ioelem
 atque Abiam factum fuisse legimus. *1. Reg. 8.*
 Frequenter etiam Principum in Nobi

liorum sanguinem sequit̃a seditiones non minimas mouet, sicuti de Athaliæ in regiam stirpem immanissimo scelere scriptum est. Suscitantur aliquando seditionum motus per homines ambitiosos, qui turpis lucri causa Magistratibus aut alijs honoribus adipiscendis auidissimè inhiant. Ex his etiam sunt, qui alios publicis iam muneribus perfectos tanquam rapaceis calumniantur: seque non minus idoneos esse ad eadem officia administranda, Reique publicæ iuandæ quàm illos alios palam iactent: multaue perperfos ob patriam affirmant, propter quæ non iniuria id promereantur. Huiusmodi tumultuosis ambitionibus olim abundasse rempublicam Romanorum, testes sunt omnes ferè ipsorum historiæ: Quod seorsum etiam Quintius Capitolinus Consul apud T. Liuium Concione ad populum habita luce clarius indicauit. Quare qui ceteris præsumt, iis omnino curæ esse debet

*Libro 3. ab
Vr. con.*

vt ambitiosa seditiosaque id genus ingenia compescant, & quo ad eorum fieri possit, in ordinem redigant, quo tumultuum omnium occasiones auferantur. Aliqui præterea populi sunt, qui ex libera viuendi forma in aliorum potestatem redacti, seruitutem æquo animo ferre non valeant: Atque ob id ad pristinam libertatem semper aspirantes, oppressionis iugum abijcere, quomodocunq; liceat, experiantur. Hinc seditiones, hinc tumultus exoriri solent: quemadmodum Iudeos frequenter ex *De Bell. citasse Iosephus Author est. Non-Iudai. lib. 12. cap. 12.* nulli maleuolentiæ atque inuidiæ stimuli agitati motus concitant. Vt *Num. ca. 2* Core cum suis contra Mosē fecerunt, quem agrè ferebant esse in summo honore constitutum. Neque hi tantum aduersus ipsum extitere seditiosi, Sed etiam vniuersus Israëliticus populus; quem eduxerat ex Aegypto sapissimè idem fecit: præsertimque verò quum fame

vel siti laboraret: aut aliàs de vita periclitaretur. Quocirca qui vel ductandis exercitibus, vel populis regendis quoquo modo Præpositi sunt, cuncta necessaria, & quorum quotidianus indiget usus illis adesse pro sua virili quàm diligentissimè procurent; vt omnem tumultuandi causam, quæ non omnibus vna & eadem esse solet, hinc ipsis adimant. Illud insuper est Principibus cauendum, ne consueta stipendia tam præfectis militaribus, quàm cæteris nobilibus Viris apud se agentibus imminuant, sed potius liberalitate quadam in dies augeant: ne contingat illos ob Salariorum detractionem aliquod rebellium meditari. Neque minus eisdem Principibus cauendum est, ne populos intolerabilibus atque insolitis oneribus grauent, vt ne dum quarunt ingètes parare sibi thesauros & ipsis thesauris & Regno, & vita deniq; spoliètur. Idq; etià summo opere vitandũ, ne libidinosis affectibus ducti aut vi aut alio quo

quouis inhonesto modo ad castas matronas constuprandas virginesque violandas aggrediatur. Nam ij sepe, quibus tam grauis irrogatur iniuria pariter & infamia, vindictam sumere vel cum virę dispendio non verentur: vt cum Mediolani Duce Galeaceo factum fuisse vir prudens Nicolaus Longonius affinis meus, qui tunc inter ordinarium Magistratum in ipsa Vrbe gerenteis erat, mihi bona fide iam retulit. Interdum etiam per eos, qui partibus fauent exoriri seditiones consueuerunt: quum suos qui solum vertere coacti sint, in patriam reuocare conantur. Quibus ibitur facile obuiam, si dexteritate quadam ab omnibus publicis administrationibus amoueantur, ac praecipue inunitionibus locis praesse non sinantur. ita nihilominus vt suis bonis, suisque redditibus non priuentur, ne inde forte asperiores fierent. Verum enimvero quoties eiusmodi perturbationes excitantur, non illico debent

Principes , aut exercituum Ductores ita expauescere , vt penitus animum despondeant , sed potius inde cautiore facti, custodia sanè diligentiori curare sua omnia . Legimus Censorinum Catonem vidisse libenter, vt serui domestici dissiderent inter sese: quod inde fieret, vt hero fideliores essent : Concordes enim Dominum commodius fallere poterant: at discordes non item , quod in delictis alter alterius delationem timeret . Ità nonnunquam fit etiam cum Principibus vt ijs ex populorū dissidio machinationes aliquæ reregantur, quæ

Homil. 36. alioqui forsitan in pace latitassent. Ergo

In Mat. cap. 10. nō in elegāter Chrysostomus ait. Medius hoc modo reliquū corpus cōseruat

facile si quod reduci ad sanitatem non potest, reciderit atque abiecerit. Et militiæ dux ad soluendam militum conspirationem alterū in alterum concitat. Sic illo quoque tempore turrim factam vidimus, quando perniciosa pax per probatam discrepantiam dissoluta

tran

tranquillam atque laudabilem pacem reddidit. Et paulo post. Nec enim semper concordia laudanda, quum etiam latrones inter se conspirare sciamus. Per adulterinas insuper literas aliquando tumultus commouentur, quin & proditioes interdum enascuntur: ut de Diophanto Alexandri Regis notario scriptum reliquit Iosephus, quod is cuiuslibet manus literas imitando falsasque sæpe conscribendo ab ipso tandem Rege sit interfectus. Affecerunt plerunque seditionis occasionem etiam ij, qui senatorio munere funguntur, confictis inter contrarias partes proditioibus: quod licet illos ad gradus excellentiores nonnunquam ducat: nihilominus quoniam proditioes potius quam proditores Principibus plurimis placere solent: quia quod aliis per illos factum est, sibi quoque per eosdem fieri posse timeant, frequenter euentu, ut iniuste partis dignitatibus priuentur, p. iniuste omnibus. Præter hos alij reperiuntur, qui

*Libr. 1. de
Bell. Iud.
cap. 21.*

quas ipsi confinxere proditiones, easdem mox literis vel ad Principes, vel ad Respublicas missis per se retegant, ut apud ipsos curiosę cuiusdam fidelitatis gratiam ineant, non verentes interrim etiam innocentis in discrimen vocare: Cuius ille generis extitit, qui venena per aliquot vrbeis Gallię comportanda curauit, ac paulo post Regem admonuit per literas, ipsius populis insidias per venena parari: quod monitionis huius ab ipso Rege præmium aliquot referret: Verum denique technis huiusmodi palam factis per eos, qui penitus eorum, quę agerentur ignari venena comportarunt, mirando Dei consilio factum est, ut per suã ipsius ad viuũ depictã effigiẽ Proditor ipse Lugduni proderetur, & innocui hominũ ciones euaderẽt. In cõcionib; etiã publicis cõmouentur aliquãdo seditiones: ut per Gisgonem Amilcaris filiũ hominem factiosum Carthagine factũ fuisse constat. Nam quũ Senatus Carthaginensium pariturum se iudicio Romanorum

*L. Fl. Epit
lib. 48*

manorum legatorum dixisset, Ita is bellum aduersus Romanos suadendo concitauit, vt legatis quò minus violaretur fugam explicuerit. Liuius item Drusus Romæ Tribunus plebis, vt vireis sibi acquireret, perniciofa spe largitionis plebem concitauit. Seditioforū

igitur omnium natura

Principibus optimè

& noscēda &

cauēda

est.

Q s

QVOD NONNVLLI AD
*societatem dirimendam, quæ inter
 Principem ac Rempublîcam aliquã
 intercedat, abutantur etiam religio-
 nis doctrina: vt Petilianus contra
 Augustinum fecit.*

CAP. XXV.



AVD procul à se
 ditiosis id etiam ge-
 nus hominum abest
 qui per speciem re-
 ligionis Euangelicæ
 persuadere populis
 conantur, non licere cum Principibus
 eidem religioni non fauentibus aliquã
 societatem, foedusue contrahere. De
 qua re Petilianum quoque ad Augusti-
 num scripsisse, atque ipsum Augusti-
 num prudenter illi respondiſſe noui-
 mus. Constat etiam sacras literas in
 Abrahamo ac Dauide aliisq; quam-
 plurimis contraria huic sententiæ no-
 bis

bis exempla proponere. Non satis ergo
 rectè cum illis agitur, qui Principis ali-
 cuius æqua fœdera disrumpere, vt Al-
 terius incant, absque legitima ratione
 contendunt. Nam fieri potest, vt dum
 inde priuata spectant commodà, pu-
 blicæ vtilitati, ac nōnunquam etiam li-
 bertati non minimum noceant, præter
 quam quod magnarum sæpe factio-
 num Authores fiant. Cæterum quo-
 niam id Euangelicæ religionis prætex-
 tu consueuerunt efficere, quibus nitan-
 tur è diuina scriptura sumptis argumē-
 tis breuiter in medium proferemus.
 Principio Iosaphatum adducunt, qui *2. Paral.*
 per prophetam Iehu redargutus est ve-
 hementer, propterea quod suppetias *18. Cap. 19.*
 impio tulisset Achabo, Illi nanque sic
 dixit: An impio decuit te ferre opem?
 & osores Domini diligere? & propter
 hoc super te ira à facie Domini. Ac non
 ita multò post, Quia Rex idem Iosa-
 phatus inierat societatem cū iniquissi-
 mo Rege Achazia, ab Eliezer prophe-
 ta reprehensus his verbis est: Quia

societatem inisti cum Ahazia, dissipauit Dominus opera tua. Et cōfēctę sunt
2. Para. naues, neque valuerunt ire in Thar sis.
20. Huc afferunt etiam Asam Regem increpitum fuisse: quod fiduciam in Assyriorum Rege collocasset. Ad id facere
Cap. 30. Esaię quoque prophetę verba putant: quum Iudę Regibus dixit: Væ qui ambulatis vt descendatis in Aegyptum: & os meum non interrogastis: sperantes auxilium in fortitudine Pharaonis: habentes fiduciam in vmbra Aegypti. Et erit vobis fortitudo Pharaonis in confusionem. Apud Ieremiam eadem ferè leguntur. Denique superioribus adiungunt, suo mandasse Deum populo, ne fœdus feriret, aut amicitiam contraheret cū Cananæis, Amorrhæis, ac reliquis odio ab se habitis gentibus. Hisce obiectionibus dupliciter occurritur: videlicet, & rerum, & causarum, & tēporū distinctione: & omnino contrariis obiectionibus. Primū itaque ab vniuersalib⁹ pręceptis, pręcepta particularia quidā segregantes dicunt, prohibitionem

nem Iosaphato Regi factam, ad ipsum peculiariter pertinere, propterea quod suppetias tulerit Regi nō modo impio, sed qui omnis etiam impietatis author, impensius in hanc vnā studebat. Assam verō ob id tantum fuisse reprehensum aiunt, quod oblitus diuini auxilij, non nisi humanis viribus niteretur. Deinde temporum quoque rationem habendam esse existimant: Sub veteri nanque testamento propterea Deus haud permittebat infidelium populorum subsidia implorari, quò sibi soli paratarum vel parua manu victoriarum ingentium gloriam reseruaret: Insuper cum eisdem populis iniri societatem nō sustinebat, ne superstitionis illorum impiisque cultibus inficerentur. Quā in re illud obseruandum est, religionis cultum, quem nostra tempestate Galliarū Hispaniarum, cōplurēsque alij Reges exhibent Deo, non esse cum illo conferendum, quem Cananxi, ceterique eius generis populi quondam præstiterat: Atque inde fieri, vt prohibitio neutri-

quam

*Ante
legem.*

quam parem locū obtineat. Porro E-
saia monitionem ita interpretantur, nī
mirum nihil aliud Prophetam repre-
hendere, quā fiduciam pessimē collo-
catam in Aegyptijs, quæ in vno tantū
Deo ponenda erat, quum nulla maior
illi possit iniuria irrogari, quā relicto
Creatore, Creaturis inhærescere: Qua
etiam de causa sacræ literæ Asam Re-
gem damnant, quod Medicis potius,
quā ipsi Deo sit filius: id quod idolo-
latriæ quædā species est. Verū si quis
rebus benè conditis benè vtatur, nihil
apud Deum reprehensionis promereat.
Nunc ad contrarias obiectiones deue-
niemus, per quas ex eisdem sacris lite-
ris indicatur licere Christianis Princi-
pibus inire cum Ethnicis fœdus, præ-
sertim cum ijs, qui & suam ipsorum a-
micitiā expetant, & se cum illis omne
genus beneficia communicaturos pol-
liceantur. Deuteronomij vigesimo Ca-
pite sic Moses habet: Quum oppidum
aliquod bello adoriemini, ei pacē offer-
tote: Quod si pacē acceperit, vobisq;
portas

portas aperuerit, omnis in eo repertus
 populus vobis tributari⁹ esto. Præterea *Ios. 15. &*
 Gabaonitas in fœdus accepit Iosua, qđ *16.*
 nedetecta quidē illorū fraude vnquā re
 scidit. Quin & Abrahamus ipse præci-
 puū iustitię fideique specimen & exem-
 plar cum Abimelecho Rege percussit
 fœdus. Daud quoque, qui vir erat se- *1. Reg. 23.*
 cundum cor Dei, talem amicitia con- *27.*
 iunctionem cum Achi Rege contraxit,
 vt custos etiam regij capitis fuerit con- *2. Reg 10.*
 stitutus. Idē insuper singulari beneuo-
 lentia Naham Ammonitarum Regem
 persecutus perpetuam cum illo socie- *3. Reg. 5.*
 tem seruauit. Hoc idem fecit & ipse, &
 Solomon suus filius cum Tyrriorū Re-
 ge Hiram: à quo idem Solomon etiam
 intercedēte inter eos fœdere, materiā at-
 q; artifices ad cōstruendū Hierosolimis
 Dei tēplū accepit. Ergo si iā dictis Re-
 gibus iustis de causis licuit cū infidelib⁹
 Regibus ferire fœdus vel bonorum, vel
 vitæ, vel ædis extruendæ causa, quī
 quæso minus licebit Christianis Prin-
 cipibus, Rebúsque publicis auxiliij

gratia cum ijs, qui eiusdem secum religionis nō sint Principibus societate vinciri: modo suæ religionis dogmata deferre non cogantur; vt Israelis filios in Aegypto fecisse pro comperto est.

EX DVOBVS PRINCIPI-
bus qui non faueant alicui alij religioni adhærendum esse illi, qui minus adnerfetur.

C A P. XXVI.



LV RIBVS de causis Principes diuersæ religionis etiā professores non pacem tantum habebt, verum & fœderibus colligantur. Sed enim quum Princeps aliquis verè Christianus ad id exposceretur ab aliquo alio, vt coniunctis cum illo virib' illicitū bellū excitare, finitimāsque regiones subiugare, aut Christianā religionem persequi cōmodius ille

ille posset, nullam contrahendæ societatis iustam causam habet. Quin potius, vt his omnibus occurrat, alteri quæret adhærescere, quæ licet religioni suæ minimè fauentem habeat, pericula tamen paulo ante dicta ab eo sibi timenda non sint, sed multo magis opportuna suis in omnibus indigentijs auxilia expectanda. Per matrimonia quoque nonnunquam Principes conciliantur alter alteri: nō tamen in causa sunt matrimonia, vt semper id fiat, quū etiā nostra memoria viderimus, Coniugiū inter Franciscum Gallorum Regem, & Caroli V. Cæsaris sororem contractum, non modo, non conciliasse Principibus ipsis amorem inter sese, verū potius discordiarum veluti seminarium quoddam extitisse. Cæterum an nō & per cōubialia fœdera superiore anno Gallorum atque Hispaniarum Reges post horrida bella, pacem demum inire? Faxit verò Deus, vt faustum felixque sit, coniunctâque beneuolentia diutius perseueret, nec malis vnquam di-

uulsa querimoniis suprema citius sol-
uatur die. Consueuerunt etiam Princi-
pes aliquando aut ad suas provincias
ab imminetibus hostibus facilius tu-
tandas, aut ad easdem in pace securius
conseruandas, quod vires in vnum col-
lectæ fortiores omnino sint mutua so-
cietate copulari: Quemadmodum Iu-
das Machabæus amicitiam, ac societatem
cum Romanis coiuit, vt vexatos
à Demetrio Rege suos Iudæos defen-
deret. Jonathan quoque Iudæorum pō-
tifex maximus Alexandri Regis ami-
cus est factus, vt quas molestias Iudæo-
rum genti Demetrius idem inferebat,
procul amoueret. Igitur minima (quod
dici solet) de malis. Nā & Moses Dei fidis-
simus Administer Iudæis durę ceruicis
hominibus diuortij libellum concessit,
ne maritis vxores odiosæ grauioribus
essent periculis expositæ: Quod Iesus
Christus indicauit, inquit. Moses ad
duritiam cordis vestri permisit vobis
repudiare vxores vestras: Ceterum ab
initio

*Libro 1**Mach. 8.**Cap. 8.**Cap. 12.**Ioseph. de**Antiqu.**Libr. 13.**cap 6.*

initio non fuit sic. quasi diceret: Hoc Deus quidem fieri noluerat, Sed Moses duritiem vestri cordis agnoscens, leuius malum indulsit, ne grauius à vobis committeretur. Idem & Principibus erit in contrahendis fœderibus obseruandum, vt quod emolumenti commodique plus habet, & damnis & incommodis præponderet. Hic obiiciunt aliqui quod à Christo dictum est, nempe futurum, vt religionis causa Pater filium, & mater filiam, Socrum Nurus, & è conuerso deserturi sint: Igitur multò magis inter diuersæ religionis Principes idem efficiendum arbitrantur: Quibus omnino responderi potest, eam disiunctionem, qua de loquitur Christus, ad internum Dei cultum, non ad externam consuetudinem pertinere: quod non difficulter ex verborum contextu colligitur: Namq; sic ait: An me ad pacem in terris cõciliandã, venisse arbitra-

Luc. 12.

minimè Nequaquam (inquam vobis) sed
potius ad discordiam: Erunt enim deinceps
quinque in vna domo dissidentes,
tres à duobus, & duo à tribus. Quum
itaq; qui dissident in vna domo sint, nō
de corporum sed de spirituum dissidio
Christum loqui minimè dubium est.

1. Cor. 7.

Iam & ex Apostoli Pauli sententia li-
quet, matrimonia olim contracta non
propterea fuisse dirimenda, quod alte-
rius religioni pars altera aduersaretur,
modo simul coniuges cohabitare susti-
nerent: Quod fieri possit, vt alter per
alterius ministeriū verę fidei cognitio-
nem accipiat, quum liberius loquendi
facultas inter vtrunque adsit. Quis igi-
tur neget, Principum etiā religione
dissidentium fœdera vim habere, mo-
do in id consentiant ambę partes? Ete-
nim hīc non minus euenire queat, vt
ex quotidiana consuetudine, mutuis-
que de religione colloquiis, quę pars
per omnia syncerę prius religioni ad-
uersabatur, itā paulatim instituatur,
vt fauente diuina gratia, tandem ad in-
tegram

tegram veræ fidei cognitionem perueniat. Quod si ob dissentienteis in religione sententias, inter populos dirimenda pax esset, Quid cum Heluctiis obsecro, quid cum Rhætis ageretur in quorum oppidis ac vicis, quod ad hoc ipsū attinet, ita commista sunt omnia, ut vix ab inuicem discerni valeant: Et nihilo minus ipsis adeò inter se conuenit, ut ex hac ipsa concordia quotidie potentiores euadant. Sed enim quoniam peculiaris hîc mētio de Rebus his publicis facta est, pro eo, quanti ego illas facio, mihi monendæ sunt, ut omneis, quæ hinc exoriri possent, dissidiorum occasiones euitent, quò suorum ciuium optimorum prudentissimum consilium sequentes, in grauiora discrimina non incurrant. Et quandoquidem supra nō nihil de matrimonio meminimus, meminerrint & ipsi, quod semel ut cōtracta legitimi matrimonij iura non nisi per mortem dissolui possunt, sic inter Principes inita fœdera suo quodam modo per ipsorum alterius tantum mortem

esse rescindenda: ne faciles omnino sint
 ipsi Principes ad hanc fenestram ape-
 riendam.

POPVLVM FIDELVM

*cum infideli commercium
 habentem, ipsius infidelis
 impietate non infici. ex Au-
 gustini contra Donatistas
 in Haggæum Prophetam
 sententia.*

CAP. XXVII.



Nihil æquè mortalium
 animos exagitat, quàm
 religionis opinio, cu-
 ius defendendæ cau-
 sa nonnunquam ho-
 mines etiam de vita
 periclitantur. Quamobrem hîc mihi
 conandum est, vt ex mentibus ipsorû
 hominû, cum errorem summoueam
 quô

quo sibi persuaferunt aliqui, non licere
 piis cum impiis commercium habere,
 simulque pertractare negotia. quod
 non de priuatis tantum hominibus,
 verum etiam de publicis magistratibus
 intelligunt. Nullus hic erit mihi sermo
 de iis, qui per excommunicationem è
 fidelium cœtu legitimis de causis abar-
 centur, quando nemini dubium sit, eos
 ab omnibus esse vitandos, quoad si fieri
 possit, resipiscant: Sed solummodo de
 iis dicemus, qui nunc itidem aliis hac in
 re facessunt negotium, vt olim egisse
 Donatistas cum Augustino memoriæ
 proditum est. Nam Donatus Mani-
 chæus hæreticus arbitrabatur pios ho-
 mines impiorum consuetudine ita con-
 taminari, vt fas non esset inter eos ex-
 ternam familiaritatem intercedere. id
 quod è sacris literis nitebatur asserere;
 ac præsertim ex Haggæo propheta vbi
 ait: Interroga de lege Sacerdotes,
 si quis carnem sacram in ve-
 stis suæ gremio tulerit, & tangat

gremio suo panem, aut pulmentū, aut vinum, aut oleum, aut quemvis cibum an id consecratur? Non consecratur, inquit respondentes sacerdotes. Et Haggæus: Quid si exequiis pollutus quidvis istorū tetigerit, polluetur ne? Polluetur, inquit respondentes sacerdotes. Tum Haggæus: Eadem est mihi istius populi, eadem gentis ratio, dicit Dominus: Eadem & omnium eorum operum ratio ut quod accedunt, id impurum sit. Quàm aptè hîc respondeat Augustinus, ex ipsius volumine licebit obleruare, sed simpliciter nos hîc animaduertemus, Electorum Dei numerum licet minimum, ab improborū multitudine, quos inter inhabitant, non inquinari: quum nihil aliud sacrę literę suis nos & præceptis & exemplis admo neant, quàm ut ne ducamus cum infidelibus iugum de externa cohabitatione non admodum sollicitę. Nam & Moses ipse, quanquam sibi sapius rem esse cum multis contumacibus ac proteruis agnosceret, non tamen ab illis, nisi Deo

Deo peculiariter id iubente, sese subtraherat. Samuel quoque tametsi comperitum haberet Saulum à Deo fuisse reprobatum, non propterea tamen ab eo se subduxit. Id quidem verum est, pios ab impijs nonnunquam etiam loco disungi, nimirum quoties Deus aliquam scelestam gentem puniturus, fideles inde suos discedere facit: vt cum Noha diluuij tempore: cum Loto dum Sodomam incoheret: cum Mose aduersus Coram Dathanem & Abiramum, atque alios coniuratos illum egisse notissimum est. Abstinit etiam ab Ieroboami commercio Vates ille, cui præceperat Deus, vt in Samariam profectus eundem Ieroboamum argueret de Idololatria. Modo igitur ne sic impiorum erroribus assentiamur, vt illos etiam & sequamur, & imitemur, nihil obstat, quo minus inter illos habitare valeamus. Idem etenim Augustinus in eundem Haggæum prophetam sic ait. Vitium notat, quo accedi prohibuit, nō homines ab hominibus corporali dis-

iunctiōe secludit. Acceditur autem ad vitium corruptionis, vitio cōsensionis. Ergo spiritualement prohibet accessum, consensionemque factorum. Hæc Augustinus. Quod si qui sunt in eodem ecclesiastico cœtu, atque iisdem participant sacramentis, improborum externo conuietū non coinquinantur, quanto minus contaminabuntur ij, qui non tantum aduersariorum non communicant religioni, sed illis potius in omnibus aduersantur? Verè igitur Christiani Magistratus diligenter obseruabunt, quod ad fœderis ineundam sanctionē attinet, quibus cum Principibus res illis futura sit. quod si cū Neronibus, Domitianis atque eiusmodi mōstris hominū: qui cōtra manifestā Dei voluntatē, cōtrāque diuinā pietatē ferro Christianos insectantur & igni, contrahēda societas illis esset, omnino vale dicant immanib⁹ hisce feris, nec taleisvlla dignetur amicitia: Quin illis cum M. Tullio

Offi. lib. 2

dicant, Nulla societas nobis est cū Tyrannis: sed potius summa distractio.

P R I N C

ro, Pastores, A Romanis autem, patriæ Patres, vocari. Ea de causa debere illos uti suos in Populos beneficentia, necnon eosdem sedulo tutari.

CAP. XXVIII.



EMINI dubium est, corporis exercitationes honestas Principibus esse decori, sed animum liberalibus disciplinis exercere laudabilius ipsis est: At beneficentia in omnibus tam civibus, quam peregrinos effluere, turpèque putare hac in re se ab aliquo superari, id verò demum gloriam quàm maximam illis patit. Nam quum inter sibi subiectos populos quandam Solis imaginem referat Princeps, ita debet in suos omnium bonorum, quoad eius fieri potest, effluentiam effundere, quemadmodum

*Arist. de
Cæ. 2.
Mun.
lib. 2.*

in res omneis creatas ipse Sol facit. Inde suorum civium benevolentiam sibi conciliat, quæ firmissima custodia locorum omnium est, ac sola Principem liberat à timore, quem alioqui neque munitiones, neque thesauri liberare va-

Strabo. lent. Strabo geographus refert, Aethiopus duo præsertim numinum genera, mortale alterum, alterum immortale coluisse. Et immortale quidem illos numen existimasse Deum ipsum esse, qui & cōdiderit omnia, & condita regat & gubernet. Mortale verò numen esse beneficos homines, qui studeant bene de omnibus promereri. Sacris in literis

Psal. 81. Principes ac Iudices Dij vocantur: quod ipsi Deo munificentia, benignitate, clementia & iustitia similes esse debeāt. In Psalmis enim ita legitur: Deus consistit in confessu diuino: in medio Deorum iudicem agit. Et paulò infra, Equidem dixeram, vos Dij estis: & vos omnes filij excelsi. Quod autem ad benignitatem attinet & beneficentiam,

Prouer. 2. Solomon quoque sic ait: Beneficentia
& fides

& fides seruant Regem, & suffulcitur
 solium eius benignitate. Quum igitur
 Magistratus in Reipublicæ corpore
 quoddam veluti corculum sit, vnde bo-
 norum omnium proueniānt motus, ijs
 ipsis in exercenda erga omneis, præci-
 puèque erga pauperes, viduas, orpha-
 nos ac peregrinos munificentia vti de-
 bet, vt quum tales inde suis necessitati-
 bus prouisum esse cognouerint, pro Ma-
 gistratus eiusmodi salute preces assi-
 duas offerant Deo: quatenus quidem ipse
 Deus horum precationibus aurem faci-
 lem præbere soleat. Id quod etiam Pli-
 nius iunior licet Ethnicus non ignoras-
 se videtur, quum inquit. Pauperibus *In Paneg.*
 educandis vna ratio est bonus Princeps. *ad Tra.*
 Hic fiducia sui procuratos nisi larga
 manu fouet, auget, amplectitur, occa-
 sum imperij, occasum reipublicæ acce-
 lerat. Magna laus Principis, vt pater pa-
 triæ vocetur: non armis; non præsidijs
 militaribus tanquam subditos, sed hu-
 manitate, beneuolentia, pietate tanquam
 filios regat, ac moderetur. Primus o-

mnium hoc cognomē M. Tullius Cicerō meruit Catilinæ coniuratione detecta, & vrbe incendio liberata. & cætera quæ in hanc sententiam affert plurima: & non immeritò Iuuenalis etiam idem Ciceroni tribuerit iniquens.

Roma Patrem patriæ Ciceronem libera dixit.

Hoc postea cognomē Divo Augusto vniuersam ciuitatem maximo cōsensu detulisse, idem Plinius pluribus verbis Author est. Subsequentibus verò temporibus Imperatores alij complures eūdem titulum sibi sumpsere populorum potius adulatione, quàm quod re vera tales existerent. Et sanè vocabant illos populi patres patriæ, quò saltem isthac appellatione, quales esse deberent, admonerentur. Principes enim qui se suis populis patres exhibent, illos humanissimè tractant, assiduis beneficijs cumulant, ab omni calamitate atque iniuria tutos reddunt, iniustis oneribus, iniquisque tributis minimè grauant: denique si verè Christiani sint Principes

pes, externis huiusmodi benefactis illud in primis addūt, vt integer Dei cultus in suis regionibus instauretur, impia doctrina, prauique mores procul penitus abigantur, hisque cōtraria substituantur: quò nihil omnino, quātum in ipsis est ad commodum felicemque reipublicae statum desit: Ità Princeps pater patriae, seu quod Homerus ait, *πομπήν*, id est Pastor vocari poterit, si quae supra iam dicta sunt re ipsa praestet: periculisque omnibus iuxta Socratis sententiam sese exponat: vel etiam vitæ discrimen cū Atheniensium Rege Codro aut cum Horatio Coclite nō vereatur adire, quò suos ciueis liberos ab aduersariorū Tyrānide cōseruet. Ceterū in conferendis beneficijs opus est, vt benè cogitet Princeps quando, quomodo, & quibus det: Nam quemadmodum Benefacta malè locata Mimius Publicianus arbitratur malè facta, sic è conuerso idem inquit: Beneficium dignis vbi das, omneis obligas. Clazomenius Anaxagoras Periclem

De Prin- clem instituens aiebat, Principis magni
cipis ma- ficientiam in quadam animi grauitate,
gnificētia cui comes beneficentia sit, esse sitam:
Anaxa- eamque ad populorum beneuolentiam
goræ opi- sibi conciliandam plurimū habere mo-
nio. menti. Id insuper beneficentiæ munus
 est, & quidē maximum, vt qui aliquod
 seruitutis officium præstiterint, ijs Prin-
 cept debita præmia profusē largiatur,
 vt ingratitudinis vitium sibi præcipuē
 detestandum, ac Persis etiam lege coer-
 citum vitet. Quippe quum nihil tam
 Principem deceat, quā liberalitas, se-
 quitur illud nihil eum dedecere magis,
 quā auaritiā, rapacitatem ac tenaci-
 tatem. Quocirca quum post acceptum
 imperium non suus amplius Princeps
 iam sit, sed sui populi, pro viribus illi co-
 nandum est, vt se totum suis omnibus
 iuuandis & deditet, & exponat. Ad id
 efficiendum alacrius animabitur, si quæ
 sint veri bonique Principis Epitheta ex
 Iulio Polluce diligētē obseruet. Sunt
 autem huiusmodi. Pater, Mitis, Placi-
 dus, Lenis, Acquus, Humanus, Magna-
 nimus,

*Principē
 non suum
 sed suorū
 esse.*

*Veri Prin-
 cipis Epi-
 theta.*

nimus, Liber, Pecuniæ contemptor,
Haud obnoxius affectibus, sibi ipsi impe-
rans, Dominans voluptatibus, Ratione
utens, Acri iudicio perspicax, Circun-
spectus, Valēs consilio, Iustus, sobrius,
Numinum curam agens, Hominum
negotia curās, stabilis, Firmus, Infalibi-
lis, Magna cogitans, Autoritate prædi-
tus, Industrius confector negotiorum,
Solicitus pro his, quibus imperat, Ser-
uator promptus ad beneficentiam, Len-
tus ad vindictam, Certus, Constans, In-
flexibilis, propensior ad iustitiam, Faci-
lis aditu: Comis in congressu, Commo-
dus alloqui volentibus, Blandus, Expo-
situs, Curam habens suo parentum im-
perio, Amans militum suorum, qui
strenue quidem bellum gerant,
Sed qui bellum non affectet, Pacis a-
mans, Pacis conciliator, Pacis tenax,
Appositus ad emendandos populi mo-
res, Qui Ducem agere norit ac Princi-
pem, Qui legis salutare sciat condere.
Natus ad benemerendum diuina

specie. Hactenus Pollucis sententiam sua translatione expressit Erasmus, ac mox subintulit. Iam si Ethnicus moderator eiusmodi Principem deformavit Ethnico, quanto sanctius simulacrum proponi convenit Principi Christiano? Nunc quibus coloribus Tyrannum exprelerit, attende. Nam malum Principem vituperat ad hunc modum Iulius

*Mali
Principis
cognomi-
na.*

pollux moderator Cæsaris. Tyrannicus, Crudelis, Efferus, Violentus, occupator alieni, Avidus pecuniarum, & quod verbum est apud Platonem, pecuniarum cupiens, Rapax. Et quod dixit Homerus, populi deuorator, Superbus, Elatus, Difficilis aditu, Incommodus ad conueniendum, Durus ad congressum, Incomis ad colloquium, Male iracundus, Irritabilis, Terribilis, Turbulentus, Voluptatum seruus, Intemperans, Immoderatus, Inconsideratus, Inhumanus, Iniustus, Inconsultus, Iniquus

quus, Impius, Mente carens, Leuis, Et
 qui facile decipiat, Malè facilis, Im-
 mitis, affectibus deditus, Incorrigibilis
 Contumeliosus, Bellorum Author,
 Grauis, Molestus, Incohercibilis, Into-
 lerabilis. Quum Deus longissimè ab
 sit à natura Tyranni, verisimillimum
 est illi nihil inuisius esse pestilente Re-
 ge: Quū nulla Bellua nocentior sit Ty-
 ranno, consentaneum est nihil inuisius
 esse mortalibus omnibus, quàm ma-
 lum principem. Quis autem vel viue-
 re cupiat, superis & hominibus pariter
 exosus & execratus? proinde Octavius
 Augustus vbi sensisset caput suum cre-
 bris coniurationibus peti, & alia op-
 pressa, protinus & alia succederet, ne-
 gavit tantè esse viuere, vt omnibus inui-
 sus, incolumitatem suam tot ciuium
 sanguine tueretur. Idem Erasmus
 ait: vt oculi est videre, aurium audire,
 narium olfacere, ità principis est popu-
 li rebus consulere: At non potest al-
 lia re melius consulere quàm sapien-

tia: Ea si careat Princeps, non magis cō
sulet reipublicę, quàm oculus videbit

Xenophō obcæcatus. Xenophon in Oeconomi-
quid sēse cō libello scribit, diuinum potius quàm
rit de Prin humanum imperare liberis, ac volenti-
cipibus. bus. Sordidum enim imperare mutis

animantibus, aut coactis mancipijs. At
homo diuinum est animal, ac his libe-
rum, primum natura, deinde legibus.
Ideoque summę virtutis est, ac planè di-
uinę regere, sicque temperare imperiū
vt beneficium sentiat populus, seruitu-

Duo potis tem non sentiat. Duę potissimum res
simū. Ari sunt, vt in Politicis tradit Aristoteles,
stoteli sub quę subuertunt imperia, odium & con-
uertere im temptus, Odio opponitur beneuolen-
peria. tia: Contemptui authoritas. Itaq; Prin-
cipis partes erunt, diligenter obseruare,
quibus hæc parentur, illa vitentur. O-
dium conflatur sæuitia, violentia, con-
tumeliis, morositate, difficultate, rapaci-
tate. Et facilius concitatur odium, quā
excitatum placetur. Modis omnibus
igitur cauendum bono Principi, nequa
occasione à charitate suorum excidat.

Crede

Crede obseruande, magno Satellitio nudatur, qui fauore populi (vt iam diximus) restituitur. Contra beneuolentia multitudinis conciliatur his moribus, vt dicam in genere, qui plurimum absint à tyrannide, clementia, Comitatus, Acquitate, Ciuilitate, Benignitate. Benignitas extimulat ad officium, præsertim si conspexerint iis esse præmium apud Principem, qui de Republica bene mereantur. Clementia malè sibi, conscios inuitat ad meliorem frugem, dum veniæ spem ostendit iis, qui superioris vitæ errata nouis officiis studeant pensare: Grata interim & integerrimis, contemplatione naturæ humanæ. Ciuilitas vbique aut amorē gignit, aut certè lenit odium. Verum ea in magno Principe longè gratissima multitudini. Sed hæc hætenus. Iam & illud obseruet Princeps ne quosdam veluti fucos alat, qui per speciem religionis ociosam ducere vitam quærunt. Igitur cum Malsiliensibus id efficiat potius

Quid Malsilienses cum iuueniunt fecerint.

vt Iuuenes varias arteis exerccant.
Mercaturæ dent operam, vt pro cuius-
que conditione commoda sit rei paran-
dæ ratio, ne forte aliqui nimia indigen-
tia coacti, vel ad furta vel etiam ad
alia iniquiora facinora manus appo-
nant. Eò fiet, vt non modo populorum
maiores sibi conciliet beneuolentiam:

Sed eos quoque sit pacificè iustè
honestè ac piè mo-
deraturus.

PRINCIPIE SVA

*ditione debere prouentus**Quos tamen neque inu-**tiliter expendi, neque in**homines indignos distra-**hi conuenit: præterea non**esse illi ab vlllo aliquid eri-**piendum, vt alteri donet.*

CAP. XXIX.



Quoniam Principem
 vt iam supra dictum
 est, liberalem esse de-
 cet, neque suis parce-
 re bonis, vt populo
 prodesse possit, Idcir-
 co constitutos habet prouentus ex ordi-
 nariis tributis ac vectigalibus, quemad-
 modum illi sacrae etiam literę conce-
 cedunt. Nam si nihil è publicis *Rom. 13.*
 redditibus acciperet, nullam posset
 erga suos beneficentiam ostendere.

Verùm enim uero in ipsa magnificen-
tia præstanda rectè consideret Prin-
ceps & quomodo, & quando, & quibus
det, ne dum vni prodesse cupit obsit al-
teri. M. Tullius hac de re suis in officiis
ita loquitur: Videndum est, ut ea libe-
ralitate utamur, quæ pro sit amicis, ne-
mini noceat. Quare L. Syllæ, & C. Cæsa-
ris pecuniarum translatio à iustis do-
minis ad alienos, non debet liberalis vi-
deri: nihil est enim liberale, quod non
idem iustum. Hicque arbitrantur se be-
neficos in suos amicos visum iri, si locu
plebent eos quacunque ratione. Id au-
tem tantum abest ab officio, ut nihil
magis officio possit esse contrarium.
Præterea cauendum ne nimia liberali-
tas in prodigalitatem degeneret, atque
inde fiat, ut ipse postmodum egere in-
cipiens, imprudentiæ meritò argua-
tur, suisque contemptui sit. Insuper
videat Princeps ne ingratos, aut Sar-
danaplos dilet, qui sua ipsius abutan-
tur liberalitate: Neque gloriæ tantum
cupiditat

cupiditate sit profusus in quoslibet:
 quod idem M. Tullius itidem repre-
 hendit, inquit. Videre licet plerosque
 non tam natura liberales, quàm qua-
 dam gloria ductos, ut beneficia videan-
 tur facere multa, quæ videntur magis
 proficisci ab ostentatione, quàm à volun-
 tate: Talis autem simulatio vanitati
 coniunctior est, quàm aut liberalitati aut
 honestati. Beneficus igitur sit in suos
 omneis ipse Princeps natura duce, co-
 mite studio, ut pastoris instar vel potius
 partis omnibus prosit, quacunque tan-
 dem ratione id efficere possit. Cæterum
 quum illi res est hac in causa cum gra-
 tis hominibus, qui receptorum benefi-
 ciorum memores quoquo modo gra-
 tiam referre student, abundantius lar-
 giatur. De gratis enim huius generis
 hominibus idem Cicero sic habet: De
 benevolentia, quam quisque habeat
 erga nos, primum illud est in officio, ut
 ei plurimum tribuamus, à quo pluri-
 mum diligimur. Sed benevolentiam
 non adolescentulorum more ardore

quodam amoris, sed stabilitate potius
 & constantia iudicemus. Sin erunt me-
 rita, ut non incunda, sed referenda sit
 gratia, maior quædam cura adhibenda
 est. Nullum enim officium referenda
 gratia magis necessarium est. Quod si
 ea, quæ utenda acceperis, maiore men-
 sura, si modo possis iubet reddere He-
 siodus, quidnam beneficio prouoca-
 ti facere debemus? An non imitari a-
 gros fertileis, qui multo plus afferunt,
 quàm acceperunt? Etenim si in eos,
 quos speramus nobis profuturos non
 dubitamus officia conferre, quales in
 eos esse debemus, qui iam profuerunt?

*Duo gene-
 ra liberali-
 tatis Cice-
 roni.* Nam quum duo genera liberalitatis
 sint, unum dandi beneficium, alterum
 reddendi, demus necne, in nostra po-
 testate est: non reddere bono viro non
 licet, si modò id facere possit sine ini-
 iuriâ. Haftenus Cicero. Cui quidem
 etiam si videatur in nostra esse potesta-
 te non dare, tamen ausim affirmare,
 id Principi vix licere, qui nulla re ma-
 gis, quàm largitione populorum sibi

an

animos deuincit: id quod Pyrrhi Philippi & Alexandri Regum exemplo facile probari potest, vt interim de quamplurimis alijs nihil dicam.

Pyrrhus nanque sua munificentia cōplures vrbeis sibi conciliauit. De Philippo autem dictum est, Non Philippū, *Pyrrhi, Philip-
pi, atque
Alexan-
dri libe-
ralitas.* sed Philippi aurum Græciam subiugasse. Alexandri verò liberalitas tanta ex-
titit, vt non æquo animo ferret à quo-

quam sua munera recusari, quod in Atheniensi Phocione, qui centum talenta ab se illi dono missa noluit accipere liquidò demonstrauit. Horum igitur ac similium si vestigijs insistent Prin-

cipes, odioso auaritiæ crimine vi-

tato, liberalitatísque grato no-

mine conquisito, euadent

suis omnibus cha-

rissimi.

AD PRINCIPIS MAGNI-
*ficentiam ac generositatem pertinere
 non modo suas, verum etiam sibi fœ-
 dere coniunctorum Prouincias tueri,
 quoties iniuste ab hostibus infestatur.*

CAP. XXX.



MAGNANIMO-
 rum Regum, poten-
 tiũque Rerumpu-
 blicarum partesunt
 vt non seipsos tantũ,
 sed & socios fœderi-
 bus coniunctos ab hostium infestatio-
 nibus iniquis defendere, præsertim quũ
 periculum imminet, vt in ipsorum ho-
 stium ditionem iniuste deueniant. Exi-
 mium specimen huius bonitatis impe-
 rium Romanũ olim præbuit, de quo
Suis in of M. Tullius ita scriptum reliquit. Quan-
fic. diu imperium populi romani benefi-
 cijs tenebatur, non iniurijs, bella aut
 pro

pro socijs, aut de imperio gerebantur: exitus erant bellorum aut mites, aut necessarii: Regum populorum, nationum portus erat, ac refugium Senat⁹. Nostri autem Magistratus, Imperatoresque ex hac vna re maximam laudē capere studebant, si prouincias, si socios æquitate & fide defendissent. Itaque illud patrociniū orbis terræ veriusquā imperium poterat nominari. Sensim hāc consuetudinē & disciplinam iā antea minuebamus, postremo Syllē victoria penitus amisimus. Hæc M. Tullius. Quæ licet ex plurimis ipsorum Romanorum historijs manifestissima sint, vel vnius tamen Flaminij factū in vni- *Flamini?* uersa Græcia liberanda satis supérque iudicio esse potest. Vt interim prætermittam quā benignē se gesserint in defendendis Iudæis, vt in primo Machabæorum libro diffusissimē contine- *Cap. 8. Ios. 10.* tur. Quid? an non & Iosua Gabaonitis olim suppetias tulit, quum obsiderentur ab hostibus? ob id modo, quod sibi fœdere licet fraudibus impetrato con-

iuncti essent. Nec solum exempla sed
& præcepta sacra nobis literæ submi-
nistrant, quibus ad beneficentiam cha-
ritatēque præstandam amicis æquē
atque inimicis iurecogimur. Nanque
sic inquirunt. Si inimici tui asinum vi-
deris oneri succubuisse, ne ei auxilium
denegato, sed opitulator. Si conseruan-
dis huiusmodi minutulis rebus curam
adhibere iubemur, quanta obsecro soli-
tudine Ciuitates, Regna, Respubli-
cas, quæ maximi momenti sunt res,
curare & conseruare debemus, quo-
ties ab hostibus opprimuntur iniuste?
Circumuenitur viator aliquis à latro-
nibus, grassatur ignis in propinquas
ædeis: Inuadit lupo in gregem aut
armentum, concurrunt vndique vici-
niores, vt oppressis opem ferant. Si
naturaliquodam instinctu ad hæc pri-
uata officia indigentibus præstanda du-
cimur, quanto maiore studio publica
rebus itidem publicis egentibus tene-
mur exhibere? Quod si hæc efficiendi
nulla penitus adesset alia ratio, id sal-
tem

tem Principes mouere deberet, vt se beneficos ac liberales in aliorum necessitatibus prouidendis ostendendo, magnanimitatis ac iustitiæ sibi nomen acquirant, ociosæ vitæ infamiam fugiant, vt etiam M. Tullius consulit, inquit, Magis est secundum naturam pro gentibus, si fieri potest, conseruandis aut iuuandis maximos labores, molestiasque suscipere, Imitantes Herculem illum, quem hominum fama beneficiorum memor in Concilio Cœlestium collocauit: quàm viuere in solitudine non modo sine vllis molestijs, sed etiam in maximis voluptatibus, abundantem omnibus copijs &c. At enim quàm pauci sunt hodie Principes, qui ità sint affecti, vt Hercule in persequendis Tyrannis hominum monstris imitari studeant, suisque solummodo contenti sint. Quod si tales eorū aliqui sunt, vt à bellis abstinere nō valeāt, expeditiōne in Turcas parēt, qui plurimas Christianorū prouincias iniusto titulo pos-

sident, atque inde sibi quantum libuerit, ditionis accipiant, imperiique fineis arbitrato suo circumquaque dilatent.

IUSTITIAM DIVINAM
*semen esse in pectoribus hominum
satum.*

CAP. XXXI.



XISTIMAVIT Anaxagoras Homerum in id poema suum composuisse, ut optimi Principis institutum ostenderet, iustitiamque administrandi dominatum proponeret.

*Platonis
dictum.*

Iouis igitur discipulos Principes vocat, qui Deorum instar iustitiam & ipsi servant, & alijs observandam exhibeant. Plato itidem dixit, optimum in hominibus esse iustitiam. In sua namque republica fuisse hanc ab altissimo rerum omnium Monarcha Deo productam indicat. Quod illi commune est cum multis

multis aliis doctissimis viris qui hanc
 cœlestem esse virtutem autumant hu-
 manis à Deo mentibus insitam, vt inde
 numini præcipuum honorem ac reue-
 rentiam ferrent. Marcus item Tullius
 in suis legibus idem frequenter affirmat.
 Officiū igitur duplex continebit iusti- *Iustitiæ*
 tia, vt & cultu debito veneretur Deū, *duplex of*
 & charitate non ficta prosequatur ho- *ficiū.*
 mines. Hanc Cicero suis in officiis,
 multas in species diuidit: de Quatum
 aliquibus nos hîc nonnihil dicemus;
 ita nihilominus, vt ab ipsius definitione
 prima nobis instituenda sit oratio. Ari- *Iustitiæ.*
 stoteles itaque sic hanc definit, vt eam
 dicat habitum esse quendam, per quem
 iustorum operationes fiunt: & per quā
 agunt, & volunt res iustas. M. vero Tul-
 lius hanc esse virtutem ait, qua singuli
 sua secundum.leges possident, suam
 cuique tribuens dignitatem. Cuius qui-
 dem virtutis laudes hîc satius fuerit si-
 lentio præterire, quàm de ipsis pro sua
 dignitate non loqui. Tantam enim se-
 cum sublimitatem affert, vt etiam in-

*Iustitia
plures
partes;*

ter latrones venerabilis habeatur : ut non hîc referam plurimorum tam priuatorum,quàm publicorum hominum exempla, qui hac ipsa quondam æquifimè vñ, immortalem sibi gloriam perperere, iam, ut dictum est supra, sunt qui iustitiæ plureis parteis attribuant. Ac primam quidem diuinam, Secundam verò naturalem, Tertiam autē ciuilem, Quartam sanè iudicialē vocēt. Diuinā porrò esse aiunt, quā Deus ipse mortaliū mētibus inserat, sic inquā, ut per hāc reliquis omnibus animantibus præferēdi sint, atq; inde fiāt, quoad eius fieri potest, itā similes Deo, ut non nisi pietatē, innocentia, veritatem, sanctitatemque sectentur. Naturalē autē eā esse iustitiā dicūt, quę cūctis quidē animātib; nō ex æquo tamē omnibus ab ipsa natura donetur, ut videlicet se omnes ac suos fœtus enutriant, ac tueātur, seruandæ posteritatis curā habeāt. Socratici phi'osophi iustitiā naturalem esse inquiūt, æqui, rectique notitiā, quā si sua sponte quis ad ysum atq; exercitationē trans

trāsferat, vir probus euadat, multo probior etiam futurus, si alios quoque idē efficere doceat. Ergo quādiu per se homines iustitiā nō exercent, suauis eius fructus non nisi per quandam imaginationem percipiunt, si verò per seipso operā operibus iustitiæ nauēt, eò maiorē felicitatem nāciscētur, quò virtus eiusmodi circa difficiliora versabitur. Ciuilē verò iustitiā esse inquit, rectā Magistratū administratiōē, quæ sibi subiectos accuratē, moderatēque regat: ab iniurijs tueatur: Vnicuique quod suum est tribuat. Pro personarum meritis munera dispenset: Mala denique omnia pro viribus amoueāt, bonaque omnia introducat. In primis igitur curæ debet esse Principibus, qui hāc administrandā susceperūt, vt malos in religionem inuectos mores amoliantur, temperatē tamen id fiat, ne contingat inde tumultus aliquos excitari: Mox verò & reliquæ consuetudines prauæ tollantur è medio, ne perditos homines omnino perdāt. Quod à Xer-

*Iniusti-
tia.*

se cum Babiloniis non solum non fuisse factum, sed potius licentiam fuisse introductam iusta reprehensione non careret. Ad hæc Principes neque iniuria quæquam afficiant, ipsi, neque ab aliis affici patiantur, sed iniuriis in proximos nequaquam parcant. Duo iniustitiæ genera recensentur à M. Tullio. Vnum eorum, qui inferunt; Alterum eorum, qui ab iis quibus inferuntur, si possunt, non propulsant iniuriam. Nam qui iniuste impetum in quempiam facit, aut ira, aut aliqua perturbatione incitatus, is quasi manus violenter videtur afferre focus. Qui autem nec defendit, nec obstitit, si potest, iniuriæ, tam est in vitio, quam si parentes, aut amicos, aut patriam deserat. Quod ad eam quoque sententiam comprobendam facit, quam paulo supra iam diximus, debere videlicet Principis iniuriis suorum propulsandis insistere. Superest ut de iudiciali Iustitia iam aliquid etiam dicamus, quam ad ius reddendum pertinere existimant. Acquæ hæc ab iniquo per leges discernit,

nit, sic inquam vt Epicurei dicant, res nō natura, sed legibus aut iustas, aut iniustas fieri, quæ quidem leges virtutem in hominibus requirant. Idem Socratis præceptor Archelaus in seipso tam sensit. Iudiciales potro leges, eas esse dicimus, per quas iudex iustum ab iniusto secernit. Et licet priuati quoque homines has easdem sequentes, ita prauos temperent affectus, vt in nefas nō facile ruant. Magistratus tamen per illas multo magis fontium omnium errata corrigunt, quum sit ipse veluti viuæ lex, quæ iuste grauiusque disponit omnia: *Iustitia*
 Vt nō immerito iustitiæ pposuerit illa imago perginē Chrylippes, quem admodū refert Chrysippus. A. Gellius, in hanc formam. Dicitur *pum*, virgo esse, iudicio tam esse incorrupta: improbis nunquam concedere: non orationem modestam, non precationem, non adulationem, non denique quicquam aliud pati. Quas ob res meritō tristis etiam ac contracta fronte pingitur, cultu graui, aspectu contento & toruo, vt iniustis terrorem incutiat, iustis

fiduciam præbeat: quando huiusmodi
facies iustis grata, iniustis molesta est.

Lib. 14. Hæc A. Gellius ex Chrysippo. Quàm

Cap. 4. verò iniqua nonnulli de iustitia, deque
legibusenserint, à Deo lata lex per Mo-
sem facile indicat, quæ veram iustitiam
aliunde quàm ex naturæ viribus proue-
nire contendit. Consultò prætermisi-
co de iustitiæ genere hîc loqui, quod
Principes exercere debêt, in suis æqua-
biliter ab iniuria defendendis: in pro-
curando, quæ sunt necessaria tum op-
portuna sint populis in rectè distribu-
dis & muneribus & officijs, ac præser-
tim quæ ad religionem pertinent, præ-

pterea quod ijs de omnibus alijs

bi quoque hoc in volu-

mine dictum

iam sit.

QUANTIMOMENTI SIT

fides. Et quàm vituperabile sit nō stare promissis.

CAP. XXXII.



IUSTITIAE fundamentum fidem esse M. Tullius arbitrat, sine qua nec reliquæ virtutes, virtutes putandæ sunt.

Quid autem iniquius quàm eum decipere, qui tibi fidat? Quid magis impiū quàm Deū fallere, quē tuis pmissis adhibueris testē? præsertim vbi agitur de iure publico. Nihil enim est aliud iusiurandum quàm affirmatio religiosa, quā qui violat, is fidem violat, quæ proximū in Capitolio Ioui locū tenet. Quātā in veneratione habitū sint, apud Siculos, Palici Iouis Thalia ex Nympha filij, ob iurisiurandi religionem, testis est sacra ædes, illis propter eam cau-

fam-dicata. Aegyptios fama est capite
 punisse periuros. Varijs autem iurifiu-
 randi formulis vsos fuisse antiquos no-
 tius est, quàm, vt hîc referri debeat,
 quemadmodum Herodotus de pluri-
 bus gentibus annotauit: Diuersos quo-
 que fuisse mores in feriendis publico
 iuramento fœderibus compertissimū
 est, quibus quidem qui non stetissent,
 vr pactorū, promissorumque violato-
 res: ingentibus deuouebantur suppli-
 cijs. Sed Christianis datam fidem in
 rebus honestis non seruasse tam pu-
 blicè, quàm priuatim, adeò iniquum
 fuerit, vt iure merito Deus ipse cri-
 minis huius reos grauibz afficiat pœ-
 nis. Quemadmodum etiam in veteri
 testamento cum Saulo, qui fidem Ga-
 baonitis prœstitam non seruauit, factū
 fuisse testantur sacrae literæ. Idē & pro
 Prusias. fanæ de Prusia Bithyniæ Rege ostē-
 dunt: qui ob fidem quam Annibali de-
 dērat, violatā ab Nicomede filio pulsus
 Regno miseram obiit mortem. Quid
 Tarquinij superbi perfidia, qui Scruio
 Tullo

2. Reg. 21.

Tullo focero Regnum abstulit? an non debita sceleri suo recepit præmia? Sed nimis hîc longum fuerit ex historijs omnibus facinoris huius exēpla referre velle, quæ quum priuatis tum publicis in negocijs fraudulenter, infidelitèrque peractis acciderūt. Verum vt æquū non est quenquam per fidem aut simulatam, aut non seruata decipi, sic è cōtrario par est, neminem esse tam socordem, vt sibi temerè patiatur imponi. At purgitanorum aduersus Polemonem Regem prudens actus, documento cæteris esse potest, quàm non sit inutile, non nunquam cretizare cūm Cretensibus. Nam qui paratus est alios circumuenire fraudibus, nullo iure conqueri potest, si aliquādo ipse quoque circumueniatur ab alijs. Cæterum ea est adhibenda fideli reuerentiā, vt etiam iusbellicū (quod ait Cicero) fidelsque iuristia Parthorandi sæpe cum hoste seruanda sit: *ru iniqu?* Quis autem æqui honestique amans *mos.* Parthorum cōsuetudinem prober, qui rem turpem stare promissis arbitrabā-

tur: quum viri fortis esse putarent
 ac prudentis, omnia fraudulenter ac
 violenter agere. At longè diuersus
 mos Romanis fuit, qui multò præsta-
 bilius virtute vincere, quàm dolo exi-
 stimabant: quod præsertim ex T. Ca-
 milli, & C. Fabritij dignissimis exem-
 plis videre licet. Etenim de Fabritio
 seorsum refert. M. Tullius libro offe-
 ciorum tertio talem narratiunculam.
 Quum Rex Pyrrhus populo Roma-
 no bellum vltro intulisset, quumque
 de imperio certamen esset generoso
 cum Rege ac potente, perfuga ab eo
 venit in castra Fabritij, eique est pol-
 licitus, si præmium sibi proposuisset,
 se, vt clam venisset, sic clam in Pyrrhi
 castra rediturum, & eum veneno ne-
 caturum. Hunc Fabritius reducen-
 dum curauit ad Pyrrhum: idque eius
 factum à Senatu laudatum est. Huc
 usque Cicero. Peni verò nã leue du-
 cebant fidem frangere, vt iam abie-
 rit in prouerbiũ, Agere punicæ fide
 nihil

nihil aliud esse, quàm decipere. quod
 vel ex Annibalis Carthaginensis ope-
 ribus liquet satis, vt de Amilcare nihil
 dicam. Romanorum autem fidei tan-
 tus honos est habitus, vt Aegypti Rex
 Ptolomæus è viuis discessurus popu-
 lum Romanum testamento tutorem
 paruulo adhuc filio, quem heredem
 instituerat, reliquerit. Verum enimue-
 rò multa hîc tam fidelitatis, quæ lau-
 dem, quàm infidelitatis, quæ vitupe-
 rationem promerentur, exempla sciēs
 prudēsq; prætereo, ne in re manifestis-
 sima diuini immorandum sit. Hoc
 tantum addam, eius esse generis in-
 famiam, quæ ex fide non seruata,
 quæ ex periurijs, quæ ex imposturis
 nascitur, vt nullo smigmate vnquam
 amplius abstergi queat. Nec vllus
 Princeps, aut Respublica, quæ hu-
 iusmodi maculis infecta sit, amici-
 tiam cum alijs Principibus initam,
 fœdusue contractum diu seruare pote-
 rit. Denique vt Musarū quoq; senten-
 tiam

etiam hac de re coronidis vice subiunge-
 rem libuit hinc paucula quædam carmi-
 na supra iam dictis rebus ascribere. Sunt
 autem huiusmodi:

Mortalium quisquis est amator integer
Pacis bonæ, atque o for male discordiæ:
Puramque candidamque servato in

Fidem: neque flectas ad sinistram,
aut dexteram:

Ne si aliquando deferere hanc ipsam
pares,

Aduersa te tuosque fortuna impetat.
Quæ iure merito persequitur sic per-

fidos,
Ut non queat securi esse usquæ gentium.

Quin et agitant Furio hos malo-
rum vindices:

Faciuntque, ut eorum quisque sit Erc
Principes,

sub sibi:

Denique

PRINCIPI CVRAM HA-
bendam esse, ut non modo sibi subie-
ctos populos verum etiā alios Prin-
cipes, exterāsq̃ue nationes amicitia
sibi deuinciat: Deuinctōsq̃ue postea
temerē non offendat.

CAP. XXXIII.



ARVM omnino
 Principibus prodesset
 munitissimas habere
 prouincias, nisi popu-
 lorum beneuolētia cō-
 seruandas curarēt, A-
 liorūque Principum amicitia, extera-
 rumque nationum societate contracta
 defenderēt. Amicitia autem dico, quæ
 fidem ac iusticiam sibi coniunctam ha-
 beat: quod ea tantum, quæ inter bonos
 conflatur, vera demū amicitia sit. Hæc
 namque ut mutuis animorum consensu
 bus paratur, sic non nisi quæ recta sunt,
 tutari solet, ut non minus Ciceroni,
 quàm Aristoteli placuit. Contra verò

quæ inter prauos fit societas, vt prauis
 item affectibus conciliatur, ità denique
 dissidentibus animis propriæque utili-
 tati solummodo intētis durare diutius
 nequaquam potest. At enim quæ veræ
 sunt amicitia vincula, siue publicos,
 siue priuatos homines complectantur,
 vsque adeò tenacia sunt, vt etiam san-
 guinis propinquitati non cedant. Id
 quod Solomon quoque comprobat in-
 quiens: Hæret interdum magis ami-
 cus quàm frater. Huius autem ami-
 citia synceræ ingenium tale est, vt a-
 mici bonis æquè gaudeat, atque suis:
 malis verò non secus ac proprijs do-
 leat. Porro complures etiam inter
 neotericos docti viri treis in parteis
 hanc ipsam amicitiam distinxere, nimi-
 rum in Ciuilem, Naturalem, atque
 Hospitalem, vt ex ipsorum volumini-
 bus editis, quæ istiusmodi de re pertra-
 ctant, videre licet. M. Tullius quum in
 Amicitia sua de priuatorum hominum
 societate quamplurima disertissimè di-
 sputet, huc tandem euadit, vt dicat:

Quum

Prox. 18.

*Treis in
 parteis a-
 micitiæ di-
 uisio.*

Quum omni ratione animóque lustraveris, omnium societatum nulla est gratior, nulla charior, quàm ea, quæ cum Republica est unicuique nostrum. Chari sunt parentes, chari liberi, propinqui, familiares: Sed omnium charitates patria vna complexa est: pro qua quis dubitet mortem oppetere, si ei sic profuturus? Si ciues hoc inter se obseruandam patriam efficere debent, cur non idem efficiant cum fœdere sibi coniunctis Principibus ac Regibus? quorum opportunis auxilijs fit, vt sequæ suæque omnia commodius tueantur? Cauendum tamē ne nimia familiaritas (quod prouerbio dici solet) inter amicos contemptum pariat: aut nimia facilitas ad contrahendā pro leuiore quauis causa indignationem amicorum animos alienet. aut ficta proprij alicuius commodi nāciscēdi gratia simulatio magno labore sutā amicitia diffuat. Iniquum etenim foret, intimam illam coniunctionem, quæ focos & aras communes habet, quolibet prætextu temerario violare.

Omni

Cap. 6.

Super

Matth.

Cap. 14.

Homil. 50.

Omnino ut sola virtus amicitiae verae
fundamentum est, ita quae alijs de cau-
sis copulatur amicitia minimè diu stabi-
lis esse cōsuevit. In primis autem id eue-
nire solet ijs, qui tantum amicitias (ut il-
le ait) utilitate probant: De quibus etiā
Ecclesiasticus inquit: Est amicus mensa-
rum socius, qui in tuis difficultatibus
non maneat. Rebus quidem tuis secun-
dis erit alter tu: & in tuos domesticos
utetur libertate: Quod si fueris deiectus
erit tibi contrarius, seque tuo conspe-
ctui subtrahet. Hoc idē nonnulli porius
adulatores quàm amici cum Principi-
bus faciunt: Qui quandiu aut munera,
aut officia, aut pensiones ab eis habere
se sperant, tam diu sese amicos esse ostē-
dunt. Atque hi nonnunquam Rebus pu-
blicis maximopere nocere solent: Ut de
ijs Chrisostomus dicat: Non retineas
amicos damni magistros: non retineas
amicos mēsaē magis quàm amicitiae cu-
pidos. Hi omnes, crede mihi, nisi deli-
tibus disrumparis, non erunt tibi amici.
Qui verò virtutis gratia tecum viuunt,
erunt

erunt cōtinui, etiā si aduersa fortuna re-
 flauerit. Nolim tamē hęc sic accipi, vt in
 humanum debere Principem esse cen-
 seam, quum nihil magis illū, quā hu-
 manitas deceat, quæ non tantum ami-
 cos amiciores illi faciat, sed hosteis quo-
 que nonnunquam in amicos vertat.
 Cuius rei magnificum exemplum in
 Chisæ Duce atque ipsius fratre viris il-
 lustrissimis apud Valentiam Galliæ vr-
 bem editum habemus. Qui quum oppi-
 dum illud obsideret, duāsque Rhætorū
 militum cohorteis in eo contineri acce-
 pisset quæ contra Rhætici Magistratus
 edictum Cæsareo sese commiscuerāt
 exercitui, quod Rhætorum gentē sci-
 ret in vniuersum Gallis fœdere coniun-
 ctam esse, per publicum nuntium ipsis
 cohortibus indicauit, si vellent ex vrbe
 spatio temporis constituto se ad Gallos
 conferre, id illis impunē ac tutò peni-
 tus licere, alioqui cum alijs vrbe capta
 interficiendos esse. Qua in re quantum
 valuerit amicitix societatisque ratio
 animaduertere facilē possumus. At sic

hoc de publicis rebus dictum. Priuata
 verò an non habent & ipsæ suam lau-
 dem? Quænam ætas non celebrat ami-
 corum veterum aliquot paria? vt puta
 Dauidis ac Ionathanis: Thesei ac Piri-
 thoi: Orestis ac Pyladis: Damonis ac
 Pythiæ indiuiduam atque inseparabi-
 lem societatem? Sed de his aliàs. Verùm
 vt huic etiam capiti Colophonem ad-
 dam: Caueat Princeps ne veteris ami-
 citiæ fœdera temerè nouis commutet.

Cap. 9 Hac in re magis Ecclesiastici monitio-
 nibus obsequatur, qui ait. Amicum ve-
 terem ne deserito: nam recens ei
 par non est. Vinum nouum,
 Amicus nouus si inue-
 terauerit, id cum
 voluptate
 bibes.

CONC

CONCORDIAM AMAN-

*dam esse Principi: Neque nimium illi
fidendum suis viribus, Quam omnium
rerum vicissitudinem esse videat.*

CAP. XXXIIII.



VNT nationes a-
liquot admodum bel-
licosæ, quæ pertra-
ctandis armis conti-
nuam operam nauet.
Verum cæ si quan-
ti sit momenti concordia rectè perpen-
derent, fortasse bellorum tumultibus
atque incendijs vale dicerent: pacem-
que cum omnibus (quod in ipsis est) ha-
bere studerent. Nam concordia, vt ille
ait, paruæ res crescunt: Discordia ma-
ximæ dilabuntur. Quod animaduertē-
tes optimè Galliarū Henricus & Hispa-
niarū Philippus inuictissimi Reges, lō-
gis inter se dissidijs iā cōpositis, pacē ita-

complexi sunt, vt per affinitatis etiam iucunda vincula hanc eandem sanxerint. Quantum verò boni secum afferat concordia, Leontinus Gorgias ad Græciæ discordeis olim inter se Ciuitates facundissimè scripsit: quemadmodum & Demetrius Magnesius de Romanorum similitudinibus ad Pomponiū Atticum. Qui autem discordia bellorum parente, aut auaritiæ, aut alterius cuiusvis affectus vitiosi causa delectantur, merentur illi quidem acrem sanè reprehensionem, propterea quod & seipsos & alios, nonnunquam etiam totam patriam in ruinam trahunt. vt Iudæis duræ cervicis hominibus teste

De bel. Iosepho sepius accidit: neque enim tam
Iud. lib. facile martiæ flammæ restingui, quàm
 2. *Cap.* excitari solent. Et quâquam interdum
 16. ipsa bella cœlitus ad hominum castiganda peccata demittantur, nihilominus tamen quia diuina iudicia plerunque nobis occulta sunt, nihil omnino prætermittere debent Principes ac Magistratus, quod & ad pestem huiusmodi propul-

propulsandam, & ad suas regiones vndique tutandas faciat. Non se temerè periculis, vt fortes habeantur, exponat, Nam vt Mimus ait,

Non citò ruina perit vir, qui ruinam timet.

Et M. Tullius nunquam periculi fuga committendum est, vt imbelles timidique videamur: Sed fugiendum etiam illud, ne offeramus nos periculis sine causa, quo nihil potest esse stultius.

Tecum habita: semperque tuas vigil aspice vires.

Non est fortis; inquit Virus Ambrosius, qui nihil timet, sed timenda timere, non timenda contemnere conuenit. Fabius maximus cunctando potius, quàm pugnando victor euasit. Idem Antigonus fecit cum Pyrrho Rege. Contra verò nimia sui ipsius confidentia, multos præcipites egit. Sunt qui quum se maximè tutos putent, in maxima tunc præcipuè incurrant pericula: quemadmodum euenisse De-

In Hiftor. Macha. metrio Iosephus ait. Homines enim
li. i. cap. 8. (inquit ille) ante malorum peritiam v-
 tilitates suas non intelligunt, sed cùm
 in malis fuerint constituti, tunc men-
 te percipiunt, & agunt, quæ nihil læsi
 facere debuerant. Imperiorum vicif-
 situdines obseruentur, & quo pacto
 Regnum hoc excidat, illud exurgat, &
 qui modo imperabant, nunc seruire co-
 gantur, & è conuerso. quod in Persa-
 rum, Macedonum, Romanorumque
 Monarchijs, vt interim minora Regna
 Ditionesque præteream, videre nunc
 licet. Non est igitur, vt Principes rebus
 nimium secundis extollantur, quum
 varijs casibus omnia esse subiecta con-
 spiciant. Hactenus de viribus exter-
 nis, ac de corporis fortitudine dictum
 est: nunc reliquum esse videtur, vt de
 animi quoque robore non nihil loqua-
 mur. Hanc itaque animi fortitudinem
 diuersimodè multi definiunt. Socrates
 eam esse dixit, sciētiam, quæ doceat, res
 formidabiles non extimescere, periculo
 eas euitare. Chrysippus fortitudinem
 esse

*Fortitudi**nis animi**Definitio**nes varia.*

esse rerum aduersarum tolerantiam arbitratur. Aristoteles medium quoddam hanc esse ait inter nimiam audaciam, ac nimium timorem. M. Tullius illam sic describit. Fortitudo est considerata periculorum susceptio, & laborum perpulsio. Fortitudo est conseruatio stabilis iudicij obsequentis rationi. Proprium fortitudinis est in rebus arduis esse constantem, præsertim verò vbi vitæ discrimen incurrat, quemadmodum in bellis fieri consuevit, in quibus præsentem intetant omnia mortem. Cōiunguntur in nonnullis animi fortitudo ac vireis corporis, vt in Sāpstone, in Hercule, inque alijs quāplurimis cernere est. Quis nō miretur Leonidæ pectus inuictū apud Thermopylas? Quatuorq; Atheniensium in Marathonia pugna? Quis non laudet Scæuolæ constantiam, Syllæ tyrannidi sese opposentis? Utinam Rerumpublicarum, quæ Christo nomen dederunt, Senatores aliquot eadem essent animati constantia in religionis causa liberè defendenda, quum non modo Principes, verum etiam Senatores, ac

*De Leg.**Lib.1.**De inuict.**Lib.2.**Fortitudi-**nis pro-**prium.*

Iudices intrepidus esse oporteat, in omnibus quidem sententijs ferendis, at præcipuè in religionis ipsius honestissimis causis, vt hac de re supra quoque iam diximus. Perpaucos tamen esse crediderim, qui sapientiæ coniunctam fortitudinem habeant, vt æquum est pareis has incédere. Id Aristomeni Messenio, cui cor pilosum fuisse ferunt, contigisse credibile est, aut etiam Tritano Samniti, quod nihilominus Crotoniate Miloni nō contigit, quum ausu temerario interierit. Quid autem dicemus de animi fortitudine illa, quæ in causa religionis ostenditur? Quis non hanc summopere commendat? qualem extitisse in Iobo, in Apostolo Paulo, innumerisque alijs diuinæ literæ contestatur. Sed vt ad Principū fortitudinē reuertamur: id in primis illos decere arbitror, vt ne despondeant in rebus aduersis animum, Sed Annibalē, Mariū, Sertoriū, aliōsque cordatissimos Duces æmulentur, qui nunquam reflatū fortunæ cedere consueuerāt, quod il-

lis erat cò facilius factu, quod difficili-
bus atque asperis rebus iam inde vsque
à pueritia consuefecerant animum, vt
Cimbros ac Celtiberos transcam, qui-
bus mortis omnino nullum genus for-
midolosum erat.

NIHIL ANIMI FORTITV

*dini similis quàm Audaciam ar-
rogantem esse, quum tamen hæc Du-
ces atque exercitus in maxima di-
scrimina frequenter inducat.*

CAP. XXXV.



EXTINSE-
cam similitudinem
quandam cum ani-
mi fortitudine teme-
raria habere videtur
audacia, quum tamē
veræ fortitudini penitus contraria sit,
vt quæ nō modo pericula nō cōsideret

aut euitet, sed ad hęc incautē subeunda
 vel sine causa nonnunquam aggredia-
De of- tur. Quamobrē Cicero de hac ipsa sic
ficijs. ait. Temore autē in acie versari, & ma-
 nu cū hoste configere immane quidē
 & belluarū simile est, nec iudiciū forti-
 tudinis est. Sed quū tēpus necessitāsque
 postulat, decertandū est, & mors serui-
 tuti turpitudinīque anteponenda est.

Archida
mi dictū. Archidam? Lacedæmoniorū Princeps
 filio pugnā aduersus Athenienses præ-
 cipitanti dixit, aut vires tibi fili augendę
 sunt, aut audacia minuēda, Sēper igitur
 fortitudini inimica est temeritas,
 sempērque cōsilio vacat, siue illa ex a-
 nimi elatione nascatur, siue ex despera-
 tione, siue ex stupore, siue alia ex re qua-
 cunque. Q. Cepionis contra Cimbros
 & C. Flaminij aduersus Annibalē pu-
 gnarum exitus documēto esse possunt,
 quid impet? ratione destitutus valeat.
 Cōtra verò Fabij maximi prudēs cun-
 ctatio Annibalē ad ea vsque tēpora ro-
 manis insuperabilem vicit. Ille consilio,
 Marcellus executione pollebat, vt de
 vitroque

utroque sit iure dictum: Fabium quidē clypeū, Marcellū autē gladium Romanorū esse, ob idque simul iunctos à Senatu populóque Romano fuisse, ut præsentaneo alter alteri auxilio foret. Non debēt igitur Principes temerè aggredi, quod humeri postea (ut poëta inquit) ferre recusent: quemadmodum & Sebastianus Foxa super Aristotelis Ethicen inquit, Temerarius autem is, qui quod supra vires est, nulla habita periculi ratione, cōfidenter aggreditur: Quem idcirco necesse est, in ipso congressu deficere, quoniā plus quàm vires permittāt, tētavit &c. Scipio verò Africanus turpe esse aiebat in re militari dicere nō putarā. Idē negabat aliter cū hoste cōfligi debere, quàm quū aut occasio obueneret, aut necessitas incidisset: & quæ apud Valeriū Maximū sequuntur. Quod si omnino bellare iuuat, in infidelis ferātur, exēplo Iosue ac Dauidis: de quo Stapulēsis ita inquit. In sacris literis Dauid puer inermis, impaudus aggreditur Gigātem hamata lori-

Sebastianus Foxa.

*Lib. 7.
Cap. 2.*

ca, multiplicique telo tumētem: nudus
 occupat armātum, occupatum obtrun-
 cat. Vnus puer fortis decem millia cede-
 re cogit. Ecce quid pro cultu diuino ge-
 nerosæ mentis virtus infractaque forti-
 tudo valere debeat, cui semper virtutū
 Dominus fortissimus rerum aspirat ab
 alto. Et si hæc vel sola nunc inter Chri-
 stianos Principes regnaret virtus, non
 esset tam paruum nunc Christi Salua-
 toris regnum, & in tantis angustiis no-
 men eius contractum, qui ex duodecim
 fortibus totum sibi conquieserat orbē.
 & cætera, quæ longa oratione ibi prose-
 quitur ipse Author, quoad tandem ita
 concludit. Omnes Christiani gratijs
 habitis, & pijs ad Deum veræ fortitudi-
 nis parentem profusis lachrimis concla-
 ment cum Baptista mantuano,

*Surge, tu o pater ense tuos defende ne-
 potes,*

*Quam geris, aduersas feriat rhōphea
 cohortes:*

*Capadoces, Phrygij, virides vbi flumi-
 neripās*

Curuat

*Curuat, & argutos audit Meander
olores.*

*Et veteres Eneti, Cares ubi dicitur ortū
Augurium, Licij, Pontus, Bithynia
diues*

*Annibalis tumulo insignis, Lydique
vetustum*

*Vnde genus Tuscis fuluas ubi voluit
arenas*

*Diuitibus Pactolus aquis: Hæc om-
nia nostris*

*Hostibus, & rigido parent inuita ty-
ranno.*

*I Decus o Regum, tantoque accinge
labori.*

*Præteritisque nouam meritis hanc
adijce laudem,*

*Quam delere sequens annis labenti-
bus ætas*

*Nulla queat: sed quæ cœlo scribatur
& astris.*

*Parce tamen miseris: nec te fortuna
superbum*

*Elcuet, & casu virtus dominetur in
omni.*

Hæc de fortitudine, quæ sola Regno
rū lapsas, aspirāte Deo, releuat ruinas.

FORTITVDINI TIMIDI-
*tatem opponi: quæ sæpius in causa est
vt & Duces, & milites magno cum
dedecore vincantur.*

CAP. XXXVI.



NIMI fortitudini
timorem opponi ne-
mo est, qui dubitet:
qui quidem timor
quum animum inua-
sit, sic ipsius vireis e-
neruat, vt sæpe etiam in desperationē
inducat, vt de Oreste, de Atheniensi Ni-
cia, de Nerone, quamplurimisque alijs
apud Historicos legere est. Sunt qui per
somnia concitentur in terrorem, quæ ad
modum Pharaoni, Nabuchodonosori,
Galbæ, Vitellio, alijsque cōpluribus eue-
nisse

nisse constat. Quid de Perseo Macedo-
 nię Rege dicem? Quid de Pōpeio ma-
 gno? Quorū vtrique quū maximè opus
 esset vltimis in suis cōflictibus fortitu-
 dine, tunc maximè nimia formidine de-
 fecit animus. Solō vnus ē septē Gracię
 sapientibus vt ē cordibus militum, qui
 sua pro Republica pugnaturi erant
 metum excuteret, legem tulerat, vt eo-
 rum, qui inter pugnandum morerētur,
 liberi, stipendijs publicis alerentur. Vti
 nam hac tempestate nostri etiam Prin-
 cipes itā essent erga suos milites anima-
 ti, fidiiores illos, & animosiores habe-
 rent. Sed ad rem. Quū. Q. Fabij dictato-
 ris exercitus Annibalem ad Casilinum
 obsedisset, Pœni faciliè potuissent vinci,
 nisi Romanus miles fraudibus Anniba-
 lis circumuentus, formidine correpta
 cessisset loco, quemadmodum. T. Li-
 uius in De secundo bellō punico vo-
 luminibus diffusissimè narrat. Extat *Lib. 2.*
 etiā Ambronū populorū exemplū, qui
 suis sceminis formidosiores fuere. Nō
 extimescit impavidus miles vitā peri-
 culis

culis exponere, quoties rei dignitas id exposcit. At cōtrā timidus honoris oblitus ac famæ, vel minima discrimina vitare solet. Quid igitur illi prodest armare corpus, si animus inermis manet? Nam quidam adeò meticulosi sunt, ut quum classicum cani audiant, in publicum prodire nō audeant, animi torporisque viribus destituti. Vnde Iodocus in Ethicen Aristotelis inquit, Fugere laboriosa timidi est atque mollis. Idem ubi de verecundia tractat, sic ait: Stupidus siue. pauidus est, qui ex passione, non electione de quolibet tam honesto quàm turpi vituperationem timet; neque audet bonum opus aggredi, quia timet irrisiōnem hominum; ob cuius timorem abstinēt æquē ab honesto, sicut à turpi: quemadmodum timidus metu periculorum belli abstinēt ab aggrediēdis hostibus. Ergo bellica præcepta nequaquam seruat: Quia lex fortitudinis iubet, ut ne miles fugiat ab acie: ne deserat locum: non arma abijciat. Neque tātum immodicus timor pugnandi provinciam

In Mag.
Moral.
Aristot.

uinciam deserit, sed in molestioribus
negocijs homines interdum etiam ad
desperationem talem adigit, vt sibiipfis
manus consciscant: quod minimè post
tenebras lucem sperent. Id Catoni, id
Bruto, id Cæsio, id alijs permultis acci-
disse notius est, quàm vt hîc referri de-
beat. Quin & populi aliquot inuenti
sunt, qui mutuis volūtariisque vulneri-
bus desperata rerum suarum salute se-
ipsum interficiebant, aut sua sponte infi-
liebant in ignem vt saltem eo pacto ma-
nus hostilibus euaderent, quemadmodū
& Saguntini, & Numantini à Roma-
nis obsessi fecerūt. Quid? an non & San-
tium populus ter diuersis exercitibus
obsidētibz idem facinus perpetravit?
Quare quum timiditas plurium malo-
rum author sit, vt quæ neque publicis,
neque priuatis rebus prouideat
meritò cunctis fugien-
dam esse con-
tendimus.

QVAM REPREHENSIBI-
lis sit in Principibus Auaritia, præ-
sertim quando comitem habet ambi-
tionem.

C A P. XXXVII.



V M alia quam-
 plurima vitia, tum
 præcipuè Auaritia
 magnam perturban-
 di Principum, priua-
 torumque hominũ
 animos vim habet. Ea Stoicis tenacissi-
 ma cupiditas est, atque inordinatus a-
 mor, immò (vt Ouidius ait) amor sce-
 leratus habendi. Paulus Apostolus ra-
 dicẽ omnium malorum auaritiam esse in-
 quit: cuius auidi quidã à fide aberrarunt,
 & sese transfixerunt doloribus multis.
 Auarus igitur, vt etiam Mimographus
 ait, ipse miseriæ causa est suæ: nam quò
 maiores diuitias accumulat, idque per
 fas ac nefas, eò magis inter ipsas opes
 inops est, quum illi instar hydropici.

Quò plus sunt pota sitiantur aque.

Quo

Quo de vitio Valerius Maximus ita *Lib. 9.*
 scripsit. Protrahatur in medium etiam *Cap. 4.*
 Avaritia latentium indagatrix lucro-
 rum, manifestæ prædæ avidissima vo-
 rago, nec habendi fructu felix, & cupi-
 ditate quærendi miserrima. Moxque de
 Cypriorum Rege Ptolemæo sic inquit:
 Non possedit diuitias, sed à diuitijs pos-
 sessus est: Titulo Rex Insulæ, animo au-
 tē pecuniæ miserabile mancipiū. Quā-
 obrē M. Cato quum de corrigēdis mo-
 ribus cōcionaretur ad populū Roma-
 nū, dixit avaritiam ac luxuriam duas
 esse pestes, quæ potentissimum quod-
 que imperium destruere valerent. Cui
 sententiæ M. Tullius astipulans ait:
 Nullum vitium tetrius est, quàm a-
 varitia, præsertim in Principibus &
 Rempublicam gubernantibus: habere
 enim quæstur Rempublicam, non mo-
 do turpe est, sed sceleratum etiam ac
 nefarium. Itaque quod Apollo pythius
 oraculo edidit Spartā, nulla re alia nisi
 avarita esse periturā, id videtur nō solū
 Lacedæmonijs, sed etiā omnibus opu-

*Catonis di-
 ctum.*

De offic.

Offic. 3. lentibus populis prædixisse. Detestatur idem alibi. M. Craſſi & Q. Hortenſij factum, Qui quum. L. Minutij Baſilij locupletis hominis falſum teſtamentum in quo ipſi quoque ſcripti erāt heredes, è Græcia Romam eſſet allatum, quanquā euidēs fraus erat, inhoneſti tamē lucri captura inuitati ſuis eā authoritatibus cōtexerunt. An nō & Ingurta, quū Roma diſcederet, urbē illā venalem eſſe dixit, ſi emptorē inueniret? ac citò periturā quod nimirū malè parta, malè item dilabi cōſueuerint. Id quod etiam Demades athenienſis orator oſtendit, qui quum ingenteis diuitias per auaritiā paraffet, per luxum ac libidinem eas demum perdidit. Heu quām falluntur Principes, qui auaritia ducti populos indebitis grāuaminib⁹ impoſitis expilātes augere ſuos inde theſauros arbitrantur, ob id enim contracto in ſeipſos populorū odio, ruinæ aliquādo patent. Indicio eſſe poſſunt Lydi, qui Regē ſuū olim eandē ob cauſam cū tota familia interemptū, in Pactolū fluuiū præcipitarunt

tarunt, vt inde se auro exsaturare posset. Itaq; qui magna cupiūt (inquit Stapulensis) vt tyrāni nō illiberales, sed potius perniciosi, impij, iniustique dicuntur, vt Dyonisius Syracusanus, qui vbi auro & magnificis oblationib' tēpla Deorū spoliauerat, in Diuos iocabatur, cachinōsque mouebat. De quo Valerius maximus scribit plura ac paulo post. Turpi item versantur in lucro lenones, qui spe quæst' turpiter meritoria exercent: Nebulones genus hominū leuiū, aliorum fex, & nostri generis dedecus: Fœneratores, qui dant ad fœn' hoc est ad vsuram, & quorum nummi nūmos pariunt. Atque alia quamplurima, quæ in hanc sententiam subinfert inibi Stapulensis, quoad ad Iuueualis quædam carmina citāda descēdit, quæ sic habēt.

Sed quò diuitias hæc per tormenta coactas?

Quum furor haud dubius, quum sit manifesta phrenesis,

Vt locuples moriaris, egenti viuere factō?

*Interea pleno quum turgent saculus
ore,*

*Crescit amor nummi, quantum ipsa
pecunia crescit. •*

*Et minus hanc optat, qui nihil habet.
Et paulò infra.*

*Inde ferè scelerum causæ: nec plura ve
nena*

*Miscuit, aut ferro grassatur sæpius
vllum*

*Humanæ mentis vitium, quàm seua
cupido*

*Indomiti sensus: Nam diues qui fieri
vult*

*Et citò vult fieri. Sed quæ reuerentia
legum?*

*Quis metus, aut pudor est vnquam
properantis auari?*

Supra etiam dixerat idem Poëta.

*Et maiore domus gemitu, maiore tu-
multu*

*Planguntur nummi, quàm funera:
nemo dolorem*

*Fingit in hoc casu: vestem diducere
humanam*

*Contentus, vexare oculos humore co-
actus.*

*Ploratur lachrymis amissa pecunia
veris.*

Et non modo ploratur, sed plerun-
que curritur ad necem. O Auari ani-
maduertite, elegantem poëtam habe-
tis Ausonium Gallum vestrum fatum
describentem.

*Qui laqueum collo nectebat, repperit
aurum.*

*Thesaurique loco deposuit laqueum.
At qui condiderat, postquã non rep-
perit aurum:*

Aptavit collo quem reperit laqueũ.

Ita certè digna mulcta percūt, quos
auri sacra fames continuè strangulat:
Et nihil ad tantam miseriam finiendã
deesse putavit Ausonius præter laqueũ.
habent enim quem in sacris literis imi-
tentur, Iudam avarum, cuius fauces la-
quei constrinxerūt, & cuius media cre-
pātis viscera lapsa fluxerūt: Dignũ pro-
fectò auari speculũ. Quibus enim adẽ-
pti sunt virtutis oculi, illis relictĩ sunt

ad omnia turpia sensus. Et monstrum
Principum venatur capita, & nunc in
esca, nunc in poculis toxica miscet. Per
Deum immortalem ô Principes hanc
sæuissimam belluam, hanc Pandoram
omnium vitiorum parentem ab omni-
bus Regnis pellite. Hæc enim victoria
vobis securam vitam relinquet, vitā re-
stituetis pupillis, vitam orphanis, pau-
peribusque viduis. Deinde Author idē
Stapulensis Crafsi & Aquilij proponit
exempla, quorum vterque ob nimiam
auri cupiditatem infœliciter occubuit.
Mox argumenta quædam, quibus aua-
ri suum morbum defendere nituntur,
in medium profert, illisque omnibus
veluti per dialogum respondet. Verum
hæc apud ipsum Authorem cōmodiùs
videri poterūt. Nā nimis longum foret,
huc omnia velle transferre. Cæterū (vt
prosequamur inceptā) ingens omnino
mortalium, præcipuèque Principum
stupiditas ac stultitia est, qui quū Do-
mini creatarum rerum à Deo sint con-
stituti, seruos auri atque argentia-
rūmque

rúmque huiusmodi terrennarum rerū
 seipsos efficiant. Quibus etiam Chriſo *Homel. 31.*
 ſtomus ait: Auarus cupiditate æris alli- *In Mat.*
 gatus terrenis rebus affixus, & ſeruus *x. Cap.*
 factus ex libero, & cœleſtibus excidens
 nunquam de ſublimioribus cogitat: &
 cætera quæ ſequuntur. Hippocratis *Hippocra*
 igitur conſilio. parendum avaris fue- *tis ſenten-*
 rat, qui ait: Qui vult liber eſſe, non cu- *tia.*
 piat, quod habere non poteſt. Qui vult
 habere, quod optat, optet quod habere
 poteſt. Hoc peſtifero morbo complu-
 res ex antiquis Principibus addita in-
 ſuper ambitione laborarunt: qui in alic-
 na Regna contra ius & fas inuadentes
 populos, nationeſque ſibi ſubiugare ten-
 tarunt, non quidem vt illis beneface-
 rent, ſed tantum vt dominandi & habē-
 di vitioſæ libidini cū eorum detrimen-
 to ſatisfacerent. Quamobrē Caliſthe-
 nes Alexandrum increpans dixit. Si
 Deus es, beneficia largiri mortalibus
 nō ſua eripere debes: Si homo, id quod
 es, ſemper te eſſe cogita. Et ſcytharum
 legati eiufdem Alexandri cupidita-

tem moderari potuissent, si non altius imbibisset hoc immedicabile malum. Elegantem eorum orationem si quis videre desiderat, apud Q. Curtium inueniet: ad quem ipsum remittimus. Et Cyneas Thessalus Pyrrhum Regē pulchra deductione admonuit, ac salubre consilium dedit, ut à cædibus ac rapinis locorum, & gentium abstineret, suis, quæ sufficere illi ad felicitatem poterant, contentus. Quod sanum sanè cōsiliū, si secutus fuisset Rex, & filium, & seipsum in extremas miseras non coniecisset. Principes igitur nostri iam discant & ipsi auaritiæ atque ambitioni frenum imponere, ne dum terrenā ditionem iniuste quærunt acquirere, iuste cœlestem amittant. Nam hæc vitia adeò efra sunt, ut non sanguini, non amicitia, non fœderibus, non sexui, non ætati, non denique ulli rei parcant, ut quod sequuntur, assequantur, quod oblita suæ conditionis perpetuò se fruturā his bonis, quæ sibi quomodocunque tandem parauerint, arbitrentur.

Verum

Verùm qui Principes cupiunt ex im-
mundis huiusmodi Lacunis emergere,
quã veteres, tũ recentis euoluãt histo-
rias non minùs profanas, quàm sacras,
quoniam ex ijs omnibus liquidò cõpre-
hendere poterunt, nihil esse diutur-
num sub Sole: Transferuntur imperia:
Regna commutantur: Intercidũt Res-
publicæ: Ditiones intereunt: Qui domi-
nabantur seruiunt: Qui seruiebant,
dominantur: denique licebit obserua-
re cuncta, quæ aut olim per orbem
gesta sunt, aut nunc gerantur varijs
& casibus, & vicissitudinibus esse sub-
iecta: quemadmodum vt gentis Iudai-
cæ res diuinis literis contentas præ-
teream, Troianis, Græcis, Persis, Ma-
cedonibus, Romanis, Carthaginensi-
bus, Lacedæmonijs, Atheniensibus, in-
numerisque Regnis ac Ditionibus a-
lij s euenisse commonstrabũt eadẽ ipsæ
historiæ. Fœliciter itaque sapient, si alie
no periculo sapient: neque sanguinolẽ-
tis victorijs, aut populorum stragibus,

aut

aut regionum rapinis auidam possidē-
 di regnādīque cupiditatem explorē cō-
 tendent. Utinam saltem imitentur &
 Paulum Aemilium, & Africanumeius
 filium, qui ex maximis prædis deuicto
 ab hoste collectis nihil sibi penitus refer-
 uarunt, Sed in ærarium publicum ad
 communem vtilitatem omnia contule-
 rūt. Hoc Principum, Hoc Rectorum,
 Hoc Exercituum quoque officium est,
 prodesse populis, aut si quid ab illis ac-
 cipiendum est, cum bona eorum gratia
 est auferendum. Quid enim vtilitatis
 habet, violenter sibi parare thesauros,
 atque inde populorum beneuolentiam
 amittere? vix fieri potest, vt qui Dux
 aut iudex citò ditescere expetit, rectē
 munus iniunctum administret. Quum
 gloriaretur Sylla se ditissimum esse, re-
 spondit Senator quidam, quī potest fie-
 ri, vt vir sit probus, qui tam breui tam
 diues euaserit? quum præsertim nil sit
 illi à parentibus relictum? Vbinā hodie
Camill? inuenire est aliquē tā generosum ac li-
 beralem, quàm extitit Camillus? Cui
 quum

quum à Gallis oblatum esset aurū generose refutauit inquiring: Ferro, nō auro patriam esse seruandam. Itaque liberalitas patriam seruauit, quam illiberalitas auro corrupta perdere potuisset. Est enim liberalitati fides, auaritiæ verò comes perfidia. Darius Xersis pater *Darius.* in periculis dubiisque rebus quum pecunia opus esset, prouinciarum Præsides, Principesque accersiri iubebat, rogabatque grauiāne tributa irrogarentur; Respondentibus verò ea mediocriter se habere, dimidium vt ex quæstoribus soluerent præcepit: pluris enim populorum gratiam, quā pecuniæ magnitudinem faciebat. Nā liberalitas nulum nisi gratum pectus inhabitat. Phocion *Phocionis & fatum & dictum elegans.* qui quinquies & quadragies imperatoriam dignitatem legitur magna cū laude inijsse, perpetuò pauper fuit, quū facile propter dignitates sibi à populo traditas, diues esse potuisset. Cui quum multæ pecuniæ à Philippo Rege donomitterentur, nequaquam accipere voluit. Et hortantibus Oratoribus, vt si is facile

facile carere posset, filiis tamen acciperet, quibus difficile esset in tanta paupertate paternam dignitatem tueri: respondit: Si similes mihi erunt liberi, hic idem agellus, qui me ad hanc dignitatem euexit, illos educabit. Sin dissimiles, nolo his opibus eorum luxuriã alere. Et hic exemplo est, liberales facile ditescere non posse: & plus gaudere alijs sua dispensare, quàm aliena recipere. Hinc Iuuenalis ait.

MENSURA TAMEN QVAE

*Sufficiat census, si quis me consulat:
edam,*

*In quantum sitis atque fames, &
frigora possunt.*

*Quantum Epicure tibi cultis suffe-
cit in hortis.*

*Quantum Socratici coeperunt ante
penates.*

*Nunquam aliud natura, aliud Sa-
pientia dicet.*

Et alibi.

*Nemo petit modicis quæ mitteban-
tur amicis,*

A Sene

*A Seneca: quæ Piso bonus: quæ
Cotta solebat*

*Largiri. Namque & titulis & fa-
scibus olim*

*Maior habebatur donandi gloria.
Solum*

*Poscimus, ut cænes ciuilitè. Hoc fa-
ce, & esto,*

*Esto (ut nunc multi) diues tibi: pau-
per amicis.*

Et Horatius.

*Si quis pauperiem veritus potiore
metallis*

*Libertate caret, dominum vehet im-
probus, atque*

Serviet æternū, qui paruo nesciet uti.

*Imperat, aut seruit collecta pecu-
nia cuique.*

Epimenides verò dicebat, pecuniā
Avaro supplicium esse, liberali decus.
Cæterum si quis cupit intelligere, qui
nam sint verè diuites, Is M. Tullij Cice-
ronis vltimum paradoxum ad M. Brū-
tum perlegat, ibi enim hanc mate-
riam diffusissimè pertractatam videbit
diffu

diffusissimè pertractatam videbit: Cuius hîc verba referre supersedeo, tum quia vnicuique commodum est, apud ipsum Authorē hęc perspicere, tum ne nimis lōga recitatiōe lectorē remorer. Porro nonnulli sunt qui per ambitionē ad avaritiam defleant, propterea quod videant extitisse plureis, qui diuitijs ingentibus ingentem sibi nobilitatem compararint. Igitur ad idem hoc & ipsi facinus animati, quo iure, quaque iniuria corradere diuitias vndecūque conantur, vt ipsi quoque nobilitatem inde atque honorem adipiscantur. Quod innuere videtur & Aristoteles Ethic. 4. quum ait: Potestas, diuitiæque propter honorem expetuntur. Itaque qui hęc habent, per ipsa honoribus affici volunt, & quædam alia, quæ in hanc sententiam ibi sequuntur. Quum autē damnamus avaritiam, non propterea dicimus Principem non debere suarū rerum curam gerere, sed potius id volumus res ipsas ità rectè administrari, vt omnia virtuti consentanea sint, quod hęc

hæc sola mortaleis nobilitet, atque illu-
 streis faciat, ac magnanimos: Cui senten-
 tiæ sic adstipulatur Stapulensis in Ethi-
 cen Aristotelis, vt prolixiore disputa-
 tione hanc ipsam cõfirmet. Eam pote-
 rit Lector, si libuerit, apud eundem Au-
 thorem inspicere. Verùm de veræ nobi-
 litatis origine, deque causis ipsius insti-
 tuendæ, conseruandæ atque excolendæ
 si quis auct plura pernoscere, tam ex di-
 uinis quàm ex humanis literis, Pius Ae-
 neas in suis historijs abundè satis huic
 faciet. Nam hæc omnia oratione copio-
 sissima percurrit. Nos verò caput hoc
 ità concludimus, auaros homines tur-
 pis lucri Sectatores, diripiendis aliorũ
 bonis inhiantes ab sibi ipsis tantum na-
 tos neque nobilitatis nomen promerc-
 ri, neque si interdũ assequatur diu-
 tius conseruare, quum id eos
 iniusto titulo posside-
 re certissi-
 mum sit.

Y

OPTIMUM ESSE REMED-
dium ad seruandam in concordia
Ciuitatem, curare, vt quaedam sit in
ter Ciueis, quoad eius fieri potest,
æquabilitas, ne quidam elati nimi-
um, ceu Lupi ac Leones euadant.

CAP. XXXVIII.



Ensuum inæqualitas
 Aristoteli seminaria
 discordiæ inter ci-
 ueis plerunq; gignit
 quum illis de virtu-
 te potiùs quàm de
 diuitijs inter se certandum esset, quã-
 doquidem virtus ipsa nõ diuitiæ alium
 alio nobiliorem facit: quod in Aristide
 Atheniensi facilè est cernere, qui quã-
 uis ob virtutes alias præcipuèq; ob iu-
 stitiam qua erat præditus, iusti cogno-
 men adeptus esset, nihilominus adeò
 pauper extitit, vt suo sumptu iam mor-
 tuus effèrri nequiuerit. In quo tantum
 abest, vt sit habitus ignobilis, vt multo
 magis

magis inde suam & nobilitatem, & dignitatem auxerit. Ceterum quum eidē Aristoteli Ciuitatis corpus in plura membra diuidatur, nempe in Agricol- *Lib. 4. Po*
 las, in Artifices, in negociantes circa fo- *lit.*
 rum, in mercenarios, & in præsidiarios milites, quibus omnibus ad sui conseruationem vrbs indiget: Quumq; alijs idem Ciuitatis corpus in pauperes, diuites, mediocresq; distinguatur, Principi summopere vigilandum est, vt quā possit, maxima dexteritate, ac benignitate membra hæc omnia moderetur, vt vna cum capite totum corpus integrum seruari queat: Sed enim quum nihil tā noceat rebus publicis, tātumq; damni prouincijs afferat, quā vt in ijs insolentes, iniuriosi, superbiq; nutriantur, cauendum est Magistratui diligenter, ne facis huiusmodi faueat, qui nihil aliud quærunt, quā vt per ipsum impunè sibi liceat, ex rapinis alienorum bonorum & ociosè & vitiosè viuere. Sunt igitur aut interficiendi aut saltem expellendi, si consul-

rum patriæ velit ipse Magistratus, ne si nimium indulserit, obsequi tandem illis necesse sit. Aristophanis apud Valerium Maximum extat hæc de re admonitio in hæc verba. Aristophanis quoque altioris est prudentiæ præceptum, qui in Comœdia introduxit remissum ab inferis Atheniensem Periclem vaticinantem non oportere in vrbe nutrirî leonem: Sin autem sit alitus, obsequi ei conuenire. Monet enim vt præcipuæ nobilitatis, & concitati ingenij iuuenes refrænentur: nimio verò fauore, ac profusa indulgentia pasti, quo minus potentiam obtineant, ne impediantur: quod stultum & inutile sit, eas obtrectare vireis, quas ipse foueris. Hæc Valerius. Ergo qui sunt ita perditæ, nihil commune habent cum Aristide paulo supra iam dicto, nihil cum Epaminonda, nihil cum L. Mumio, nihil cum Fabio Maximo, nihil denique cum quàm plurimis alijs egregijs viris, quos patriæ potius, quàm sui ipsorum rationem habuisse cōpertissimum est.

Etenim

Etenim omnes hi virtutis tantum non diuitiarum, quas contemnebant, aut potentiae causa nobileis haberi volebant: Quæstumque putabant maximum, quam maximè seruire suorum ciuium commodis. Hoc idem nostris principibus efficiendum est, ac præcipuè cauendum ne populos ad iracundiam prouocent, vt ne inde seditionis alicuius occasionem præbeant, quemadmodum Romæ per nobileis factum aliquoties cum plebe fuit. Vt igitur nimio furore, immodicæque iracundia in suos excandescere ac seruire Principibus frequenter obest, ità mansuetudine, humanitate & clementia cunctis adesse, præsertimque nobilioribus & fauorem, & gratiam non mediocrem illis conciliat. Quod sic accipi velim, vt non propterea vetè Principes ipsos irasci, quoties iustis legitimisque de causis irascendum est: quum & Christus Iesus mansuetudinis omnis ac mititatis exemplum, summa nonnūquam exarserit indignatione aduersus pro meritis fonteis, quemadmodum.

Mat. 21. Euangelistæ contestantur. Psalmogra-
Ioan. 2. phus item quousq; sit fas iram exten-
 dere, nobis indicat, inquit: Irascimini & nolite peccare. Verum si quis de
 hac ipsa ira, deq; eius antidoto, mansue-
 tudine complura scitè scripta peroptat
Lib. 4. audire, Aristotelem adeat, qui his de re-
Moral. bus differit sermone locupletissimo.
Cap. 4. Nos verò Principem illum valdè com-
 mendandum esse ducimus, qui nouerit,
 quo tēpore, quo loco, quibus personis,
 quantū vniciq; delicto irascendū sit:
 sic inquam vt semper iræ præcipiti mo-
 derans ratio dominetur. Antigonus in
Antigo- Eumenum plūs quam par erat, iratus,
nus. illum ad necem, propositis etiam inter-
 fectori præmijs, exquirebat. Eumenes
 autem sua mansuetudine & calliditate
 vicit Antigonus. Quid? an non Apol-
 lonius quoq; Tyaneus Philosophus in
 causa fuit (vt nonnulli arbitrantur) vt
 Aurelianus Imperator mitigaret, ira-
 cundiam, qua succensus vrbi Tyanae in-
 terminatus fuerat se ne canem quidē
Clemēter. relicturum in ea? Antonius Pius adco
 Clemen

Clemens extitit, vt Scipionis celebra-
 tissimam sententiam in ore frequēter
 haberet, se malle vnum seruare ciuem,
 quàm mille hosteis occidere. Cai nō est
 notum consilium Athenodori Philoso-
 phi Augusto Cæsari datum ad reprimē- *Athena-*
 dam iram? vt videlicet iratus, nihil dice- *dori con-*
 ret prius, aut faceret quàm quatuor & *silium.*
 viginti græci Alphabeti literas mente
 percurrisset: icem ferè cum Alexandro
 magno Gymnosophista quidā effecit.
 Et Diodorus Siculus Author est: Sa-
 bacum Aegyptiorum Regē adeò san-
 guinis animaduersionem horruisse, vt
 capite reos, dānatosq; vinctos catenis
 operas vulgo per Ciuitates præstare iu-
 beret, ne interimerētur: Et quū (paucis
 interfectis sacerdotib⁹) īperare potuisset,
 spōte se regno abdicauit, maluitq;
 in māsuetudine, scelere vacare, quàm
 crudeliter diuturno regno potiri. Nihil
 hic dicā de Trasibulo Lai filio, de Pytha-
 gora, de Xenocrate, cōpluribusq; alijs,
 quorū māsuetudo cunctis est notissima.
 Sedenim cōtraria huic itacundia quos
 fecit⁹ pariat, vel vni⁹ Aftyagis exēplū, vt

innumera prætermittam alia, satis iudicio esse potest. Hæc nanque non modo
Lib. 9. non parcit inimicis, sed ne amicis quidẽ
Cap. 2. quanuis innocentibus. Hæc eadẽ Cru-
delitatem comitem habet. De qua Va-
lerius Maximus sic inquit, Crudelita-
tis verò horridus habitus, truculenta spe-
cies, violenti spiritus, vox terribilis, om-
nia minis, & cruentis imperijs refer-
ta. & quæ cum suis exemplis sequuntur.
Isocrates autem hisde rebus alloquens
Regem suum sic ait: Adimito metum ci-
uibus, neque velis admodum formida-
bilis esse ijs, qui nihil peccant: Nam ut-
cunque reddideris alios affectos in te,
itã & tu in illos eris affectus: & quæ alia
in eandem sententiam illic referuntur.
Non itã procul à crudelitate abest se-
ueritas. De qua nos quoque supra non
nihil attigimus. Verum quisquis expe-
tit seueritatem ipsam penitus intueri,
Lib. 6. plurãque ipsius exẽpla cõspicere, Vale
Cap. 3. rij maximi totum de Seueritate Caput
euoluat, in quo permulta comperiet
summa etiam admiratione dignissima.
Princeps

Princeps itaque cui cordi est, pacificè
 diùque regnare, feruidam atque impe-
 tuosam deuitet iram, affabilem & gra-
 tiosam humanitatē sequatur. Sic enim
 populi & longam illi precabuntur vi-
 tam, & libenter erunt in omnibus ob-
 sequentes. Quū Amasis Aegypti Rex
 contemneretur à suis quòd obscuro lo-
 co natus esset, id adeò non ægrè ferebat
 vt quotidie se illis humaniorem exhibe-
 ret, quousque tandem etiam commen-
 titia fabella, simulacro Iouis ex aurea
 trulla confecto, atque ipsis ad ado-
 randum proposito, comiter
 euicit, vt ab omni-
 bus fieret plu-
 rimi.

*Stapul. in
 Ethi. Ari
 stor.*

Y 5

VT VERITATIS AMAN-
tem, sic osorem mendacij Principē
esse debere: idemque in suis admini-
stris ac cæteris familiaribus require-
re, in super sua non omnibus commu-
tere.

CAP. XXXIX.

Lib. 4.
Moral.



Rrogantis potissimū
ac dissimulatores ar-
guit Aristoteles men-
dacijs, sic in quicens. Ar-
rogās itaq; præclara,
& ea, quæ nō insunt
& maiora quam insunt fingere sibi vi-
detur. Dissimulator autem contrā, ne-
gare quæ sibi insunt, aut imminuere so-
let. At medius quum sit talis, vt vnum
quodq; quale est ipsum dicat aut osten-
dat, tā vita, quā verbis est verax ea sibi in-
esse cōfitendo, quæ insunt, & neq; maio-
ra neq; minora. Et Paulò infrā. Itaq; Ve-
rax quū sit medius, est laudabilis: Men-
daces

daces autem ambo vituperabiles sunt, sed arrogans magis. Hæc Aristoteles. Cæterum nos eum veracem esse dicimus, qui de rebus & iustis, & iniustis, ita loquitur scribit, ac testatur, ut omnino se habet. Quamobrè si Principes cū suis Administris ex animo veritatē amabūt, neq; per se ipsi mērientur neq; alios mentienteis admittent. Artaxerxes militi cuidam mendaci tribus clauis perfodi linguā iussit. Gymnosophistæ naturales (inquit stapulensis) quasdā cōiectationes ad futurorum præsagia curasse memorantur, & reuoluto quoq; anno, consilium populorum conuocabant, & quid in illo anno futurum coniectassent, ordine denuntiabant. Quòd si quis in ijs, quæ denuntiauerat, in mendacio deprehendebatur, aliorum conuitio & maledictis mulētabatur, & reliquam omnem suam vitam in silentio & tenebris exigebat. Sic arbitantes eum, qui veritatem mendacio violasset, iustas Silentio temerariæ linguæ dare pœnas. Quod si verba tantum

puniuntur, quanto magis facta (vbi ad-
sunt) punitione digna sunt? Et quātum
patronis causarum in administranda
iustitia ipsi iustitiæ famulatur veritas,
tantum iniustitiæ seruit mendacium,
iustitiæque obest: Quapropter Cicero
clamat, se non intelligere, cur qui sentē-
tiam pecunia corrumpit, pœna dignus
sit: qui verò eloquentia, laudem ferat.
Verūm (inquit) mihi plus mali facere
videtur, qui oratione, quàm qui precio
iudicem fallit, quòd pecunia corrumpere
prudētē nemo potest, dicendo autē
potest. Et ideo hæc virtus iustitiæ Admi-
nistratōribus summè necessaria est, sum-
mèq; venerari debet, nec vnquā violari,
rēmque vnquā cōmitti tātō piaculo di-
gnam. Hæc Stapulensis. Altera quæ in
Principe suisque ministris requiritur
cōditio silentium est, & secretorū reti-
centia: Quod Simonidis ex sententiā
tutius est tacere quàm loqui: Et nemi-
minem tacendo, multos autem loquen-
do circumuentos agnouimus: Cecilius
Metellus exemplo est quanti sit facien-
da ta-

da taciturnitas: Sed idem Persæ multo magis ostendunt, apud quos disciplina vetusque lex est quia cauetur vitæ periculo silentium custodiri. Pythagoræ quoque suos discipulos prius tacere quam loqui docebat. An non etiam Anseres Taurum montem, qui aquilis abundat, præteruolantes rostra lapillis obstruunt? ne consuetudo vocem illis eliciat, atque ita fiat, ut ipsarum aquilarum præda sint? Naturæ documentum id esse potest, oportere, silentij, vocisque ratione habere eos, qui linguæ volunt effugere nocumentum. Chilonis inter sententiæ hæc recensentur. Quid difficile? arcana retinere: Ocium rectè disponere: Iniurias tolerare: His adiecit. Linguam semper, sed præsertim in conuiuio contine. Proximo noli maledicere &c. Iuuenalis item ostendit, quam indecorum sit habere loquacem linguam, sic inquit de Græcis.

*Ingeniū velox, audacia perdit, sermo
Promptus, & Iseo torrentior. Ede
quid illum*

Esse

*Esse putes: quemius hominem secum
attulit ad nos*

*Grammaticus Rhetor, Geometres
Pictor, Aliptes*

*Augur, Schenobates Medicus,
Magus omnia nouit.*

Inter huiusmodi loquaces homines
aliqui sunt, qui etiam mordacitate gau-
deant, quærantq; famâ illorum deni-
grare, quos Principibus ob benè gesta
chariores esse conspexerint, quum ta-
men illam potius tueri deberent, de
quibus Horatius ait.

Absentem qui rodit amicum,

*Qui non defendit alio culpante, So-
lutos*

*Qui captat risus hominû, famam-
que loquacis;*

*Fingere qui non visa potest: Com-
missa tacere*

*Qui nequit, hic niger est, hunc tu
Romane caueo.*

*Arcanum neque tu scrutaueris vl-
lus vnquam,*

*Commissumque reges & vino tortus,
& ira*

*Nec tua laudabis studia, aut aliena
reprendes.*


*Quid de quoque viro, & cui dicas
sepe videto.*

*Tercōtatore fugito: nam garrulus
idem est.*

Et eius generis alia permulta, quæ
apud eundē Poëtā passim leguntur.

*Quam horrendis puniat supplicij
Deus iniquos Principes.*

C. A. P. X L.

 **Q**uemadmodum iustis
aquisq; Principibus
itā fauet ipse Deus vt
etiam sui nominis ti-
tulos illis pro parte
communicet, sic ini-
quos, atque iniustos itā punit, vt in-
gentem formidinem supplicia intuen-
tibus incutiat: præterquā quod in-
terdū etiam subiectos populos illis re-
belleis faciat. Nam quum sint ipsi suis

excutiet, & consilia examinabit: Quod quum essetis eius regni Ministri, non rectè iudicaueritis, neq; legem executi fueritis, neq; vos gesseritis ex Dei voluntate. Ille vos horribiliter & celeriter inuadet: Nam in excellētissimos quosq; seuerissimum exercebitur iudicium. Etenim infimi venia digni sunt: at in potētes potenter animaduertetur. *Sap. 6.* Exempla verò tam frequentia sunt, vt superuacaneum videri possit, his fusius cōmemorandis insistere. Cui nō est notū quid impio Pharaoni, quid Adonise- *Exo. 10.* decho, quid Sisarē, quid Abimelecho, *Iosu. 10.* quid Saulo, quid Ieroboamo, quid Achabo, quid Iezabeli, quid Athalia, *Ind. 4.* quid deniq; innumeris alijs ob tyrannica scelera, facinorosamq; vitam euenerit? sexcenta morborū excruciantium genera sauiissimum Herodem, referente Iosepho, Machabæisq; torserunt: usq; ad miserrimam necem: poscēte nimirum Deo pœnas eiusmodi ob ipsius crudelia nefandaq; facinora. Herodes item alter, quod sibi diuinos honores *Act. 2.*

tribui passus est,erosus à vernibus ex-
pirauit,vt interim taceā quid Herodi
Antipæ Galileæ præfecto ob nequissi-
mas impietates acciderit. Caueant igitur
Principes, & maximopere quidem
caueant ne suis malefactis diuinam in
se iram atq; indignationem prouocent,
vt ne cum supra iam dictis, atque etiā
innumerabilibus alijs, quos fide dignæ
nobis historiæ proponunt, seuerissimè
puniantur. Id quod etiam Magistratus
omneis ac Iudices velim sibi dictū exi-
stiment. Nam per superiores Princi-
pes in hos quoque delinquēteis, & con-
tra ius iniuncta munera ministranteis
interdū Deus animaduertit asperrimè.

An non seuerū iudiciū in Iudicē Rex

Lib. 6. Cambyfes exercuit? De quo Valerius

Cap. 3. Maximus ità inquit, Cambyfes inusita-
tē seueritatis, qui mali cuiusdam Iudi-
cis ex corpore pellem detractam sellæ
intendi, in eaq; filiū eius iudicaturum
confidere iussit. Caterum & Rex, &
Barbarus atroci ac noua pœna Iudicis
ne quis postea corrumpi iudex posset,
proui

prouidit. Quamplurima elegantissimè
 conscripta leguntur apud Hesiodum
 de non corrupēda Iustitiæ: ex quibus
 hæc paucula mihi huc afferre libuit.

*Iustitiæ sacra iura domiant genus
 omne malorum.*

*Illa quidem virgo est supero Iouena
 ta parente.*

*Iustitiæ
 Imago ex
 Hesiodo.*

*Nomine clara suo, cœtuque verenda
 Deorum:*

*Quam si quis violet, lachrymans
 sua fata parentis*

*It Iouis ante pedes, & lamentabile
 fundens*

*Humanos queritur mores, ac debita
 poscit*

*Supplicia in populos. Tu Iudex cau-
 sa malorum,*

*Qui violas sacra iura Deæ, Iam di-
 rige mentem.*

*Ius cole, in alterius te nulla pecunia
 vertat*

*Damna, nocet sibi, qui cuiquā nocet,
 & malè suadet*

Ille sibi, qui quemquam si quis ma-

le iura ministrat.

Saty. 8. Cætera ex ipso Authore petantur. Iu-
uenalis quoque nonnihil ad hoc faci-
ens addit his carminibus.

*Expectata diu tandem prouincia,
quum te*

*Rectorem accipiet, pone iræ friena,
modumque.*

*Pone & auaritiæ, miserere inopum
sociorum.*

*Offa vides Regum vacuis exhausta
medullis:*

*Respice quid moneant leges, quid Cu-
ria mandet,*

*Præmia quanta bonos maneant,
quàm fulmine iusto*

*Et Capito, & Numitor ruerint dam-
nante senatu.*

Hæc igitur omnia Principibus do-
cumento sint, vt æquitatem ac iusti-
tiam colant, ab iniustitia & ab iniqui-
tate abstineant, ne diuinum iudicium
incurrant: nimis enim horrendum est
(vt ille ait) in manus Dei viuentis inci-
dere. Quod si rebus in omnibus vni tan-
tum

tum modo probitati ex animo studuerint, diuinum humanumq; fauorem facillimè consequentur.

DE VARIIS DONORVM

generibus, ac primum de ijs, quæ mortaliū animos corrumpunt; præsertim eorum, qui vel arma, vel iura pertractant.

CAP. XLII.



Dura esse donorum genera neminem ambigere arbitror. Nos autem aliquot hîc ab ipsorum usu denominauimus, de ijs primū dicturi, quæ quoniam menteis hominū corrumpunt, dona corrupcētia libuit appellare. Notint itaque Principes, qui tales Administros tā militiæ quàm domi habent, quibus hæc ipsa munera cordi sunt: suas res intuto non esse, propterea quod id genus homines siue bel-

la gerenda sint, siue forensia iudicia per tractanda, faciliè subuertunt omnia, nihilque aliud quærunt suis & consilijs & negocijs, quàm vt ad Donatoris arbitrium non ad Principis vtilitatem cuncta gerantur. Hinc sæpenuerò proditiões non minus in exercituum Ducibus reliquisq; militibus, quàm etiam in causarum ciuiliū Iudicijs oriri solent, quæ detrimenta secū maxima partim ipsis Principibus partim priuatis hominibus ferre cōsueuerint, nihil est enim tam iniustum, nihil tam difficile, quod per eiusmodi dona non impetretur, ac perficiatur, vt non sine causa dictum sit ab oraculo. Argenteis hastis pugna, & omneis viceris, significante Deo nihil esse quod pecunia nō expugnet. Hoc idem animaduertisse videtur Prouerbiorum Author, quum ait. Victoriā & honorem acquirit, qui dat munera. C. Pontius Samnis aiebat. Vtinam ad illa tempora fortuna me reseruasset, & tunc essem natus, quando Romani dona accipere cœpissent.

Prouerb.

22.

sent, non essem passus diutius eos impere. Nec illi quidem multa secula expectanda fuerunt. Plutarchus de Macedonum Rege Philippo refert, quòd *Philippi Regis de muneribus opinio.* quum arcem quandā ac præsidium capere destinasset valdè munitā, atq; exploratores retulissent prorsus esse difficile atque adeò etiā impossibile: percontatus est, nū vsque adeò difficile esset, ut nec asinus auro onustus posset accedere: significās nihil esse tam munitum quod auro non expugnetur. Quid? an non & Milesij oratores effecerunt, ut Atheniensis Demosthenes non anginam sed argentanginam passus nihil potuerit contra seipsum loqui? Non secus igitur homines donis quàm pisces hamo capi posse certum est, in superq; ipsa hæc dona munitiones quasvis bellicis omnibus machinis efficacius demoliri. Quare iustissimis de causis corruptrices eiusmodi largitiones tam diuinis quàm humanis legibus coercetur. Nam Deus ipse per Mosem multis in locis has easdem seuerissimè prohi-

bet inquiring Exodi vigesimo tertio capite .Ne donum accipito: nam donum cæcat etiam perspicacis, bonorumque virorum orationem peruertit. Deuteronomij quoque sexto decimo capite ijsdem ferre verbis idem repetit. Ne donum accipito: nam donum & Sapientũ oculos cæcat, & iustorum orationem peruertit. Multo etiam seuerius hoc ipsum facit eiusdẽ libri capite vigesimo septimo, quũ ait. Execrabilis qui donũ acceperit, vt homini per iniuriã vitam eripiat. Atque hæc postrema sanè interminatio, nõ Iudices modò perstringit, verũ etiam sanguinarios quosdã notat, qui pecunijs acceptis, eorũ qui dāt, inimicos, à quibus nũquam sint ipsi læsi, crudeliter interficiunt. Cæterũ quod ad Iudices attinet, quàm iniquè agant, qui muneribus corrumpi se sinant, vel ex primo Regum libro Capite octauo videre possumus, vbi Ioelis & Abia Iudicum perditis moribus factum est, vt libera prius Israëlitarũ Respublica ad Regni iugum peruenerit. Sic nanque
con

contextus habet. Quum autem con-
 nuisset Samuel, filios suos, quorū gran-
 diori Ioel, Alteri Abias nomē erat, Re-
 ctiores Israēlitis Bersabæ iposuit: Qui
 eius filij, quū eius mores nō imitaren-
 tur, sed ad auaritiā declinātes munera
 ob ius peruertendū acciperēt, Israēlitæ
 sibi Regē dari petierunt &c. Væ autem
 ijs Iudicibus, qui seipso precio vendūt,
 quoniā emptoribus huiusmodi obno-
 xij iam facti, neque crimina corrigere,
 neque fonteis punire nisi ad illorū vo-
 luntatem audent. Vnde fit, vt & paupe-
 riores opprimantur iniustè, & innocen-
 tes Nocentiū sint iniurijs oībus expo-
 siti, & id quidē per ipsos Iudices impu-
 né. Saltē ad memoriā reuocarēt quā ter-
 ribiliter Deus minetur ijs, qui largitio-
 nibus corrupti ex iusto impiū, & ex im-
 pio iustū faciunt. Nām quemadmodū *Psalm. 15.*
 ex Davidis Cātione beatus est ille, q̄ do-
 nū aduersus Innocentem nō accipit, sic
 miserrimus is futurus est idē qui accipit
 Esaia Propheta dicente: Væ qui fonteis
 absoluunt ob munera, & in fontib' suū *Cap. 1.*
 ius eripiūt. Quamobrē vt labens ignis

stipulam consumit, vt festucam flamma conficit, sic illorum stirps tanquam putre quiddam erit: Illorū frutex quasi cinis abibit, qui Domini repudiauerint legem, & eius dicta contempserint. Ne que tantū Iudices hoc vitium cōtaminat, sed & Sacerdotes inuadit, Prophe-
tæ Michæ testimonio, qui dicit: Prin-

Cap. 3. cipes ob munera iudicant: & Sacerdotes precio reprehendunt, & vates argento diuinant. Vbi nam quæso nunc sunt, quos Esaias commendat ita inquiring:

Cap. 33. qui se iustè gerit, æquumq; loquitur: in iuriosum lucrum respuit, suam manū ne dona capiat, excutit: aurem ne sanguinem audiat, obstruit, oculosq; ab iniuria videnda continet: Is altè habitabit. &c. Vtinam hac nostra tempestate Magistratus omnes ac Iudices tam integri tamq; incorrupti essent atque olim Samuel extitit, qui non veritus est suos his verbis alloqui. Quum vobis ab ineunte ætate ad hunc vsque diē præsuerim, respondete mihi præsenti coram Domino, coramq; vncto eius, eccui

eccui bouem aut asinū eripuerim? ec-
 quem fraudauerim, aut opprefferim?
 à quo prēmium acceperim, vt in eius
 crimine conuiuerem? & vobis satisfa-
 ciam. Cui illi: Tu neque nos fraudasti
 aut oppresisti, inquit, neque quicquā
 à quoquam abstulisti. Sedenim ea no-
 strorum temporum conditio est, vt si-
 quis nunc inueniretur tam innocens
 Iudex, omnibus ferè contemptui futu-
 rus esset ac derisui, quòd æqui honesti-
 que nulla ferè iam ratio vsque habe-
 tur, vt bonis etiam per malos bonis esse
 non liceat. Iudicibus tamen vel illud *Vlpiani*
 Vlpiani sequendum esset, vt nec om- *dictum.*
 nia, nec passim nec ab omnibus. Verum
 de his hætenus. Iam dicendum est etiā
 de alio donorum genere, quod adeo re-
 merarium atque impium est, vt ad san-
 ctū quoque spiritus functiones corrup-
 pendas, diuinęq; scripturæ verba de-
 prauanda aggrediatur. Atque vt hinc
 initium sumam: Rex Moabitarum Ba-
 lacus an non ausus est muneribus datis
 Balaamum tentare, vt Israëlitico Dei *Num. 22.*
 popu

1. Reg. 9. populo diras impræcateretur? Saulus quoque dum perditas parentis asinas vnâ cum famulo queritans non inueniret, vati cuidam oblaturus erat munus, vt ab eo, rescisceret, quod quærebat.

*De Ant.
lib. 6. s*

Super qua re Iosephus Historiographus ita inquit. Errabant autem ignorantes, quod non acciperet Prophetam mercedem. Et Franciscus Vatablus in suis annotationibus ait. Putabant enim Prophetam Dei accipere munera, sicut diuini eorum faciebant.

Daniel. 5. Balsasar item Rex Danieli proposuit ingentia dona, vt sibi explicaret obscurum dictum quod in pariete diuina manu conscriptum fuerat. Interpretatus est quidem ipse Daniel arcanum scriptum Regi, sed regionum munerum nihil ob id accipere voluit, vt cœlestia munera nō esse pensanda terrenis ostēderet. Vbi Iosephus idem sic ait. Quo facto Daniel dona quidem cum apud se retineret, dixit. Sapientiam nanque & diuinitatem sine suffragijs semper existere, & gratis prodesse credentibus.

In

In nouo quoque testamento suis disci- *Mat. 10.*
 pulis Christus ait, Gratis accepistis,
 gratis date. Porro quid acciderit Simo- *Act. 8.*
 ni Mago qui donum Dei existimauit
 pecunijs parari posse, notius esse arbi-
 tror, quàm vt nunc referendum hîc sit.
 Ergo qui verbi Dei Ministri sunt, si ad
 contaminanda ministerij sui munia,
 donorum sibi quamlibet magnus acer-
 uus porrigatur, statim cum Petro di-
 cendum illis est, pecunia tua tecum sit
 in perditionem. Ac nemini du-
 bium esse debet, quin præcipientes
 agendi sint, quicunque
 tandem, & quacunque
 tandem ratione id
 efficere ten-
 tauerint.

DE RELIQUIS DONO-
rum generibus, quæ Mortalium
animos conciliant: Et quæ honoris,
aut pietatis gratia tribuuntur: Et
quo pacto legitimè, sit ijs omnibus
utendum.

CAP. XLII.



Lia quædã donorum
genera sunt honesta
quidẽ illa & laudabi-
lia, propterea quòd
honestis de causis ac
laudabilibus fiant.

Inter hæc nobis id primùm recensend-
um est, quòd amicitia iam contracta,
aut contrahendæ gratia fieri cõsuevit.
Qualia extiterunt illa munera, quæ ob-
tulit Abraamus Abimelecho, & è con-
uerso: fœderis nanque & societatis in-
ter ipsos initę veluti pignus ac testimo-
nium fuisse constat. Quibus addi pos-
sunt & illa, quæ Solomon atque Hira-
nus Tyrriorum Rex inuicẽ sibi mittere
solebant.

Gen. 21.

3. Reg. 5.

solebant. Est & aliud largitionis genus *Gen. 32.*
 quod ad placandos iratorum animos adhibetur, cuiusmodi fuere donaria ab Iacobo ad Esau fratrem ad illius in se conceptam indignationem mitigandam missa: Et Abigaelis insigni prudentia atque eleganti forma mulieris ad Dauidem, ut eius aduersum Nabalem maritum suum merito concitatam exanderentiam committeret. His adiungi possunt & munera, quæ quod honoris causa mittantur, honoraria vocari queunt. Cuius generis habentur illa, quæ Pharaon Rex Aegypti donauit olim *Gene. 12.* Abraamo: & postea Iosepho Israëlitis filio alter Pharaon, quem etiam præfecit Aegyptijs. Solomon ite quamplurima huiusmodi & ad alios misit munera, & ipse recepit ab alijs. Ezechias quoque *3. Reg. 10.* à Merodaco Babiloniæ Rege data cum literis dona non respuit. Daniel insuper ab eiusdem Babiloniæ Regibus *Esaï. 39.* cohonæ status est maximis præmijs ac donationibus, quæ sanè Vir pius non accepisset, nisi se iusto titulo retinere illa

posse existimasset. Qua in re illud ob-
seruandum est, munera sacris in literis
haud in vniuersum prohiberi, sed ha-
bendam esse rationem locorum, tem-
porum, dantiumque ac recipientium
personarum, nec non etiam causarum
propter quas aut dantur, aut recipiuntur
ipsa munera. Sic enim fiet, vt perceptu-
ri facilius simus, quoniam ad præscriptum
diuini iuris siue dari, siue recipi legiti-
mè dona possint. De ciuili iure nihil lo-
quor, quum sui sint hominibus præte-
xtus per quos leges vel munerarias,
vel ad aliud facienteis in communem
sue patrie usum ferre pro tempore
consueuerint, quibus hinc præiudicare
non est animus. Id nihilominus pro
comperto est, multos extitisse Princi-
pes, multas item res publicas, quæ suos
ciueis ob egregium aliquod facinus
honestissimè munerarint: Qualem ser-
uasse consuetudinem Romanos, vt alios
populos prætermittam, historici quam-
plurimi contestantur: vt inde nimirum
reliqui ciues ad capefcendam virtutem
animo

animosiores eorundem præmiorum spe fierent. Præterea sunt quædam dona publicè missa, publicèque recepta, quibus Principes Principibus, aut ob aliquam adeptam victoriam, aut ob aliquem alium secundum euentum gratulantur. Huius extitisse generis videntur ea, quæ Romanis ob victoriam de Samnitibus relatam à Carthaginensibus, atque ab Attalo Rege aliâ ob causam accesserunt. Postremò habet etiam ecclesiastica politia sua munera: quæ quoniam pietati tantum inserviunt, meritò pia vocari possunt. De quorum munerum sanctis largitionibus, quoniam veteris nouique testamenti volumina frequentissimam mentionem faciunt, his diffusius hîc recensendis mihi supersedendum esse arbitror. Hoc solummodò dicam, summo studio cunctis, & publicis, & priuatis hominibus esse nitendum, ut quàm fieri potest, plurima huiusce generis dona in eos, qui indigent, erogentur, quap

doquidem ea, quæ ecclesiæ Christianæ
pauperibus distribuuntur, ipsius Chri-
sti membris exhibentur, vt idem ipse
Mat. 25. testatur, inquit: Quod vni ex meis vel
minimo fecistis, mihi fecistis. Ergo vt
eleemosynas hîc munerum appella-
tione comprehensas, egenti proximo
seorsum per vnumquemq; habilem be-
nignè cōmunicandas præteream, non
minus ad ciuileis magistratus, quàm
ad Pastores ecclesiasticos pertinet, di-
ligentissimè curare, vt huiusmodi do-
norum ingens copia semper ad manū
sit, qua pro temporum, ac personarum
qualitate, indigentium necessitatibus
opportunè succurri queat: quemadmo-
dum vtriusque iam dicti testamenti
quum institutiones, tum exempla no-
bis ob oculos ponunt: in primisq; apo-
stolicæ ecclesiæ facies id ostendit: in
qua communia erant omnibus omnia,
vt omnium indigentis ex æquo sub-
Act. 2. ueniretur. Et quanquam Apostolo-
rum quidem hac in re curam nonnul-
li

li succedentibus temporibus ecclesiarum præpositi, vel pro parte saltem æmulari conati sint, vt historiarum ecclesiasticarum Authores prodidere, denique tamen res eò paulatim deuenit, *Philip. 2.* vt nunc omnes ferè tātum (quod Paulus Apostolus ait) quæ sua sunt quarant, non quæ Iesu Christi. Faxit Deus vt huius temporis Ecclesiæ Christianæ, tam doctrina, quàm mores ad ipsorum Apostolorum ecclesiæ veteris archetypum reformatur: quo tandem impietati mundanisque cupiditatibus vale dicto, temperanter & iustè picq; viuamus in hoc seculo.

Hæc habui, Princeps Illustrissime, quæ de Regnis Rebusq; publicis ritè administrandis, deque Principum moribus dicerem, tibi que pro ea, qua prosequor te reuerentia, humiliter dicarem. Quibus quidem, quod mihi varijs ex Authoribus tam sacris, quàm profanis magno sanè labore, summoque studio sunt collecta, Rapsodiæ nomen

imponere libuit. Non vereor autem futuros aliquos, qui fortasse dicturi sint, me huc plura potuisse congerere, quàm hîc latissimè pateret campus: Alios verò me plura quàm par sit, congestisse: Quot enim capita, veteri prouerbio, tot sententiæ. Verùm Prioribus ego respondeo, me quàm plurima consultò præterisse, ne Lectorem nimia prolixitate fastidirem. Secundis verò pro me respondeat Martialis, qui ait: Non sunt longa, quibus nihil est, quod demere possis. Nam quum hîc nihil inutile, nihil extra rem dicatur, non video cur debeant reprehēdi, quæ paulò diffusius pertractata sint. Mihi sat erit, Præstantissime Princeps, si tibi, qui iudicio polles integro, sic ex nostræ vigiliæ tandem aruierint, ut æqui bonique facturus sis, me illas tibi, præcipuè destinasse. Nihil itaque reliquum esse videtur, quàm ut eos omneis, ad quos hæc ipsa sunt scripta plurimum horter, ut ad eadem factis exprimen-
da

da penitus adiungant animum: quò
primùm Optimo Maximoque Deo,
(cunētis deinde mortalibus)

quoad eius fieri po-
test, per omnia
fiat satis.



FINIS.



Handwritten text at the top of the page, likely a title or header, which is mostly illegible due to fading.

Several lines of handwritten text in the upper middle section of the page.



Handwritten text at the bottom of the page, including what appears to be a signature or date.







